

# তিলোত্তমাসম্ভব কাব্য

## প্রথম সর্গ

ধবল নামেতে গিরি হিমাদ্রির শিরে—  
অশ্রভেদী, দেব-আত্মা, ভীষণদর্শন;  
সতত ধবলাকৃতি, অচল, অটল;  
যেন উর্দ্ধবাহু সদা, শুভবেশধারী,  
নিমগ্ন তপঃসাগরে ব্যোমকেশ শূলী—  
যোগীকুলধ্যেয় যোগী!<sup>১</sup> নিকুঞ্জ, কানন,  
তরুসাজি, লতাবলী, মুকুল, কুসুম—  
অন্যান্য অচলভালে শোভে যে সকল,  
(যেন মরকতময় কনককিরীট)  
না পরে এ গিরি, সবে করি অবহেলা,  
বিমুখ পৃথিবীপতি পৃথ্বীসুখে যেন  
জিতেদ্রিয়। সুনাদিনী বিহঙ্গিনীদল,  
সুনাদী বিহঙ্গ, অলি মস্ত মধুলোভে,  
কড়ু নাহি ভ্রমে তথা! মুগেন্দ্র কেশরী,—  
করীশ্বর,—গিরীশ্বরশরীর<sup>২</sup>; ষাহার,—  
শাদ্দুল, ভল্লুক, বনচর জীব যত—  
বনকমলিনী কুরঙ্গিনী সুলোচনা,—  
ফণিনী মণিকুন্তলা, বিষাকর ফণী,—  
না যায় নিকটে তার—বিকট শেখর!  
অদূরে ঘোর তিমির গভীর গহ্বরে,  
কলকল করে জল মহাকোলাহলে,  
ভোগবতী<sup>৩</sup> স্রোতস্বতী পাতালে যেমতি  
কম্পোলিনী; ঘন স্বনে বহেন পবন,  
মহাকোপে লয়রূপে তমোগুণাশ্রিত,  
নিশ্বাস ছাড়ে যেন সর্বনাশকারী!  
দানব, মানব, যক্ষ, রক্ষ, দানবারি,—  
দানবী, মানবী, দেবী, কিবা নিশাচরী  
সকলেরি অগম — দুর্গম দুর্গ যেন!  
দিবানিশি মেঘরাশি উড়ে চারি দিকে,  
ভূতনাথসঙ্গে রঙ্গে নাচে ভূত যেন।

এ হেন নির্জজন স্থানে দেব পুরন্দর  
কেন গো বসিয়া আজি, কহ পদ্মাসনা  
বীণাপাণি? কবি, দেবি, তব পদাশুভ্জে  
প্রণমি, জিজ্ঞাসে তোমা, কহ, দয়াময়ি!  
তব কৃপা-মন্দর দানব-দেব-বল,  
শেষের অশেষ দেহ—দেহ এ দাসেরে;<sup>৪</sup>  
এ বাক্সাগর আমি মথি সযতনে,  
লভি, মা, কবিতামৃত—নিরুপম সুধা!  
অকিঞ্চনে কর দয়া, বিশ্ববিনোদিনি!  
যে শশীর স্থান, মাতঃ, স্থাণুর ললাটে,<sup>৫</sup>  
তাঁহারি আভায় শোভে ফুলকুলদলে  
নিশার শিশিরবিন্দু, মুক্তাফলরূপে!—  
কহ, সতি;—কি না তুমি জান, জ্ঞানময়ি?  
কোথা সে ত্রিদিব, যার ভোগ লভিবারে  
কঠোর তপস্যা নর করে যুগে যুগে,  
কত শত নরপতি রত অশ্বমেধে—  
সাগর বিপুলবংশে যে লোভেতে হত?<sup>৬</sup>  
কোথা সে অমরাপুরী কনকনগরী?  
কোথা বৈজয়ন্ত-ধাম,<sup>৭</sup> সুবর্ণ আলয়,  
প্রভায় মলিন যার ইন্দু, প্রভাকর?  
কোথা সে কনকাসন, রাজছত্র কোথা,  
রবির পরিধি যেন মেরু-শৃঙ্গোপরি—  
উভয় উজ্জ্বলতর উভয়ের তেজে?  
কোথা সে নন্দনবন, সুখের সদন?  
কোথা পারিজাত-ফুল, ফুলকুলপতি?  
কোথা সে উর্বশী, রূপে ঋষি-মনোহরা,  
চিত্রলেখা—জগৎজনের চিত্তে লেখা,  
মিশ্রকেশী—যার কেশ, কামের নিগড়,  
কি অমরে, কিবা নরে, না বাঁধে কাহারে?  
কোথায় কিম্বর? কোথা বিদ্যাধরদল?

১. পর্বত। ২. যোগীকুলের ধ্যেয় যে মহাযোগী অর্থাৎ মহাদেব। ৩. শ্রেষ্ঠ পর্বতের ন্যায় বিপুলাকৃতি।

৪. ত্রিলোকে গঙ্গার তিন নাম। স্বর্গে সুরধ্বনী, মর্ত্যে গঙ্গা, পাতালে ভোগবতী।

৫. মন্দর পর্বতকে মখন-দণ্ড ও শেষনাগকে মখন-রক্ষু করে দানব ও দেবগণ সম্মিলিত শক্তি প্রয়োগে সমুদ্র মন্থন করে অমৃত তুলেছিলেন। কবি দেবী সরস্বতীর কাছে প্রার্থনা করছেন, তিনি যেন বিপুলদেহ মন্দর পর্বতের ন্যায় তাঁর অপার করুণা, দেব-দানবের অপরিমিত বল ও শেষনাগের বিনাশহীন দেহের ন্যায় সুদীর্ঘ জীবন লাভ করেন, শব্দ ও বাক্যরূপ সাগর মন্থন করে তিনি অমৃতরূপ কাব্য রচনা করবেন।

৬. স্থাণু অর্থাৎ পর্বত। এখানে ধ্যানমগ্ন অচল অটল মহাযোগী শিব।

৭. রামায়ণের সগর রাজবংশের কাহিনী — অক্ষয় স্বর্গ লাভ কামনার অশ্বমেধ যজ্ঞানুষ্ঠান আয়োজন কালে পাতালে সগর রাজার ষাটহাজার পুত্র কপিল মূনির কোপে প্রাণ হারিয়েছিল।

৮. বৈজয়ন্ত দেবরাজ ইন্দ্রের এক নাম। এখানে ইন্দ্রের বাসস্থান—ইন্দ্রপুরী।

গন্ধর্ব—মদনগর্ব, খর্ব যার রূপে?  
 চিত্ররথ—কামিনীকুলের মনোরথ—  
 মহারথী? কোথা বজ্র, ভীমপ্রহরণ!  
 যার দ্রুত ইরম্মদে,<sup>৯</sup> গভীর গর্জনে,  
 দেব-কলেবর কাঁপে করি থর থর;  
 ভূধর অধীর সদা, চমকে ভুবন  
 আতঙ্কে? কোথা সে ধনুঃ, ধনুঃকুলরাজা  
 আভাময়, যার চারু-রত্ন-কাস্তিহটা  
 শোভে গো গগনশিরে (মেঘময় যবে)  
 শিখিপূচ্ছচূড়া যেন হাবীকেশকেশে!<sup>১০</sup>  
 কোথায় পুঙ্কর, আবর্ষক—ঘনেশ্বর?  
 কোথায় মাতুলি বলী? কোথা সে বিমান,  
 মনোরথ পরাজিত যে রথের বেগে—  
 গতি, ভাতি—উভয়েতে তড়িৎ লঙ্ঘিত?  
 কোথায় গজেন্দ্র ঐরাবত? উচ্চৈঃশ্রবাঃ  
 হয়েশ্বর, আশুগতি যথা আশুগতি?  
 কোথায় পৌলোমী<sup>১১</sup> সতী, অনন্ত-যৌবনা,  
 দেবেন্দ্র-হৃদয়-সরোবর-কমলিনী,  
 দেব-কুল-লোচন-আনন্দময়ী দেবী,  
 আয়তলোচনা? কোথা স্বর্ণ কল্পতরু,  
 কামদ বিধাতা যথা, যার পুত পদ  
 আনন্দে নন্দনবনে দেবী মন্দাকিনী<sup>১২</sup>  
 ধোন সদা প্রবাহিণী কলকল কলে?—  
 হায় রে, কোথায় আজি সে দেববিভব!  
 হায় রে, কোথায় আজি সে দেবমহিমা!  
 দুর্দান্ত দানবদল, দৈববলে বলী,  
 পরাভবি সুরদলে ঘোরতর রণে,  
 পুরিয়াছে স্বর্গপুরী মহাকোলাহলে,  
 বসিয়াছে দেবাসনে পামর দেবারি।  
 যথা প্রলয়ের কালে, রুদ্রের নিশ্বাস  
 বাতময়, উথলিলে জল সমাকুল,  
 প্রবল তরঙ্গদল, তীর অতিক্রমি,  
 বসুধার কুণ্ডল হইতে লয় কাড়ি  
 সুবর্ণকুসুম-লতা-মণ্ডিত মুকুট;—  
 যে সূচারু শ্যামঅঙ্গ ঋতুকুলপতি  
 গাঁথি নানা ফুলমালা সাজান আপনি  
 আদরে, হরে প্রািবন তার আভরণ।

সহস্রেক বৎসর যুঝিয়া দানবারি;  
 প্রচণ্ড দিতিজ<sup>১৩</sup> ভূজ প্রতাপে তাগিত,  
 ভঙ্গ দিয়া বিমুখ হইলা সবে রণে—  
 আকুল! পাবক যথা, বায়ু যাঁর সখা,  
 সর্বভুক, প্রবেশিলে নিবিড় কাননে,  
 মহাত্রাসে উর্দ্ধ্বাসে পালায় কেশরী:  
 মদকল নগদল,<sup>১৪</sup> চঞ্চল সভয়ে,  
 করভ<sup>১৫</sup> করিণী ছাড়ি পালায় অমনি  
 আশুগতি; যুগাদন<sup>১৬</sup> শাদ্দল, বরাহ,  
 মহিষ, ভীষণ ঋক্ষী—অক্ষয় শরীরী,  
 ভল্লক বিকটাকার, দুরন্ত হিংসক  
 পালায় ভৈরবরবে, তাজি বনরাজি;—  
 পালায় কুরঙ্গ রঙ্গরসে ভঙ্গ দিয়া,  
 ভূজঙ্গ, বিহঙ্গ, বেগে ধায় চারি দিকে;—  
 মহাকোলাহলে চলে জীবন-তরঙ্গ,  
 জীবনতরঙ্গ যথা পবনতাড়নে।

অব্যর্থ কুলিশে<sup>১৭</sup> ব্যর্থ দেখি সে সমরে,  
 পালাইলা পরিহরি সংগ্রাম কুলিশী<sup>১৮</sup>  
 পুরন্দর; পালাইলা পাশী<sup>১৯</sup> দেখি পাশে  
 স্রিয়মাণ, মন্ত্রবলে মহোরগ<sup>২০</sup> যেন!  
 পালাইলা যক্ষনাথ<sup>২১</sup> ভীম গদা ফেলি,  
 করী যেন করহীন! পালাইলা বেগে  
 বাতাকারে মুগপৃষ্ঠে<sup>২২</sup> বায়ুকুলপতি;  
 জরজর-কলেবর, দৃষ্টাসুর-শরে  
 পালাইলা শিখি-পৃষ্ঠে শিখিবরাসন  
 মহারথী;<sup>২৩</sup> পালাইলা মহিষ বাহনে  
 সর্বঅস্তকারী যম, দন্ত কড়মড়ি,  
 সাপটি প্রচণ্ড দণ্ড—ব্যর্থ এবে রণে।

পালাইলা দেবগণ রণভূমি তাজি;  
 জয় জয় নামে দৈত্য ভুবন পুরিল।  
 দৈববলে বলী পাপী, মহা অহঙ্কারে  
 প্রবেশিল স্বর্গপুরী—কনক নগরী,—  
 দেবরাজাসনে, মরি, দেবারি বসিল!  
 হায় রে, যে রতির মুগাল-ভূজপাশ,  
 (শ্রেমের কুসুম-ডোর), বাঁধিত সতত  
 মধুসখে, স্মরহর-কোপানল যেন  
 বিরহ-অনল রূপ ধরি, মহাতাপে

৯. মুহূর্ষে ঝলকিত বিদ্যুৎ।

১০. মেঘাচ্ছন্ন আকাশে উজ্জ্বল বর্ণময় ইন্দ্রধনু যেন শ্রীকৃষ্ণের চূড়ার ময়ূরপুঙ্কের ন্যায় শোভমান।

১১. পুলামো দৈত্যের কন্যা দেবরাজ ইন্দ্রের স্ত্রী। ১২. স্বর্গবাহিনী গঙ্গা। ১৩. কশ্যপপত্নী দিতির পুত্র দানবগণ।

১৪. মত্ত হস্তীর তুল্য চঞ্চল ও কম্পমান পাহাড়শ্রেণী।

১৫. হস্তীশাবক। ১৬. পশুহনক। ১৭. বজ্র।

১৮. বজ্রধারণকারী। ১৯. পাশধারী বরণদেব।

২০. মহাসর্প। ২১. যক্ষরাজ কুবের। ২২. বাহন মুগের পৃষ্ঠে। ২৩. ময়ূর যার বাহন সেই দেবসেনাপতি।

দৃষ্টিতে লাগিল এবে সে রতির হিয়া।<sup>২৪</sup>  
 সুন্দ উপসন্দাসুর, সুরে পরাভবি,  
 লগু ভণ্ড করিল অখিল ডুমগুণ ;  
 ঔর্ধ্বাধি ফ্রোধানল পশি যেন জলে,  
 ছালাইলা জলেশ্বরে, নাশি জলচরে।<sup>২৫</sup>  
 তোমার এ বিধি, বিধি, কে পারে বুঝিতে,  
 কিবা নরে, কি অমরে ? বোধাগম্য তুমি !

তাজি দেববলদলে দেবদলপতি  
 হিমাচলে মহাবল চলিলা একাকী ;—  
 যথা পক্ষরাজ বাজ, নির্দয় কিরাত  
 লুটিলে কুলায় তার পর্বত-কন্দরে,  
 শোকে অভিমানে মনে প্রমাদ গণিয়া,  
 আকুল বিহঙ্গ, তুঙ্গ-গিরি-শৃঙ্গোপরি,  
 কিন্না উচ্চশাখ বৃক্ষশাখে বসে উড়ি ;—  
 ধবল অচলে এবে চলিলা বাসব।  
 বিপদের কালজাল আসি বেড়ে যবে,  
 মহতজনভরসা মহত যে জন।

এই সুরপতি যবে ভীষণ অশনি-  
 প্রহারে<sup>২৬</sup> চূর্ণিয়াছিল শৈল-কুল-পাখা  
 হৈম, শৈলরাজসুত মৈনাক পশিলা  
 অতলজলধিতলে—মান বাঁচাইতে।<sup>২৭</sup>

যথা ঘোরতর বাত্যা, অস্থির নিষোষে  
 গভীর পর্যাধি<sup>২৮</sup> নীর, ধরি মহাবলে  
 জলচর-কুলপতি মীনেন্দ্র তিমিরে,  
 ফেলাইলে তুলে কুলে, মৎস্যনাথ তথা  
 অসহায় মহামতি হয়েন অচল ;  
 অভিমানে শিলাসনে বসিলা আসিয়া  
 জিষ্ণু<sup>২৯</sup>—অজিষ্ণু গো আজি দানব-সংগ্রামে  
 দানবারি। মহারথী বসিলা একাকী ;—  
 নিকটে বিকট বজ্র, বার্থ এবে রণে,  
 কমল চরণে পড়ি যায় গড়াগড়ি,  
 প্রচণ্ড আঘাতে ক্ষতশীর কেশরী  
 শিখরী সমীপে যথা—ব্যথিত হৃদয়ে !  
 কনক-নির্মিত ধনু—রতন-মণ্ডিত,  
 (কাদম্বিনী ধনী যারে পাইলে অমনি  
 যতনে সীমন্তদেশে পরয়ে হরষে)  
 অনাদরে শোভে, হায়, পর্বতশিখরে,  
 ধবল-ললাট-দেশ উজলি সুতেজে,

শশিকলা উমাপতি-ললাটে যেমতি।  
 শূন্য তুণ—বারিশূন্য সাগর যেমনি,  
 যবে ঋষি অগস্ত্য শুবিলা জলদলে  
 ঘোর রোষে।<sup>৩০</sup> শঙ্খ, যার নিনাদে আকুল  
 দৈত্যকুল—করী-অরি-নিনাদে যেমতি  
 করিবন্দ—নিরানন্দে সে এবে !  
 হায় রে, অনাথ আজি ত্রিদিবের নাথ !  
 হায় রে, গরিমাহীন গরিমা-নিধান !  
 যে মিহির, তিমিরারি, কর-রত্ন-দানে  
 ভূষেন রজনী-সখা, স্বর্ণতারাবলী,  
 গ্রহরাশি,—রাহ আসি গ্রাসিয়াছে তাঁরে !

এবে দিনমণি দেব, মৃদু-মন্দ-গতি,  
 অন্তাচলে চালাইলা স্বর্ণ-চক্ররথ,  
 বিশ্রাম বিলাস আশে মহীপতি যথা  
 সাজ করি রাজ্য-কার্য অবনীমণ্ডলে।  
 শুখাইল নলিনীর প্রফুল্ল আনন,  
 দুরূহ বিরহকাল কাল যেন দেখি  
 সমুখে ! মুদীলা আঁখি ফুলকুলেশ্বরী।  
 মহাশোকে চক্রবাকী অবাক হইয়া,  
 আইলো তরুর কোলে ভাসি নেত্রনীরে,  
 একাকিনী—বিরহিণী—বিষম্বদনা,  
 বিধবা দুহিতা যেন জনকের গৃহে।  
 মৃদুহাসি শশী সহ নিশি দিলা দেখা,  
 তারাময় সিঁথি পরি সীমন্তে সুন্দরী ;  
 বন, উপবন, শৈল, জলাশয়, সরণ,  
 চন্দ্রিমার রজঃকান্তি কান্তিল সবারে।  
 শোভিল বিমল জলে বিধুপরায়ণ  
 কুমুদিনী ; স্থলে শোভে বিশদবসনা<sup>৩১</sup> (১)  
 ধুতুরা চির যোগিনী, অলি মধুলোভী  
 কভু না পরশে যারে। উতরিলা ধীরে,  
 বিরাম-দায়িনী নিদ্রা—রজনীর সখী—  
 কুহকিনী স্বপ্নদেবী স্বজনীর সহ।  
 বসুমতী সতী তাঁর চরণকমলে,  
 জীবকুল লয়ে নমি নীরব হইলা।  
 আইলা রজনী ধনী ধবল-শিখরে  
 ধীরভাবে, ভীমা দেবী ভীম পাশে যথা  
 মন্দগতি। গেলা সতী কৌমুদীবসনা  
 শিলাতলে দেবরাজ বিরাজেন যথা।

২৪. মদন ভঙ্গের পর পত্নী রতির বিলাপ প্রসঙ্গ।

২৫. বাড়বাধির জন্ম-প্রসঙ্গ। ২৬. বজ্রাঘাতে।

২৭. দেবরাজ ইন্দ্রের উড়ন্ত মৈনাক পর্বতের ডানা কেটে দেবার পৌরাণিক প্রসঙ্গ।

২৮. সমুদ্র। ২৯. জয়শীল—বিজয়ী। ৩০. অগস্ত্য মুনির সমুদ্র শোষণের পৌরাণিক প্রসঙ্গ। ৩০(১). শুক্রবসন পরিহিতা।

ধরি পাদপদ্মযুগ করপদ্মযুগে,  
কাঁদিয়া সাপ্তাঙ্গে দেবী প্রণাম করিলা  
দেবনাথে। অশ্রু-বিন্দু, ইন্দ্রের চরণে,  
শোভিল, শিশির যেন শতদল-দলে,  
জাগান অরুণে যবে উষা সাজাইতে  
একচক্ররথ, খুলি সুকমল-করে  
পূর্বাশার হৈম দ্বার! আইলেন এবে  
নিদ্রাদেবী, সহ স্বপ্ন-দেবী সহচরী,  
পুষ্পদাম সহ, আহা, সৌরভ যেমতি!  
মৃদু মন্দ গন্ধবহ-বাহনে আরোহি,  
আসি উতরিলা দৌহে যথা বজ্রপাণি;  
কিন্তু শোকাকুল হেরি দেবকুলনাথে,  
নিঃশব্দে বিনতভাবে দূরে দাঁড়াইলা,  
সুকিঙ্করীবৃন্দ যথা নরেন্দ্র সমীপে  
দাঁড়ায়,—উজ্জ্বল স্বর্ণপুতলীর দল।  
হেরি অসুরারি দেবে শোকের সাগরে  
মগ্ন, মগ্ন বিশ্ব যেন প্রলয়সলিলে,—  
কাঁদিতে কাঁদিতে নিশি নিদ্রা পানে চাহি,  
সুমধুর স্বরে শ্যামা কহিতে লাগিলা ;—  
“হায়, সখি, এ কি লীলা খেলিলা বিধাতা?  
দেবকুলেশ্বর যিনি, ত্রিদিবের পতি,  
এই শিলাময় দেশ—অগম, বিজন,  
ভয়ঙ্কর—মরি! এ কি সাজে লো তাঁহারে?  
হায় রে, যে কল্পতরু নন্দনকাননে,  
মন্দাকিনী তটিনীর স্বর্ণতটে শোভে  
প্রভাময়, কে ফেলে লো উপাড়ি তাহারে  
মরুভূমে? কার বুক না ফাটে লো দেখি  
এ মিহিরে ডুবিতে এ তিমির-সাগরে!”  
কহিতে কহিতে দেবী শর্বরী<sup>১১</sup> সুন্দরী  
কাঁদিয়া তারাকুন্তলা ব্যাকুলা হইলা!  
শোকের তরঙ্গ যবে উঠলে হৃদয়ে,  
ছিন্ন-তার বীণা সম নীরব রসনা ;—  
অরে রে দারুণ শোক, এই তোর রীতি!  
শুনি যামিনীর বাণী, নিদ্রাদেবী তবে  
উত্তর করিলা সতী অমৃতভাষিণী,  
স্বধূপানে মাতি যেন মধুকরীশ্বরী<sup>১২</sup>  
মধুর গুঞ্জরে, আহা, নিকুঞ্জ পুরিলা :—  
“যা কহিলে সত্য, সখি, দেখি বুক ফাটে ;  
বিধির নির্বন্ধ কিন্তু কে পারে খণ্ডাতে?  
আইস এবে, তুমি, আমি, স্বপ্নদেবী সহ,

কিঞ্চিৎ কালের তরে হরি, যদি পারি,  
এ বিষম শোকশেল, যতন করিয়া।  
ডাক তুমি, হে স্বজনি, মলয় পবনে ;  
বল তারে সুসৌরভ আশু আনিবারে,  
কহ তব সুধাংশুরে সুধা বরষিতে।  
যাই আমি, যদি পারি, মুদি, প্রিয়সখি,  
ও সহস্র আশি, মস্তবলে কি কৌশলে।  
গড়ুক স্বপ্নদেবী মায়ায় পৌলোমী—  
মৃগাক্ষী,<sup>১৩</sup> পীবরভনী,<sup>১৪</sup> সুবিন্দু-অধরা,  
সুশোভিত কবরী মন্দারে, কৃশোদরী ;  
বেড়ুক দেবেশ্রে সৃষ্টি মায়ায় নন্দন ;  
মায়ায় উর্বশী আসি, স্বর্ণবীণা করে,  
গায়ুক মধুর গীত মধু পঞ্চস্বরে;  
রঙা-উরু রঙা আসি নাচুক কৌতুকে।  
যে অবধি, নলিনীর বিরহে কাতর,  
নলিনীর সখা আসি নাহি দেন দেখা  
কনক উদয়াচল-শিখরে, উজ্জলি  
দশ দিশ, হে স্বজনি, আইস তোমা দৌহে,  
সাধিতে এ কার্য মোরা করি প্রাণপণ।”

তবে নিশি, সহ নিদ্রা, স্বপ্ন কুহকিনী,  
হাত ধরাধরি করি, বেড়িলা বাসবে—  
সুবর্ণ চম্পকদাম গাঁথি যেন রতি  
দোলাইলা প্রাণপতি মদনের গলে!  
ধীরভাবে দেবীদল, বেড়িয়া দেবেশে,  
যাঁর যত তন্ত্র, মন্ত্র, ছিটা, ফোঁটা ছিল,  
একে একে লাগাইলা ; কিন্তু দৈবদোষে,  
বিফল হইল সব ; যামিনী অমনি,  
চঞ্চল বিশ্বয়ে দেবী, মৃদু, কলস্বরে,—  
একাকিনী, সূনাদিনী কপোতী যেমতি  
কুহরে নিবিড় বনে—কহিতে লাগিলা ;—  
“কি আশ্চর্য্য, প্রিয়সখি, দেখিলাম আজি!  
কেবা জিনে ত্রিভুবনে আমা তিন জনে?  
চিরবিজয়িনী মোরা যাই লো যে স্থলে!  
সাগর মাঝারে, কিম্বা গহন বিপিনে,  
রাজসভা, রণভূমে, বাসরে, আসরে,  
কারাগারে, দুঃখ, সুখ, উভয় সদনে,  
করি জয় স্বর্গে, মর্ত্যে, পাতালে, আমরা ;  
কিন্তু সে প্রবল বল বৃথা হেথা এবে।”

শুনি স্বপ্নদেবী হাসি—হাসে শশী যথা—  
কহিলা শ্যামা স্বজনী রজনীর প্রতি ;

'মিছে খেদ কেন, সবি, কর গো আপনি ?

নেত্রের মণী ধনী পুলোমদুহিতা

বিলা, আর কার সাধ্য নিবাইতে পারে

এ জ্বলন্ত শোকানল ? যদি আঙ্কা দেহ,

পাণি আমি আনি হেথা সে চারুহাসিনী ।

৩৫৫, সখি, পতিহীনা কপোতী যেমতি,

৩৫৬, শৃঙ্গধর সমীপে, বিলাপি

৩৫৭, কান্তে সীমন্তিনী, বিরহবিধুরা,

৩৫৮, দূতী সহ সতী ভ্রমেন জগতে,

৩৫৯, শোকে ! শুন মন দিয়া, রজনী স্বজনি,

৩৬০, আঙ্কা কর তবে এখন যাইব ।”

৩৬১ বলি আদেশিলা শশাঙ্করঙ্গিনী ।

৩৬২, স্বপনদেবী নীলাম্বর-পথে—

৩৬৩, বিমল তরলতর রূপে আলো করি

৩৬৪, দিশ ; আশুগতি গেলা কুহকিনী,

৩৬৫, পতিত তারা যেন উঠিল আকাশে ।

৩৬৬, গেলা চলি স্বপ্নদেবী মায়ারী সুন্দরী

৩৬৭, বেগে ; বিভাবরী নিদ্রাদেবী সহ

৩৬৮, ধবল শৃঙ্গে ; আহা, কিবা শোভা !

৩৬৯, ধুগল কমল, যেন জগৎ মোহিতে,

৩৭০, টুটিল এক মৃগালে ক্ষীর-সরোবরে !

৩৭১, শিখরে বসি নিদ্রা, বিভাবরী,

৩৭২, আকাশের পানে দৌহে চাহিতে লাগিলা,

৩৭৩, হায় রে, চাতকী যথা সতৃষ্ণ নয়নে

৩৭৪, চাহে আকাশের পানে জলধারা-আশে !

৩৭৫, আচম্বিতে পূর্বভাগে গগনমণ্ডল

৩৭৬, উজ্বলিল, যেন দ্রুত পাবকের শিখা,

৩৭৭, ঠেলি ফেলি দুই পাশে তিমির-তরঙ্গ,

৩৭৮, উঠিল অম্বর-পথে ; কিম্বা ত্রিবাম্পতি<sup>৩৬</sup>

৩৭৯, অরণ সারথি সহ স্বর্গচক্র রথে

৩৮০, উদয় অচলে আসি দরশন দিলা ।

৩৮১, শতক যোজন বেড়ি আলোক-মণ্ডল

৩৮২, শোভিল আকাশে, যেন রঞ্জনের ছটা

৩৮৩, মীলোৎপল-দলে, কিম্বা নিকমে যেমতি

৩৮৪, সৃষ্ণের রেখা—লেখা বক্র চক্ররূপে ।

৩৮৫, এ সুন্দর প্রভাকর পরিধি মাঝারে,

৩৮৬, মেঘাসনে বসি ওগো কোন্ সতী ওই ?

৩৮৭, কেমনে, কহ, মা, শ্বেতকমলবাসিনী,

৩৮৮, কেমনে মানব আমি চাব গুঁর পানে ?

রবিচ্ছবি পানে, দেবি, কে পারে চাহিতে ?  
এ দুর্বল দাসে কর তব বলে বলী ।

৩৮৯, চরণ যুগল শোভে মেঘবর-শিরে,

৩৯০, নীল জলে রক্তোৎপল প্রফুল্লিত যথা,

৩৯১, কিম্বা মাধবের বৃকে কৌমুদ রতন ।

৩৯২, দশ চন্দ্র পড়ি রে রাজীব<sup>৩৭</sup> পদতলে,

৩৯৩, পূজা ছলে বসে তথা—সুখের সদন ।

৩৯৪, কাঞ্চন-মুকুট শিরে—দিনমণি তাহে

৩৯৫, মণিরূপে শোভে ভানু ; পৃষ্ঠে মন্দ দোলে

৩৯৬, বেণী,—কামবধু রতি যে বেণী লইয়া

৩৯৭, গড়েন নিগড় সদা বাঁধিতে বাসবে !

৩৯৮, অনন্ত যৌবন দেব, বসন্ত যেমনি

৩৯৯, সাজায় মহীর দেহ সুমধুর মাসে,

৪০০, উল্লাসে ইন্দ্রাণী পাশে বিরাজে সতত

৪০১, অনুচর, যোগাইয়া বিবিধ ভূষণ !

৪০২, অলিপংক্তি,—রতিপতি-ধনুকের গুণ,—

৪০৩, সে ধনুরাকার ধরি বসিয়াছে সুখে

৪০৪, কমল নয়ন-যুগোপরি, মধু আশে

৪০৫, নীরব !—হায় রে মরি ! এ তিন ভুবনে

৪০৬, কে পারে ফিরাতে আঁখি হেরি ও বদন !

৪০৭, পদ্মরাগ-খচিত, পদ্মের পর্ণ সম

৪০৮, পটবস্ত্র ; সু-অঞ্চল জ্বলে রত্নাবলী,

৪০৯, বিজলীর ঝালা যেন অচঞ্চল সদা !

৪১০, সে আঁচল ইন্দ্রাণীর পীনভ্রনোপরি

৪১১, ভাতে, কামকেতু যথা যবে কামসখা

৪১২, বসন্ত, হিমাঙ্কে, তারে উড়ায় কৌতুকে !

৪১৩, ভুবনমোহিনী দেবী, বসি মেঘাসনে,

৪১৪, আইলা অম্বরপথে মুদুমন্দগতি,—

৪১৫, নীলাম্বু সাগর-মুখে নীলোৎপল-দলে

৪১৬, যথা রমা সুকেশিনী কেশববাসনা,

৪১৭, সুরাসুর মিলি যবে মথিলা সাগরে !<sup>৩৮</sup>

৪১৮, হায়, ও কি অশ্রু কবি হেরে ও নয়নে ?

৪১৯, অরে রে বিকট কীট, নিদারুণ শোক,

৪২০, এ হেন কোমল ফুলে বাসা কি রে তোর—

৪২১, সর্বভুক্ সম, হায়, তুই দুরাচার

৪২২, সর্বভুক্ ? শূন্যমার্গে কাঁদেন বিধাদে

৪২৩, একাকিনী স্বরীশ্বরী !<sup>৩৯</sup> চল, ঘনপতি !<sup>৪০</sup>

৪২৪, ঘন-কুলোত্তম তুমি, উড় দ্রুতবেগে ।

৪২৫, তুমি হে গন্ধমাদন, তোমার শিখরে

ফলে সে দুর্লভ স্বর্ণলতিকা, পরশে  
যাহার, শোকের শক্তি-শেলাঘাত হতে  
লভিবেন পরিত্রাণ বাসব সুমতি।<sup>১০</sup>

আইলা পৌলোমী সতী মেঘাসনে বসি,  
তেজোরশি-বোষ্টিতা ; নাদিল জলধর ;  
সে গভীর নাদ শুনি, আকাশসম্ভবা  
প্রতিধ্বনি সপুলকে বিভারিলা তারে  
ঢালিদিবে ; কুঞ্জবন, কন্দর, পর্বত,  
নিবিড় কানন, দূর নগর, নগরী,  
সে স্বর-তরঙ্গ রঙ্গে পুরিল সবারে ।  
চাতকিনী জয়ধ্বনি করিয়া উড়িল  
শূন্য পথে, হেরি দূরে প্রাণনাথে যথা  
বিরহবিধুরা বালা, ধায় তার পানে ।  
নাচিতে লাগিল মন্ত শিখিনী সুখিনী ;  
প্রকাশিল শিখী চারু চন্দ্রক-কলাপ ;  
বলাকা, মালায় গাথা, আইলা ত্বরিতে  
যুড়িয়া আকাশপথ ; সুবর্ণ কন্দলী—  
ফুলকুলবধু সতী সদা লজ্জাবতী,  
মাথা তুলি শূন্যপানে চাহিয়া হাসিল ;  
গোপিনী শুনি যেমনি মুরলীর ধ্বনি,  
চাহে গো নিকুঞ্জপানে, যবে ব্রজধামে,  
দাঁড়ায়ে কদম্বমূলে যমুনার কূলে,  
মৃদুস্বরে সুন্দরীরে ডাকেন মুরারি।<sup>১১</sup>

ঘনাসন ত্যজি আশু নামিলা ইন্দ্রাণী  
ধবলের পদদেশে । এ কি চমৎকার ?  
প্রভাকীর্ণ, তেজোময় কনকমণ্ডিত  
সোপান দেখিলা দেবী আপন সম্মুখে—  
মগি মুক্তা হীরক খচিত শত সিঁড়ি  
গড়ি যেন বিশ্বকর্মা স্থাপিলা সেখানে ।  
উঠিলেন ইন্দ্রপ্রিয়া মৃদু মন্দ গতি  
ধবল শিখরে সতী । আচম্বিতে তথা  
নয়ন-রঞ্জন এক নিকুঞ্জ শোভিল ।  
বিবিধ কুসুমজাল, স্তবকে স্তবকে  
বনরত্ন, মধুর সর্বস্ব, স্মরধন,  
বিকশিয়া চারি দিকে হাসিতে লাগিল—  
নীল নভস্তলে হাসে তারাদল যথা ।  
মধুকর-নিকর, আনন্দধ্বনি করি  
মকরন্দ<sup>১২</sup>-লোভে অন্ধ আসি উতরিলা :  
বসন্তের কলকঠ গায়ক কোকিল

বরষিলা স্বরসুধা ; মলয় মারুত—  
ফুল-কুল-নায়ক প্রবর সমীরণ—  
প্রতি অনুকুল-ফুল-শ্রবণ-কুহরে  
প্রেমের রহস্য আসি কহিতে লাগিলা ;  
ছুটিল সৌরভ যেন রত্নির নিশ্বাস,  
মন্মথের মন যবে মথেন কামিনী  
পাতি প্রণয়ের ফাঁদ প্রণয়কৌতুকে  
বিরলে । বিশাল তরু, ব্রততী<sup>১৩</sup>-রমণ,  
মঞ্জরিত ব্রততীর বাহুপাশে বাঁধা,  
দাঁড়াইল চারি দিকে, বীরবৃন্দ যথা ;  
শত শত উৎস, রজস্তুভের আকারে  
উঠিয়া আকাশে, মুক্তাফল কলরবে  
বরষি, আদ্রিল অচলের বক্ষঃস্থল ।  
সে সকল জলবিন্দু একত্র মিশিয়া,  
সুজিল সত্বর এক রম্য সরোবর  
বিমল-সলিল-পূর্ণ ; সে সরে হাসিল  
নলিনী, ভুলিয়া ধনী তপন-বিরহ  
ক্ষণকাল । কুমুদিনী, শশাঙ্ক-রঙ্গিণী,  
সুখের তরঙ্গে রঙ্গে ফুটিয়া ভাসিল !  
সে সরোদর্পণে তারা, তারানাথ সহ,  
সুতরল জলদলে কাণ্ডি রজতেজে,  
শোভিল পুলকে—যেন নৃতন গগনে !  
অবিলম্বে শম্বরারি<sup>১৪</sup>-সখা ঋতুপতি  
উতরিলা সম্ভাষিতে ত্রিদিবের দেবী।—

কার সঙ্গে এ কুঞ্জের দিব রে তুলনা ?  
প্রাণপতি সহ রতি ভুঞ্জে রতি যথা  
কি ছার সে কুঞ্জবন এ কুঞ্জের কাছে ।  
কালিন্দী আনন্দময়ী তটিনীর তটে  
শোভে যে নিকুঞ্জবন—যথা প্রতিধ্বনি,  
বংশীধ্বনি শুনি ধনী—আকাশদুহিতা—  
শিখে সদা রাখানাম মাধবের মুখে,  
এ কুঞ্জের সহ তার তুলনা না খাটে।<sup>১৫</sup>  
কি কহিবে কবি তবে এ কুঞ্জের শোভা ?  
প্রমদার পাদপদ্ম-পরশে অশোক  
সুখে প্রসূনের<sup>১৬</sup> হার পরে তরুণর ;  
কামিনীর বিধুমুখ-শীধু<sup>১৭</sup>-সিক্ত হলে,  
বকুল, ব্যাকুল তার মন রঞ্জাইতে,  
ফুল-আভরণে ভূষে আপনার বর্পু  
হরষে, নাগর যথা প্রেমলাভ আশে ;—

৪০. রামায়ণে বর্ণিত শক্তিশেলবিদ্ধ লক্ষণের বিশাল্যকরণীযোগে জীবন লাভের প্রসঙ্গ ।

৪১. রাধিকা ও কুঞ্জের ব্রজলীলার উল্লেখ ।

৪২. মধু । ৪৩. লতা । ৪৪. শম্বরাসুর হত্যাকারী মদনদেব । ৪৫. রাখাকুঞ্জের ব্রজলীলা প্রসঙ্গ ।

৪৬. পুষ্প । ৪৭. মধু থেকে তৈরি মদ্য ।

কিঞ্চ আজি ধবলের হের বাজি-খেলা ।  
 আগে রে বিজন, বন্ধা, ভয়ঙ্কর গিরি,  
 হেঁচি এ নারীন্দু-পদ অরবিন্দ-যুগ,  
 আমন-সাগর-নীরে মজিলি কি তুই ?  
 স্মরণ দিগম্বর, স্মর প্রহরণে,  
 মেঘবতী-সতী-রূপ-মাধুরী দেখিয়া,  
 মাটিলা কি কামমদে তপ যাগ ছাড়ি ?  
 আজি ভস্ম, চন্দন কি লেপিলা দেহেতে ?  
 মেঘল দূরে হাড়মালা, রত্ন কণ্ঠমালা  
 পাঁচলা কি নীলকণ্ঠে, নীলকণ্ঠ ভব ?<sup>৪৮</sup>—  
 কাহা রে অঙ্গনাকুল, বলিহারি তোরে !

প্রবেশিলা কুঞ্জবনে পৌলোমী সুন্দরী ;  
 অগ্নিকুল বঙ্কারিয়া ঝাঁকে ঝাঁকে উড়ি,  
 মণ্ডরন্দ-গন্ধে যেন আকুল হইয়া,  
 গেড়িল বাসব-হৃৎ-সরসী-পদ্মিনীরে,  
 স্বর্গের লভিতে সুখ স্বর্গপুরী যথা  
 গেড়ে আসি দৈত্যদল ! অদূরে সুন্দরী  
 মনোরম পথ এক দেখিলা সম্মুখে ।  
 উভয় পারশে শোভে দীর্ঘ তরুরাজী,  
 মুকুলিত-সুবর্ণ-লতিকা-বিভূষিত,  
 শীর-দেহে শোভে যথা কনকের হার  
 চকমকি ! দেবদারু—শৈলশৃঙ্গ যথা  
 উচ্চতর ; লতাবধু-লালসা রসাল,  
 রসের সাগর তরু ; মৌল—মধুদ্রুম ;  
 শোভাঞ্জন—জটাধর যথা জটাধর  
 কপদী<sup>৪৯</sup> ; বদরী<sup>৫০</sup>—যার স্নিগ্ধ তলে বসি,  
 বৈপায়ন, চিরজীবী যশঃসুধা পানে,  
 কহেন মধুর স্বরে, ভুবন মোহিয়া,  
 মহাভারতের কথা ! কদম্ব সুন্দর—  
 করি চুরি কামিনীর সুরভি নিশ্বাস  
 দিয়াছে মদন যার কুসুম-কলাপে,<sup>৫১</sup>  
 কেন না মন্থথ-মন মথেন যে ধনী,  
 তাঁর কুচাকার ধরে সে ফুল-রতন !  
 অশোক—বৈদেহি, হায়, তব শোকে, দেবি,  
 লোহিত বরণ আজু প্রস্নন যাহার  
 যথা বিলাপীর আঁখি ! শিমূল—বিশাল  
 বৃক্ষ, ক্ষত-দেহ যেন রণক্ষেত্রে রথী  
 শোণিতার্দ্র ! সুইকুদী, তপোবনবাসী  
 তাপস ; শল্মলী ; শাল ; তাল, অভভেদী

চূড়াধর ; নারিকেল, যার স্তনচয়  
 মাতৃদুগ্ধসম রসে তোষে তৃষাতুরে !  
 গুবাক ; চালিতা ; জাম, সুভ্রমররূপী  
 ফল যার ; উদ্ধশির তেঁতুল ; কাঁঠাল,  
 যার ফলে স্বর্গকণা শোভে শত শত  
 ধনদের গৃহে যেন । বংশ, শতচূড়,  
 যাহার দুহিতা বংশী, অধর-পরশে,  
 গায় রে ললিত গীত সুমধুর স্বরে !  
 ঝঙ্কর, কুস্তীরনিভ ভীষণ মুরতি,  
 তবু মধুরসে পূর্ণ ! সতত থাকে রে  
 সুগুণ কুদেহে ভবে বিধির বিধানে !  
 তমাল—কালিন্দীকূলে যার ছায়াতলে  
 সরস বসন্তকালে রাখাকান্ত হরি  
 নাচেন যুবতী সহ !<sup>৫২</sup> শমী—বরাকনা,  
 বন-জ্যোৎস্না ! আমলকী—বনস্থলী-সখী ;  
 গাভারী—রোগান্তকারী যথা ধন্বন্তরি—  
 দেবতাকুলের বৈদ্য ! আর কব কত ?

চলিলা দেব-কামিনী মরাল-গামিনী ;  
 রুণরুণ ধ্বনি করি কিঞ্চিণী বাজিল ;  
 শুনি সে মধুর বোল তরুদল যত,  
 রতিভ্রমে পুষ্পাঞ্জলি শত হস্ত হতে  
 বরষি, পূজিল স্তব্ধে রাঙা পা দুখানি ।  
 কোকিল কোকিলা সহ মিলি আরঞ্জিল  
 মদন-কীর্তন-গান ; চলিলা রূপসী—  
 যেখানে সুরাঙাপদ অর্পিলা ললনা,  
 কোকনদফুল ফুটি শোভিল সেখানে !

অদূরে দেখিলা দেবী অতি মনোহর  
 হৈম, মরকতময়, চাকু সিংহাসন ;  
 তাহার উপরে তরু-শাখাদল মিলি,  
 আলিঙ্গিয়া পরস্পরে, প্রসারে কৌতুকে,  
 নবীন পল্লবছত্র, প্রবালে ঋচিত,  
 বেষ্টিত মাণিকরূপী মুকুলঝালরে ;  
 সুপ্ত পীতাস্বর<sup>৫৩</sup>-শিরে অনন্ত যেমতি  
 (ফণীন্দ্র) অযুত ফণা ধরেন যতনে ।  
 চারি দিকে ফুটে ফুল ; কিংশুক, কেতকী,  
 স্মর-প্রহরণ<sup>৫৪</sup> উভে ; কেশর সুন্দর—  
 রতিপতি করে যারে ধরেন আদরে,  
 ধরেন কনকদণ্ড মহীপতি যথা ;  
 পাটলি—মদন-তৃণ, পূর্ণ ফুল-শরে ;

৪৮. মদনদেব কর্তৃক যোগীশ্বর মহাদেবের তপোভঙ্গ প্রসঙ্গ । ৪৯. জটাধারী শিব ।

৫০. কুল নামক ফল । ৫১. সুরভিত কদমফুলের সৌন্দর্য বর্ণনা । ৫২. রাখাকুকের ব্রজলীলার প্রসঙ্গ ।

৫৩. পীতবর্ণের পোশাকধারী বনমালী । ৫৪. কামদেবের অস্ত্র ।

মাধবিকা—যার পরিমল-মধু-আশে,  
 অনিল উন্নত সদা ; নবীনা মালিকা—  
 কানন-আনন্দময়ী ; চারু গন্ধরাজ—  
 গন্ধের আকর, গন্ধ-মাদন যেমতি ;  
 চম্পক—যাহার আভা দেবী কি মানবী,  
 কে না লোভে ত্রিভুবনে ? লোহিতলোচনা  
 জবা—মহিষমর্দিনী আদরেন যারে ;  
 বকুল—আকুল অলি যার সুসৌরভে ;  
 কদম্ব—যাহার কান্তি দেখি, সুখে মজি,  
 রতির কুচ-যুগল গড়িলা বিধাতা ;  
 রজনীগন্ধা—রজনী-কুম্বল-শোভিনী,  
 শ্বেত, তব শ্বেতভুজ যথা, শ্বেতভুজে !  
 কর্ণিকা—কোমল উরে<sup>৫৫</sup> যাহার বিলাসী  
 (তপন-তাপেতে তাপী) শিলীমুখ,<sup>৫৬</sup> সুখে  
 লভে সুবিরাম, যথা বিরাজেন রাজা  
 সুপট্ট-শয়নে ; হায়, কর্ণিকা অভাগা  
 বরবর্ণ বৃথা যার সৌরভ বিহনে,  
 সতীত্ব বিহনে যথা যুবতীযৌবন !  
 কামিনী—যামিনী-সখী, বিশদ-বসনা  
 ধুতূরা যোগিনী যথা, কিন্তু রতি-দুতী,  
 রতি কাম সেবায় সতত ধনী রত !  
 পলাশ—প্রবালে গড়া কুণ্ডলের রূপে  
 ঝলকে যে ফুল বনস্থলী-কর্ণ মূলে ;  
 তিলক—ভবানী-ভালে শশিকলা যথা  
 সুন্দর ! ঝুমুকা—যার চারু মুর্তি গড়ি  
 সুবর্ণে, প্রমদা কর্ণে পরে মহাদরে ।—  
 আর আর ফুল যত কে পারে বর্ণিতে ?

এ সব ফুলের মাঝে দেখিলা রূপসী  
 শোভিছে অঙ্গনাকুল, ফুলরুচি হরি,  
 রূপের আভায় আলো করি বনরাজী ;—  
 পর্বতদুহিতা সবে—কনক-পুতলী,  
 কমলবসনা, শিরে কমলকিরীট,  
 কমল-ভূষণা, কমলায়ত-নয়না,  
 কমলময়ী যেমনি কমল-বাসিনী  
 ইন্দ্রিা !<sup>৫৭</sup> কাহার করে হৈম ধূপদান,  
 তাহে পুড়ি গন্ধরস, কুম্ভক, অগুরু,  
 গন্ধামোদে আমোদিছে সুনিকুঞ্জবন,

যেন মহাব্রতে ব্রতী বসুন্ধরা-পতি  
 ধবল, ভুধরেশ্বর ! কার হাতে শোভে  
 স্বর্ণথালে পাদ্য অর্ঘ্য ; কেহ বা বহিছে  
 মণিময় পাত্রে ভরি মন্দাকিনী-বারি,  
 কেহ বা চন্দন, চূয়া, কস্তুরী, কেশর,  
 কেহ বা মন্দারদাম<sup>৫৮</sup>— তারাময় মালা !  
 মৃদঙ্গ বাজায় কেহ রঙ্গরসে ঢলি ;  
 কোন ধনী, বীণাপাণি-গঞ্জিনী, পুলকে  
 ধরি বীণা, বরিষিছে সুমধুর ধ্বনি ;  
 কামের কামিনী সমা কোন বামা ধরে  
 রবাব, সঙ্গীত-রস-রসিত অর্ণব ;<sup>৫৯</sup>  
 বাজে কপিনাশ—দুঃখনাশ যার রবে ;  
 সপ্তস্বর, সুমন্দিরা, আর যন্ত্র যত ;—  
 তম্বুরা—অম্বরপথে গঙীরে যেমতি  
 গরজে জীমূত,<sup>৬০</sup> নাচাইয়া ময়ূরীরে ।

দেখিয়া সতীরে, যত পার্বতী যুবতী,<sup>৬১</sup>  
 নৃত্য করি মহানন্দে গাইতে লাগিলা,  
 যথা যবে, আশ্বিন, হে মাস-বংশ-রাজা,  
 আন তুমি গিরি-গৃহে গিরীশ-দুহিতা  
 গৌরী, গিরিরাজ-রাণী মেনকা সুন্দরী,  
 সহ সহচরীগণ, তিতি নেত্রনীরে,  
 নাচেন গায়েন সুখে !<sup>৬২</sup> হেরিয়া শচীরে  
 অচিরে পার্বতীদল গীত আরঙিলা ।

“স্বাগত, বিধুবদনা, বাসব-বাসনা !  
 অমরাপুরী-ঈশ্বরী ! এ পর্বত-দেশে  
 স্বাগত, ললনা, তুমি ! তব দরশনে,  
 ধবল অচল আজি অচল হরবে !  
 শৈলকুল-শত্রু শত্রু,<sup>৬৩</sup> তব প্রাণপতি ;  
 কিন্তু যুথনাথ যুবো যুথনাথ সহ—  
 কেশরী কেশরী সঙ্গে যুদ্ধ-রঙ্গে রত ।  
 আইস, হে লাভগ্যবতি, দুহিতা যেমতি,  
 আইসে নিজ পিত্রালয়ে নির্ভয় হৃদয়ে,  
 কিম্বা বিহঙ্গিনী যথা বিপদের কালে,  
 বহুবা তরু-কোলে ! যাঁর অশ্বেষণে  
 ব্যগ্র তুমি সে রতনে পাইবা এখনি—  
 দেখ তব পুরন্দরে ওই সিংহাসনে !”

নীরবিলা নগবালাদল, অরবিন্দ-

৫৫. বন্ধদেশে । ৫৬. মৌমাছি । ৫৭. লক্ষ্মীদেবী । ৫৮. স্বর্গের পুষ্ণ পারিজাতগুচ্ছ । ৫৯. সমুদ্র । ৬০. মেঘ ।

৬১. পর্বতবাসিনী যুবতী ।

৬২. বাংলা শাস্ত্রপদাবলীর অন্তর্গত আগমনী ও বিজয়া গানে বর্ণিত দুর্গোৎসব প্রসঙ্গ ।

৬৩. পর্বতকুলের শত্রু ইন্দ্র । উড়ন্ত পর্বত মৈনাকের ইন্দ্র কর্তৃক পঙ্কহেন্দন প্রসঙ্গ ।



কৃশণা।<sup>৬৫</sup> সম্মুখে দেবী কনক-আসনে,  
 মন্দনকাননে যেন, দেখিলা বাসবে।  
 অমনি রমণী, হেরি হৃদয়-রমণে,  
 চণ্ডিলা দেবেশ-পাশে সত্বর-গামিনী,  
 শ্রেম-কুতূহলে ; যথা বরিষার কালে,  
 শৈবলিনী,<sup>৬৬</sup> বিরহ-বিধুরা, ধায় রড়ে  
 কল কল কলরবে সাগর উদ্দেশে,  
 মজ্জিতে শ্রেমতরঙ্গ-রঙ্গে তরঙ্গিণী।

যথা শুনি চিন্ত-বিনোদিনী বীণাধ্বনি,  
 উল্লাসে ফণীন্দ্র জাগে, শুনিয়া অদূরে  
 পৌলোমীর পদ-শব্দ—চির পরিচিত—  
 উঠিলেন শচীপতি শচী-সমাগমে।  
 উন্নীলিলা আখণ্ডল<sup>৬৭</sup> সহস্র লোচন,  
 যথা নিশা-অবসানে মানস-সুসরঃ  
 উন্নীলে কমল-কুল ; কিম্বা যথা যবে  
 রজনী শ্যামাঙ্গী ধনী আইসে মৃদুগতি,  
 খুলিয়া অযুত আঁখি গগন কৌতুকে  
 সে শ্যাম বদন হেরে—ভাসি শ্রেম-রসে।  
 বাহু পসারিয়া দেব ত্রিদিবের পতি  
 বাঁধিলা প্রণয়পাশে চারুহাসিনীরে  
 যতনে, রতনাকর শশিকলা যথা,  
 যবে ফুল-কুল-সখী হৈমময়ী উষা  
 মুক্তাময় কুণ্ডল পরান ফুলকূলে।

“কোথা সে ত্রিদিব, নাথ?”—ভাসি নেত্রনীরে  
 কহিতে লাগিলা শচী—“দারুণ বিধাতা  
 হেন বাম মোর প্রতি কিসের কারণে?  
 কিম্ব এবে, হে রমণ, হেরি বিধুমুখ,  
 পাশরিল দাসী তার পূর্বদুঃখ যত!  
 কি ছার সে স্বর্গ? ছাই তার সুখভোগে।  
 এ অধিনী সুখিনী কেবল তব পাশে!  
 বাঁধিলে শৈবলবন্দ সরের শরীর,  
 নলিনী কি ছাড়ে তারে? নিদাঘ যদ্যপি  
 শুখায় সে জল, তবে নলিনীও মরে!  
 আমি হে তোমারি, দেব!”—কাঁদিয়া কাঁদিয়া,  
 নীরবিলা চন্দ্রাননা অশ্রু-ময় আঁখি ;—  
 চুঞ্চিলা সে সাক্ষ আঁখি দেব অসুরারি

সোহাগে,—চুঁষয়ে যথা মলয়-অনিল  
 উজ্জ্বল শিশির-বিন্দু কমল-লোচনে!

“তোমারে পাইলে, প্রিয়ে, স্বর্গের বিরহ  
 দূরহ কি ভাবে কভু তোমার কিঙ্কর?  
 তুমি যথা, স্বর্গ তথা!”—কহিলা সুস্বরে,  
 বাসব, হরবে যথা গরজে কেশরী  
 কুশোদর, হেরি বীর পর্বত-কন্দরে  
 কেশরিণী কামিনীরে ;—কহিলা সুমতি,—  
 “তুমি যথা, স্বর্গ তথা, ত্রিদিবের দেবি!  
 কিম্ব, প্রিয়ে, কহ এবে কুশল বারতা!  
 কোথা জলনাথ? কোথা অলকার পতি?  
 কোথা হৈমবতীসুত তারকসুদন,<sup>৬৮</sup>  
 শমন, পবন, আর যত দেব-নেতা?  
 কোথা চিত্ররথ? কহ, কেমনে জানিলা  
 ধবল আশ্রয়ে আমি আশ্রয়ী, সুন্দরি?”

উত্তর করিলা দেবী পুলোম-দুহিতা—  
 মৃগাঙ্কী, বিশ্ব-অধরা, পীনপয়োধরা,  
 কুশোদরী ;—“মম ভাগ্যে, প্রাণ-সখা, আজি  
 দেখা মোর শূন্য মার্গে স্বপ্নদেবী সহ!  
 পুঙ্করের পৃষ্ঠে বসি, সৌদামিনী যেন,  
 অমিতেছিনু এ বিশ্ব অনাথা হইয়া,  
 স্বপ্ন মোরে দিল, নাথ, তোমার বারতা!  
 সমরে বিমুখ, হায়, অমরের সেনা,  
 ব্রহ্ম-লোকে স্মরে তোমা ; চল, দেবপতি,  
 অনতিবিলম্বে, নাথ, চল, মোর সাথে!”

শুনি ইন্দ্রাণীর বাণী, দেবেন্দ্র অমনি  
 স্মরিলা বিমানবরে;<sup>৬৯</sup> গন্তীর নিনাদে .  
 অটল রথ, তেজঃপুঞ্জ, সে নিকুঞ্জবনে।  
 বসিলা দেবদম্পতী পদ্মাসনোপরে।  
 উঠিল আকাশে গজ্জি স্বর্গ ব্যোমযান,  
 আলো করি নভস্তল, বৈনতেয়<sup>৭০</sup> যথা  
 সুধানিধি সহ সুধা বহি সযতনে।<sup>৭১</sup>

ইতি শ্রীতিলোত্তমাসম্ভবে কাব্যে ধবল-শিখরো  
 নাম প্রথম সর্গ।

৬৪. পদ্মপুষ্পভূষণে সজ্জিতা পর্বতকন্যাগণ। ৬৫. নদী। ৬৬. দেবরাজ ইন্দ্র।

৬৭. দেবসেনাপতি কার্তিকেয় কর্তৃক তারকাসুর বধের পৌরাণিক প্রসঙ্গ।

৬৮. দেবতাদের আকাশযান। ৬৯. বিনতার পুত্র—গরুড়। ৭০. গরুড় কর্তৃক অমৃত হরণের পৌরাণিক প্রসঙ্গ।

## দ্বিতীয় সর্গ

কোথা ব্রহ্মলোক? কোথা আমি মন্দমতি  
অকিঞ্চন?'' যে দুর্ভাগ্য লোক লভিবারে  
যুগে যুগে যোগীন্দ্র করেন মহা যোগ,  
কেমনে, মানব আমি, ভব-মায়াজালে  
আবৃত পিঞ্জরাবৃত বিহঙ্গ যেমতি,  
যাইব সে মোক্ষধামে? ভেলায় চড়িয়া,  
কে পারে হইতে পার অপার সাগর?  
কিন্তু, হে সারদে, দেবি বিশ্ববিনোদিনি,  
তব বলে বলী যে, মা, কি অসাধ্য তার  
এ জগতে? উর' তবে, উর পদ্মালয়া  
বীণাপাণি! কবির হৃদয়-পদ্মাসনে  
অধিষ্ঠান কর উরি! কল্পনা-সুন্দরী—  
হৈমবতী কিঙ্করী তোমার, স্বেতভূজে,  
আন সঙ্গে, শশিকলা কৌমুদী যেমতি।  
এ দাসেরে বর যদি দেহ গো, বরদে,  
তোমার প্রসাদে, মাতঃ, এ ভারতভূমি  
শুনিবে, আনন্দার্ণবে ভাসি নিরবধি,  
এ মম সঙ্গীতধ্বনি মধু হেন মানি!

উঠিল অশ্বরপথে হৈম ব্যোমযান  
মহাবেগে, ঐরাবত সহ সৌদামিনী  
বহি পয়োবাহ যথা; রথ-চূড়া-শিরে  
শোভিল দেব-পতাকা, বিদ্যুৎ আকৃতি,  
কিন্তু শাস্ত্রভাময়; ধাইল চৌদিকে—  
হেরি সে কেতুর কান্তি, ভ্রাস্তি-মদে মতি,  
অচলা চপলা তারে ভাবি, দ্রুতগামী  
জীমূত, গস্তীরে গঙ্গী, লভিবার আশে  
সে সুরসুন্দরী,—যথা স্বয়ম্বরস্থলে,  
রাজেন্দ্রমণ্ডল, স্বয়ম্বর-রূপবতী-  
রূপমাধুরীতে অতি মোহিত হইয়া,  
বেড়ে তারে,—জরজর পঞ্চশর-শরে!  
এইরূপে মেঘদল আইল ধাইয়া,  
হেরি দূরে সে সুকেতু রতনের ভাতি;  
কিন্তু দেখি দেবরথে দেবদম্পতীরে,  
সিহরি অশ্বরতলে সাষ্টাঙ্গে পড়িল  
অমনি! চলিল রথ মেঘময় পথে—  
আনন্দময়-মদন-স্যান্দন''— যেমনি  
অপরাজিতা-কাননে চলে মধুকালে  
মন্দগতি; কিম্বা যথা সেতু-বন্ধোপরে  
কনক-পুষ্পক, বহি সীতা সীতানাথে!''

এড়াইয়া মেঘমালা, মাতলি সারথি  
চলাইলা দেবযান ভৈরভ আরবে;  
শুনি সে ভৈরবারব দিগ্ধারণ যত—  
ভীষণ মূর্তিধর—রুধি হুঙ্কারিল  
চারি দিকে; চমকিল জগত! বাসুকি  
অস্থির হইলা ত্রাসে! চলিল বিমান;—  
কত দূরে চন্দ্র-লোক অশ্বরে শোভিল,  
রজদ্বীপ নীলজল। সে লোকে পুলকে  
বসেন রতনাসনে কুমুদবাসন,  
কামিনী-কুলের সখী যামিনীর সখা,  
মদন রাজার বঁধু, দেব সুধানিধি  
সুধাংশু। বরবর্ণিনী দক্ষের দুহিতা-  
বৃন্দ বেড়ে চন্দ্রে যেন কুমুদের দাম  
চির বিকচিত, পূরি আকাশ সৌরভে—  
রূপের আভায় মোহি রজনীমোহনে।  
হেম হর্ষ্যে—দিবানিশি যার চারি পাশে  
ফেরে অগ্নিচক্ররাশি মহাভয়ঙ্কর—  
বিরাজয়ে সুধা, যথা মেঘবর-কোলে  
চপলা, বা অবরোধে যথা কুলবধু—  
ললিতা, ভুবনস্পৃহা, প্রফুল্ল-যৌবনা;  
নারী-অরবিন্দ সহ ইন্দু মহামতি,  
হেরি ত্রিদিবের ইন্দ্রে দূরে, প্রণমিলা  
নন্দভাবে; যথা যবে প্রলয়-পবন  
নিবিড় কাননে বহে, তরুণকুলপতি  
ব্রততী-সুন্দরীদল শাখাবলী সহ,  
বন্দে নমাইয়া শির অজেয় মারুতে।

এড়াইয়া চন্দ্রলোকে দেবরথ দ্রুত  
উতরিল বসে যথা রবির মণ্ডলী  
গগনে। কনকময়, মনোহর পুরী,  
তার চারি দিকে শোভে,—মেখলা যেমতি  
আলিঙ্গয়ে অঙ্গনার চারু কুশোদরে  
হরষে পসারি বাহু,—রাশিচক্র; তাহে  
রাশি-রাশির আলয়। নগর মাঝারে  
একচক্র রথে দেব বসেন ভাস্কর।  
অরুণ, তরুণ সদা, নয়নরমণ  
যেন মধু কাম-বঁধু,—যবে ঋতুপতি  
বসন্ত, হিমাঙ্তে, শুনি পিককুলধ্বনি,  
হরষে তুবেন আসি কামিনী মহীরে,  
কাতরা বিরহে তাঁর,—বসেছে সম্মুখে

সারথি। সুন্দরী ছায়া, মলিনবদনা,  
নলিনীর সুখ দেখি দুঃখিনী কামিনী,  
বসেন পতির পাশে নয়ন মুদিয়া,—  
সপত্নীর প্রভা নারী পারে কি সহিতে ?  
চারি দিকে গ্রহদল দাঁড়ায় সকলে  
নতভাবে, নরপতি-সমীপে যেমতি  
সচিব। অম্বরতলে তারাবৃন্দ যত—  
ইন্দীবর-নিকর\*—অদুরে হাসি নাচে,  
যথা, রে অমরাপুরি, কনক-নগরি,  
নাচিত অঞ্জরাকুল, যবে শচীপতি,  
স্বরীশ্বর, শচী সহ দেবসভা-মাঝে,  
বসিতেন হৈমাসনে। নাচে তারাবলী  
বেড়ি দেব দিবাকরে, মৃদু মন্দপদে ;  
করে পুরস্কারেন হাসিয়া প্রভাকর  
তা সবারে, রত্নদানে যথা মহীপতি  
সুন্দরী কিঙ্করীদলে তোষে—তুষ্ট ভাবে !  
হেরি দুরে দেবরাজে, গ্রহকুলরাজা  
সসম্ভ্রমে প্রণাম করিলা মহিপতি।—  
এড়াইয়া সূর্যালোক চলিল বিমান।  
এবে চন্দ্র সূর্য আর নক্ষত্রমণ্ডলী  
—রজত কনক দ্বীপ অম্বর-সাগরে—  
পশ্চাতে রাখিয়া সবে, হৈম ব্যোমযান  
উতরিল যথা শত দিবাকর জিনি,  
প্রভা—স্বয়ম্ভুর\*—পাদপদ্মে স্থান যাঁর—  
উজ্জ্বলেন দেশ ধনী প্রকৃতিরূপিনী,  
রূপে মোহি অনাদি অনন্ত সনাতনে !  
প্রভা—শক্তিকুলেশ্বরী, যাঁর সেবা করি  
তিমিরারি বিভাবসু<sup>১</sup> তোষেন স্বকরে  
শশী তারা গ্রহাবলী, বারিদ যেমতি  
অম্বুনিধি সেবি সদা, তোষে বসুধারে  
তৃষাতুরা, আর তোষে চাতকিনী-দলে  
জলদানে। ইন্দ্রপ্রিয়া পৌলোমী রূপসী—  
পীনপয়োধরা—হেরি কারণ-কিরণে,  
সভয়ে চারুহাসিনী নয়ন মুদিলা,  
কুমুদিনী, বিধুপ্রিয়া, তপন উদিলে  
মুদয়ে নয়ন যথা ! দেব পুরন্দর  
অসুরারি, তুলি রোষে দঙোলি\* যে করে  
বৃত্রাসুরে অনায়াসে নাশেন সংগ্রামে,  
সেই কর দিয়া এবে প্রভার বিভাসে  
চমকি ঢাকিলা আঁখি। রথ-চূড়া-শিরে

মলিনিল দেবকেতু, ধুমকেতু যেন  
দিবাভাগে ; যান-মুখে বিশ্বয় মাতলি  
সুতেশ্বর অঙ্কভাবে রশ্মি দিলা ছাড়ি  
হীনবল ; মহাতকে তুরঙ্গম-দল  
মন্দগতি, যথা বহে প্রতীপ\* গমনে  
প্রবাহ ! আইল এবে রথ ব্রহ্মলোকে ।  
মেরু,—কনক-মৃগাল কারণ-সলিলে ;  
তাহে শোভে ব্রহ্মলোক কনক-উৎপল ;  
তথা বিরাজেন ধাতা—পদতল যাঁর  
মুমুকু<sup>২</sup> কুলের ধ্যেয়—মহামোক্ষধাম ।  
অদুরে হেরিলা এবে দেবেন্দ্রে বাসব  
কাঞ্চন-তোরণ, রাজ-তোরণ-আকার,  
আভাময় ; তাহে জ্বলে আদিত্য আকৃতি,  
প্রতাপে আদিত্যে জিনি, রতননিকর ।  
নর-চক্ষু কভু নাহি হেরিয়াছে যাহা,  
কেমনে নররসনা বর্ণিবে তাহারে—  
অতুল ভব-মণ্ডলে ? তোরণ-সম্মুখে  
দেখিলা দেবদম্পতী দেবসৈন্য-দল,—  
সমুদ্র-তরঙ্গ যথা, যবে জলনিধি  
উতলেন কোলাহলি পবন-মিলনে  
বীরদর্পে ; কিম্বা যথা সাগরের তীরে  
বালিবৃন্দ, কিম্বা যথা গগনমণ্ডলে  
নক্ষত্র-চয়—অগণ্য । রথ কোটি কোটি  
স্বর্ণচক্র, অগ্নিময়, রিপুভস্মকারী,  
বিদ্যুত-গঠিত-ধ্বজ-মণ্ডিত ; তুরঙ্গ<sup>৩</sup>—  
বিরাজেন সদাগতি যাঁর পদতলে  
সদা, শুভ্র-কলেবর, হিমালী-আবৃত  
গিরি যথা, স্কন্ধে কেশরাবলীর শোভা—  
ক্ষীরসিন্ধু-ফেনা যেন—অতি মনোহর !  
হস্তী, মেঘাকার সবে,—যে সকল মেঘ,  
সৃষ্টি বিনাশিতে যবে আদেশেন ধাতা,  
আখণ্ডল পাঠান ভাসাতে ভূমণ্ডলে  
প্রলয়ে ; যে মেঘবৃন্দ মন্ত্রিলে অম্বরে,  
শৈলের পাষণ-হিয়া ফাটে মহা ভয়ে,  
বসুধা কাঁপিয়া যান সাগরের তলে  
তরাসে ! অমরকুল—গঙ্গবর্ষ, কিম্বর,  
যক্ষ, রক্ষ, মহাবলী, নানা অস্ত্রধারী—  
বারণারি ভীষণ দশনে, বজ্র-নখে  
শাস্ত্রিত যেমতি, কিম্বা নাগারি গুরুড়,  
গরুড়াস্ত-কুলপতি !<sup>৪</sup> হেন সৈন্যদল,

৫. বহু সংখ্যক নীলপদ্ম। ৬. মহাদেবের। ৭. সূর্য। ৮. বজ্র। ৯. বিপরীত গতিতে বহমান। ১০. মোক্ষলাভে প্রত্যাশী।  
১১. দ্রুতগামী অশ্ব। ১২. পক্ষীদের অধিপতি—গরুড়ের বিশেষণ বিশেষ।

অজেয় জগতে, আজি দানবের রণে  
বিমুখ, আশ্রয় আসি লভিয়াছে সবে  
ব্রহ্ম-লোকে, যথা যবে প্রলয়-প্লাবন  
গভীর গরজি গ্রাসে নগর নগরী  
অকালে, নগরবাসী জনগণ যত  
নিরাশ্রয়, মহাত্রাসে পালায় সত্বরে  
যথায় শৈলেন্দ্রে বীরবর ধীর-ভাবে  
বজ্রপদপ্রহরণে তরঙ্গনিচয়  
বিমুখয়ে ; কিম্বা যথা, দিবা অবসানে,  
(মহতের সাথে যদি নীচের তুলনা  
পারি দিতে) তমঃ যবে গ্রাসে বসুধারে,  
(রাহ যেন চাঁদেরে) বিহগকুল ভয়ে  
পুরিয়া গগন ঘন কুজন-নিাদে,  
আসে তরুণ-পাশে আশ্রমের আশে !

এ হেন দুর্বীর সেনা, যার কেতুপরি  
জয় বিরাজয়ে সদা, খগেন্দ্রে যেমতি  
বিশ্বস্তর-ধ্বজে, ১০ হেরি ভগ্ন দৈত্যরণে,  
হায়, শোকাকুল এবে দেবকুলপতি  
অসুরারি ! মহৎ যে পরদুঃখে দুঃখী  
নিজ দুঃখে কভু নহে কাতর সে জন ।  
কুলিশ চূর্ণিলে শৃঙ্গ, শৃঙ্গধর সহে  
সে যাতনা, ক্ষণমাত্র অস্থির হইয়া ;  
কিন্তু যবে কেশরীর প্রচণ্ড আঘাতে  
ব্যথিত বারণ আসি কাঁদে উচ্চস্বরে  
পড়ি গিরিবর-পদে, গিরিবর কাঁদে  
তার সহ ! মহাশোকে শোকাকুল রথী  
দেবনাথ, ইন্দ্রাণীর করযুগ ধরি,  
(সোহাগে মরাল যথা ধরে রে কমলে !)  
কহিলা সুমুদু স্বরে ; —“হায়, প্রাণেশ্বর  
বিধির অদ্ভুত বিধি দেখি বুক ফাটে !  
শৃগাল-সমরে দেখ বিমুখ কেশরী-  
বৃন্দ সুরেশ্বরী ওই তোরণ-সমীপে  
ক্রিয়মাণ অভিমানে । হায় দেব-কুলে  
কে না চাহে ত্যজিবারে কলেবর আজি,  
যাইতে, শমন তোর তিমির-ভবনে,  
পাসরিতে এ গঞ্জনা ? ধিক্, শত ধিক্  
এ দেব-মহিমা ! অমরতা, ধিক্ তোরে ।  
হায়, বিধি কোন্ পাপে মোর প্রতি তুমি  
এ হেন দারুণ ! পুনঃ পুনঃ এ যাতনা

কেন গো ভোগাও দাসে ? হায়, এ জগতে  
ত্রিদিবের নাথ ইন্দ্র, তার সম আজি  
কে অনাথ ? কিন্তু নহি নিজ দুঃখে দুঃখী ।  
সৃজন পালন লয় তোমার ইচ্ছায় ;  
তুমি গড়, তুমি ভাঙ, বজায় রাখহ  
তুমি ; কিন্তু এই যে অগণ্য দেবগণ  
এ সবার দুঃখ, দেব, দেখি প্রাণ কাঁদে ।  
তপন-তাপেতে তাপি পশু পক্ষী, যদি  
বিশ্রাম-বিলাস-আশে, যায় তরু-পাশে  
দিনকর-খরতর-কর সহ্য করি  
আপনি সে মহীরুহ আশ্রিত যে প্রাণী  
ঘুচায় তাহার ক্রেশ ;—হায় রে, দেবেন্দ্র  
আমি, স্বগপতি, মোর রক্ষিত যে জন  
রক্ষিতে তাহারে মম না হয় ক্ষমতা ?

এতেক কহিয়া দেব দেবকুলপতি  
নামিলেন রথ হতে সহ সুরেশ্বরী  
শূন্যমার্গে । আহা মরি, গগন পরশি  
পৌলোমীর পাদপদ্ম, হাসিল হরষে !  
চলিলা দেব-দম্পতী নীলাস্বর-পথে ।

হেথা দেবসৈন্য, হেরি দেবেশ বাসবে,  
অমনি উঠিলা সবে করি জয়ধ্বনি  
উল্লাসে বারণ-বৃন্দ আনন্দে যেমতি  
হেরি যুথনাথে । লয়ে গন্ধর্কের দল—  
গন্ধর্ক মদনগর্ক খর্ব যার রূপে—  
গন্ধর্ককুলের পতি চিত্ররথ রথী  
বেড়িলা মেঘবাহনে, ১১ অগ্নি-চক্রাশি  
বেড়ে যথা অমৃত, বা সুবর্ণ-প্রাচীর  
দেবালয় ; নিম্ভোষিয়া অগ্নিসম অসি,  
ধরি বাম করে চন্দ্রাকার হৈম ঢাল,  
অভেদ্য সমরে, দ্রুত বেড়িলা বাসবে  
বীরবৃন্দ । দেবেশ্বের উচ্চ শিরোপরি  
ভাতিল,—রবিপরিধি উদিলেক যেন  
মেরু-শৃঙ্গোপরি,—মণিময় রাজছাতা  
বিস্তারি কিরণজাল ; চতুরঙ্গ দলে  
রঙ্গে বাজে রণবাদ্য যাহার নিক্লেণে—  
পবন উত্থলে যথা সাগরের বারি—  
উত্থলে বীর-হৃদয় সাহস-অর্ণবি ।

আইলেন কৃতান্ত ভীষণ দণ্ড হাতে :  
ভালে জ্বলে কোপাঙ্গি ভৈরব-ভালে ১২ যথা

১৩. বিষ্ণুর রথের পতাকা গরুড় চিহ্নাঙ্কিত—পৌরাণিক প্রসঙ্গ ।

১৪. মেঘ বাহন যার—ইন্দ্র । ১৫. মহাদেবের ললাটিস্থ তৃতীয় নয়ন ।

বৈশ্বানর,<sup>১৬</sup> যবে, হায়, কুলধ্মে মদন  
ঘুচাইয়া রতির মৃগাল-ভুজ-পাশ,  
আসি, যথা মগ্ন তপঃসাগরে ভূতেশ,<sup>১৭</sup>  
বিধিলা (অবোধ কাম!) মহেশের হিয়া  
ফুলশরে।<sup>১৮</sup> আইলেন বরুণ দুর্জয়,  
পাশ হস্তে জলেশ্বর, রাগে আঁখি রাঙা—  
তড়িত-জড়িত ভীমাকৃতি মেঘ যেন।  
আইলা অলকাপতি<sup>১৯</sup> সাপটিয়া ধরি  
গদাবর; আইলেন হৈমবতী-সুত,  
তারকসূদন দেব শিখীবরাসন,  
ধনুর্বাণ হাতে দেব-সেনানী; আইলা  
পবন সর্কদমন;—আর কব কত?  
অগণ্য দেবতাগণ বেড়িলা বাসবে,  
যথা (নীচ সহ যদি মহতের খাটে  
তুলনা) নিদ্রাস্বজনী নিশীথিনী যবে,  
সূচারুতারা মহিষী, আসি দেন দেখা  
মুদুগতি, খদ্যোতের ব্যুহ প্রতিসরে  
যেরে তরুবরে, রত্ন-কিরীট পরিয়া  
শিরে,—উজলিয়া দেশ বিমল কিরণে!

কহিতে লাগিলা তবে দেব পুরন্দর;—  
“সহস্রেক বৎসর এ চতুরঙ্গ দল  
দুর্বার, দানব সঙ্গে ঘোরতর রণে  
নিরস্তর যুঝি, এবে নিরস্ত সমরে  
দৈববলে। দৈববল বিনা, হায়, কেবা  
এ জগতে তোমা সবা পারে পরাজিতে,  
অজেয়, অমর, বীরকুলশ্রেষ্ঠ? বিনা  
অনস্ত, কে ক্ষম, যম, সর্ব-অস্তকারি,  
বিমুখিতে এ দিক্‌পালগণে তোমা সহ  
বিগ্রহে? কেমনে এবে এ দুর্জয় রিপু—  
বিধির প্রসাদে দুষ্ট দুর্জয়,—কেমনে  
বিনাশিবে, বিবেচনা কর, দেবদল?  
যে বিধির বরে বসি দেবরাজাসনে  
আমি ইন্দ্র, মোর প্রতি প্রতিকূল তিনি,  
না জানি কি দোষে, এবে! হায় এ কান্দুক<sup>২০</sup>  
বৃথা আজি ধরি আমি এই বাম করে;  
এ ভীষণ বজ্র আজি নিভ্জেজ পাবক!”

শুনি দেবেশ্বের বাণী, কহিতে লাগিলা  
অস্তক, গভীর স্বরে গরজে যেমতি  
মেঘকুলপতি কোপে, কিম্বা বারণারি,

বিদরি মহীর বক্ষ তীক্ষ্ণ বজ্র-নখে  
রোষী;—“না বুঝিতে পারি, দেবপতি, আমি  
বিধির এ লীলা? যুগে যুগে পিতামহ  
এইরূপে বিড়ম্বন অমরের কুল;  
বাড়ান দানবদর্প, শৃগালের হাতে  
সিংহেরে দিয়া লাঞ্ছনা। তুষ্ট তিনি তপে;—  
যে তাহারে ভক্তিভাবে ভজে, তার তিনি  
বশীভূত; আমরা দিক্‌পালগণ যত  
সতত রত স্বকার্যে,—লালনে পালনে  
এ ভব-মণ্ডল, তাঁরে পূজিতে অক্ষম  
যথাবিধি। অতএব যদি আঙ্ঘা কর,  
ত্রিদিবের পতি, এই দশে দশাঘাতে  
নাশি এ জগৎ, চূর্ণ করি বিশ্ব, ফেলি  
স্বর্গ, মর্ত্য, পাতাল—অতল জলতলে।  
পরে এড়াইয়া সবে সংসারের দায়,  
যোগধর্ম অবিলম্বি, নিশ্চিত হইয়া  
তুষ্টি চতুরাননে, দৈত্যকুলে ভুলি,  
ভুলি এ দুঃখ, এ সুখ। কে পারে সহিতে—  
হায় রে, কহ, দেবেশ্ব, হেন অপমান?  
এই মতে সৃষ্টি যদি পালিতে ধাতার  
ইচ্ছা, তবে বৃথা কেন আমা সবা দিয়া  
মথাইলা সাগর? অমৃত-পানে মোরা,  
অমর; কিন্তু এ অমরতার কি ফল  
এই? হায়, নীলকণ্ঠ,<sup>২১</sup> কিসের লাগিয়া  
ধর হলাহল, দেব, নীল কণ্ঠদেশে?<sup>২২</sup>  
জ্বলুক জগত! ভস্ম কর বিশ্ব! ফেল  
উগরিয়া সে বিঘাণি! কার সাধ হেন  
আজি, যে সে ধরে প্রাণ এ অমরকুলে?”

এতেক কহিয়া দেব সর্ব-অস্তকারী  
কৃতান্ত হইলা স্কাস্ত; রাগে চক্ষুদ্বয়  
লোহিত-বরণ, রাঙা জবাযুগ যেন।

তবে সর্কদমন পবন মহাবলী  
কহিতে লাগিলা, যথা পর্বত-গহুরে  
হৃদ্বন্ধারে কারাবদ্ধ বারি, বিদরিয়া  
অচলের কর্ণ;—“যাহা কহিলা শমন,  
অযথার্থ নহে কিছু। নিদারণ বিধি  
আমা সবা প্রতি বাম অকারণে সদা।  
নাশিতে এ সৃষ্টি, প্রলয়ের কালে যথা  
নাশেন আপনি ধাতা, বিধি মম। কেন?—

১৬. অগ্নি। ১৭. মহাদেব। ১৮. মহাদেব কর্তৃক মদনভস্ম প্রসঙ্গ। ১৯। অলকাপুরীর অধিপতি ধনদেবতা কুবের।  
২০. ধনুক। ২১. কণ্ঠ যার নীল—মহাদেব। ২২. সমুদ্রমন্ধান ও মহাদেবের বিশ্বপানের পৌরাণিক প্রসঙ্গ।

কেন, হে ত্রিদশগণ,<sup>২৩</sup> কিসের কারণে  
সহিব এ অপমান আমরা সকলে  
অমর? দিতিজ-কুল প্রতি যদি এত  
স্নেহ পিতামহের, নূতন সৃষ্টি সৃষ্টি,  
দান তিনি করুন পরম ভক্তদলে।  
এ সৃষ্টি, এ স্বর্গ, মর্ত্য, পাতাল—আলয়  
সৌন্দর্যের, রত্নাগার, সুখের সদন,—  
এত দিন বাহুবলে রক্ষা করি এবে  
দিব কি দানবে? গরুড়ের উচ্চ নীড়  
মেঘাবৃত,—খঞ্জন গঞ্জন মাত্র তার।  
দেহ আঞ্জা, দেবেশ্বর; দাঁড়াইয়া হেথা—  
এ ব্রহ্ম-মণ্ডলে—দেখ সবে, মুহূর্তেকে,  
নিমিষে নাশি এ সৃষ্টি, বিপুল, সুন্দর,  
বাহুবলে,—ত্রিজগৎ লণ্ডভণ্ড করি।”  
কহিতে কহিতে ভীমাকৃতি প্রভঞ্জন  
নিশ্বাস ছাড়িলা রোষে। থর থর থরে  
(ধাতার কনক-পদ্ম-আসন যে স্থলে,  
সে স্থল ব্যতীত) বিশ্ব কাপিয়া উঠিল!  
ভাঙ্গিল পর্বতচূড়া; ডুবিল সাগরে  
তরী; ডরে মৃগরাজ, গিরিগুহা ছাড়ি,  
পলাইলা দ্রুতবেগে; গর্ভিণী রমণী  
আতঙ্কে অকালে, মরি, প্রসবি মরিলা!

তবে ষড়ানন স্বন্দ, আহা, অনুপম  
রূপে! হৈমবতী সতী কৃত্তিকা যাহারে  
পালিলা,<sup>২৪</sup> সরসী যথা রাজহংস-শিশু,  
আদরে; অমরকুল-সেনানী সুরধী,  
তারকারি, রণদণ্ডে প্রচণ্ড-প্রহারী,  
কিন্তু ধীর, মলয় সমীর যেন, যবে  
স্বর্ণবর্ণা উষা সহ ভ্রমেন মারুত  
শিশিরমণ্ডিত ফুলবনে প্রেমামোদে;—  
উত্তর করিলা তবে শিখিবরাসন  
মৃদু স্বরে, যথা বাজে মুরারির বাঁশি,  
গোপিনীর মন হরি, মঞ্জু কুঞ্জবনে;<sup>২৫</sup>—  
“জয় পরাজয় রণে বিধির ইচ্ছায়।  
তবে যদি যথাসাধ্য যুদ্ধ করি, রথী  
রিপুর সম্মুখে হয় বিমুখ সুমতি  
রণক্ষেত্রে, কি শরম তার? দেববলে  
বলী যে অরি, সে যেন অভেদ্য কবজে  
ভূষিত; শতসহস্র তীক্ষ্ণতর শর

পড়ে তার দেহে, পড়ে শৈলদেহে যথা  
বরিবার জলাসার। আমরা সকলে  
প্রাণপণে যুঝি আজি সমরে বিরত,  
এ নিমিষে কে, ধিক্কার দিবে আমা সবে?  
বিধির নিব্বন্ধ, কহ, কে পারে খণ্ডাতে?  
অতএব শুন, যম, শুন সদাগতি,  
দুর্জয় সমরে দোঁহে, শুন মোর বাণী,  
দূর কর মনস্তাপ। তবে কহ যদি,  
বিধির এ বিধি কেন? কেন প্রতিকূল  
আমা সবা প্রতি হেন দেব পিতামহ?  
কি কহিব আমি—দেবকুলের কনিষ্ঠ?  
সৃষ্টি, স্থিতি, প্রলয় যাহার ইচ্ছাক্রমে;  
অনাদি, অনন্ত যিনি, বোধাগম্য, রীতি  
তাঁর যে, সেই সুরীতি। কিসের কারণে,  
কেহ হেন করেন চতুরানন, কহ,  
কে পারে বুঝিতে? রাজা, যাহা ইচ্ছা, করে;  
প্রজার কি উচিত বিবাদ রাজা সহ?”

এতেক কহিয়া দেব স্বন্দ তারকারি  
নীরবিলা। অগ্রসরি অনুরাশি-পতি  
(বীর-কবু নাদে যথা) উত্তর করিলা;—  
“সম্বর, অস্বরচর,<sup>২৬</sup> বৃথা রোষ আজি!  
দেখ বিবেচনা করি, সত্য যা কহিলা  
কার্তিকৈয় মহারথী। আমরা সকলে  
বিধাতার পদাশ্রিত, অধীন তাঁহারি;  
অধীন যে জন, কহ, স্বাধীনতা কোথা  
সে জনের? দাস সদা প্রভু-আজ্ঞাকারী  
দানব-দমন আজ্ঞা আমা সবা প্রতি  
দানব-দমনে এবে অক্ষম আমরা;—  
চল যাই ধাতার সমীপে, দেবগণ।  
সাগর-আদেশে সদা তরঙ্গ-নিকর  
ভীষণ নিনাদে ধায়, সংহারিতে বলে  
শিলাময় রোধে;<sup>২৭</sup> কিন্তু তার প্রতিঘাতে  
ফাফর, সাগর-পাশে যায় তারা ফিরি  
হীনবল! চল মোরা যাই, দেবপতি,  
যথা পদ্মযোনি<sup>২৮</sup> পদ্মাসন পিতামহ।  
এ বিপুল বিশ্ব নাশে, সাধ্য কার হেন,  
তিনি বিনা? হে অস্তক বীরবর, তুমি  
সর্ব-অস্তকারী, কিন্তু বিধির বিধানে।  
এই যে প্রচণ্ড দণ্ড শোভে তব করে

২৩. ভূত, বর্তমান ও ভবিষ্যৎ যারা দেখতে পান বা জানেন—দেবতা। ২৪. কার্তিকৈয়র জন্ম সম্পর্কিত পৌরাণিক  
প্রসঙ্গ। ২৫. রাখাক্ষের ব্রজলীলা প্রসঙ্গ। ২৬. আকাশমার্গে চলাচলকারী।  
২৭. প্রভুর মর্ষ। ২৮. বিষ্ণুর নাভিপদ্ম যার যোনি বা উৎপত্তিস্থল—ব্রহ্মা।

দগুধর, যাহার প্রহারে ক্ষয় সদা  
অমর অক্ষয়দেহ, চূর্ণ নগরাজা,  
এ দণ্ডের প্রহরণ, বিধি আদেশিলে,  
বাজে দেহে,—সুকোমল ফুলাঘাত যেন,—  
কামিনী হানয়ে যবে মৃদু মন্দ হাসি  
প্রিয়দেহে প্রণয়িনী, প্রণয়-কৌতুকে,  
ফুলশর! তুমি, দেব, ভীম প্রভঞ্জন,  
ভগ্ন তরুকুল যার ভীষণ নিশ্বাসে,  
তুঙ্গ গিরিশৃঙ্গ, বলী বিরিক্ষির<sup>২৯</sup> বলে  
তুমি, জলস্রোতঃ যথা পর্বত-প্রসাদে।  
অতএব দেখ সবে করি বিবেচনা,  
দেবদল। বাড়বান্নি-সদৃশ জ্বলিছে  
কোপানল মোর মনে! এ ঘোর সংগ্রামে  
ক্ষত এ শরীর, দেখ, দৈত্য-প্রহরণে,  
দেবেশ, কিন্তু কি করি? এ ভৈরব পাশ,  
প্রিয়মাণ—মস্তবলে মহোরগ যেন।”

তবে অলকার নাথ, এ বিশ্ব যাহার  
রত্নাগার, উত্তরীলা যক্ষদলপতি ;—  
“নাশিতে ধাতার সৃষ্টি, যেমন কহিলা  
প্রচেতা,<sup>৩০</sup> কাহার সাধ্য? তবে যদি থাকে  
এ হেন শক্তি কারো, কেমনে সে জন,  
দেব কি মানব, পারে এ কৰ্ম করিতে  
নিষ্ঠুর? কঠিন হিয়া হেন কার আছে?  
কে পারে নাশিতে তোরে, জগৎজননি  
বসুধে, রে ঋতুকুলরমণি, যাহার  
প্রেমে সদা মত্ত ভানু ইন্দু—ইন্দীবর  
গগনের! তারা-দল যার সখী-দল!  
সাগর যাহারে বাঁধে রজভূজ-পাশে!<sup>৩১</sup>  
সোহাগে বাসুকি নিজ শত শিরোপরি  
বসায়! রে অনন্তে, রে মেদিনি কামিনী,  
শ্যামাঙ্গি, অলক যার ভূষিতে উল্লাসে  
সৃজেন সতত ধাতা ফুলরত্নাবলী  
বর্ষবিধ! আলিঙ্গয়ে ভূধর যাহারে  
দিবানিশি! হে আছয়ে, হে দিকপালগণ,  
এ হেন নির্দয়? রাহু শশী গ্রাসিবারে  
ব্যগ্র সদা দুষ্ট, কিন্তু রাহু,—সে দানব।  
আমরা দেবতা,—এ কি আমাদের কাজ?  
কে ফেলে অমূল মণি সাগরের জলে  
চোরে ডরি? যদি প্রিয়জন যে, সে জনে

গ্রাসে রোগ, কাটারীর ধারে গলা কাটি  
প্রণয়ী-হৃদয় কি গো নীরোগে তাহারে?  
আর কি কহিব আমি, দেখ ভাবি সবে।  
যদিও মত্তের সহ মত্তের বিগ্রহে  
(শুদ্ধ কাষ্ঠ সহ শুদ্ধ কাষ্ঠের ঘর্ষণে  
যেমন) জনমে অগ্নি, সত্যদেবী যাহে  
জ্বালান প্রদীপ ভ্রান্তি-তিমির নাশিতে;  
কিন্তু বৃথা-বাক্যবৃক্ষে কভু নাহি ফলে  
সমুচিত ফল; এ তো অজানিত নহে।  
অতএব চল সবে যাই যথা ধাতা  
পিতামহ। কি আজ্ঞা তোমার, দেবপতি?”

কহিতে লাগিলা পুনঃ সুরেন্দ্র বাসব  
অসুরারি;—“পালিতে এ বিপুল জগত  
সৃজন, হে দেবগণ, আমাসবাকার।  
অতএব কেমনে যে রক্ষক, সে জন  
হইবে ভক্ষক? যথা ধর্ম জয় তথা।  
অন্যায় করিতে যদি আরম্ভি আমরা,  
সুরাসুরে বিভেদ কি থাকিবেক, কহ,  
জগতে? দিতিজবন্দ অধর্ম্মেতে রত;  
কেমনে, আমরা যত অদিতিনন্দন,  
অমর, ত্রিদিব-বাসী, তার সুখভোগী,  
আচরিব, নিশাচর আচরে যেমতি  
পাপাচার? চল সবে ব্রহ্মার সদনে—  
নিবেদি চরণে তাঁর এ ঘোর বিপদ!  
হে কৃতান্ত দগুধর, সর্ব-অন্তকারি,—  
হে সর্বদমন বায়ুকুলপতি, রণে  
অজেয়,—হে তারকসূদন ধনুর্ধারি  
শিখিধ্বজ,—হে বরুণ, রিপু-ভস্মকর  
শরানলে,—হে কুবের, অলকার নাথ,  
পুষ্পকবাহন দেব, ভীম গদাধর,  
ধনেশ,—আইস সবে যথা পদ্মায়োনি  
পদ্মাসনে বসেন অনাদি সনাতন।  
এ মহা-সঙ্কটে, কহ, কে আর রক্ষিবে  
তিনি বিনা ত্রিভুবনে এ সুর-সমাজে  
তাহারি রক্ষিত? চল বিরিক্ষির কাছে!”  
এতেক কহিয়া দেব ত্রিদিবের পতি  
বাসব, স্মরীলা চিত্ররথ মহারথী।  
অগ্রসরি করযোড়ে নমিলা দেবেশে  
চিত্ররথ; আশীর্বাদি কহিলা সুমতি

২৯. প্রজাপতি ব্রহ্মা। ৩০. জলাম্বুপতি বরুণদেব।

৩১. রূপার ন্যায় শুভবর্ণের বাহ।

ব্রজপাণি, “এ দিক্‌পালগণ সহ আমি  
প্রবেশিব ব্রহ্মপুরে ; রক্ষা কর, রথি,  
দেবকুলাঙ্গনা যত দেবেশ্বরী সহ।”

বিদায় মাগিয়া পূবন্দর সুরপতি  
শচীর নিকটে, সহ ভীম প্রভঞ্জন,  
শমন, তপনসূত, তিমিরবিলাসী,  
ষড়ানন তারকারি, দুর্জয় প্রচেতা,  
ধনদ অলকানাথ, প্রবেশ করিলা  
ব্রহ্মপুরে—মোক্ষধাম, জগত-বাঞ্ছিত।

তবে চিত্ররথ রথী গন্ধর্ব্ব-ঈশ্বর  
মহাবলী, দেবদত্ত শঙ্খ ধরি করে,  
ধ্বনিলা সে শঙ্খবর। সে গভীর ধ্বনি  
শুনিয়া অমনি তেজস্বিনী দেবসেনা  
অগণ্য, দুর্বার রণে, গরজি উঠিলা  
চারি দিকে। লক্ষ লক্ষ অসি, নাগরাশি  
উদগীরি পাবক যেন, ভাঙিল আকাশে।  
উড়িল পতাকাচয়, হায় রে, যেমতি  
রতনে রঞ্জিত-অঙ্গ বিহঙ্গম-দল।  
উঠি রথে রথী দর্পে ধনু টঙ্কারিলা  
চাপে পরাইয়া গুণ ; ধরি গদা করে  
করিপৃষ্ঠে চড়ে কেহ, কেশরী যেমতি  
চড়ে তুঙ্গ-গিরি-শৃঙ্গে ; কেহ আরোহিলা  
(গরুড়-বাহনে যথা দেব চক্রপাণি)  
অশ্ব, সদাগতি সদা বাঁধা যার পদে !  
শূল হস্তে, যেন শূলী ভীষণ নাশক,  
পদাতিক-বৃন্দ উঠে ছুঙ্কার করি,  
মাতি বীরমদে শুনি সে শঙ্খনিলাদ !  
বাজিল গভীরে বাদ্য, যার ঘোর রোল  
শুনি নাচে বীর-হিয়া, ডমরুর রোলে  
নাচে যথা ফণিবর—দুরন্ত দংশক—  
বিষাকর ; ভীরু প্রাণ বিদরে অমনি  
মহাভয়ে ! সুর-সৈন্য সাজিল নিমিষে,  
দানব-বংশের ত্রাস, রক্ষা করিবারে  
স্বর্গের ঈশ্বরী দেবী পৌলোমী সুন্দরী,  
আর যত সুরনারী ; যথা ঘোর বনে  
মহা মহীরুহ-ব্যূহ, বিস্তারিয়া বাহু  
অযুত, রক্ষয়ে সবে ব্রততীর কুল,  
অলকে ঝলকে যার কুসুম-রতন  
অমূল জগতে রাজ ইন্দ্রাণী-বাঞ্ছিত।

যথা সপ্ত সিঙ্খ বেড়ে সতী বসুধারে

জগৎজননী, ত্রিদিবের সৈন্যদল  
বেড়িলা ত্রিদিবদেবী অনন্ত-যৌবনা  
শচীরে, সাপটি করে চন্দ্রাকার ঢাল,  
অসি, অগ্নিশিখা যেন ;—শত প্রতিসরে  
বেড়িলা সূচন্দ্রাননে চতুঃস্কন্ধ দল।  
তবে চিত্ররথ রথী, সৃজি মায়াবলে  
কনক-সিংহ-আসন, অতুল, অমূল,  
জগতে, যুড়িয়া কর, কহিলা প্রণমি  
পৌলোমীরে, “এ আসনে বসুন মহিষী,  
দেবকুলেশ্বরী ; যথা সাধ্যা, আমি দাস,  
দেবেন্দ্র-অভাবে, রক্ষা করিব তোমারে।”

বসিলা কনকাসনে বাসব-বাসনা  
মুগাক্ষী। হায় রে মরি, হেরি ও বদন  
মলিন, কাহার হিয়া না বিদরে আজি ?  
কার রে না কাঁদে প্রাণ, শরদের শশি,  
হেরি তোরে রাহুগ্রাসে ? তোরে, রে নলিনি,  
বিষগ্ধবদনা, যবে কুমুদিনী-সখী  
নিশি আসি, ভানুপ্রিয়ে, নাশে সুখ তোর।

হেরি ইন্দ্রাণীরে যত সূচাক্‌হাসিনী  
দেবকামিনী সুন্দরী, আসি উতরিলা  
মৃদুগতি। আইলেন যষ্ঠী মহাদেবী—  
বঙ্গকুলবধু য়ারে পূজে মহাদরে,  
মঙ্গলদায়িনী ; আইলেন মা শীতলা,  
দুরন্ত বসন্ততাপে তাপিত শরীর  
শীতল প্রসাদে য়ার—মহাদয়াময়ী  
ধাত্রী ; আইলেন দেবী মনসা, প্রতাপে  
য়ঁহার ফণীমুখ ভীত ফণিকুল সহ,  
পাবক নিভেজ যথা বারি-ধারা-বলে ;  
আইলেন সুবচনী—মধুর ভাষিণী<sup>৩২</sup> ;  
আইলেন যক্ষেশ্বরী মুরজা সুন্দরী,  
কুঞ্জরগামিনী ; আইলেন কামবধু  
রতি ; হায় ! কেমনে বর্ষিষ অল্পমতি  
আমি ও রূপমাদুরী,—ও স্থির যৌবন,  
য়ার মধুপানে মত্ত স্মর মধুসখা  
নিরবধি ? আইলেন সেনা সুলোচনা,  
সেনানীর প্রণয়িনী—রূপবতী সতী !  
আইলা জাহ্নবী দেবী—ভীষ্মের জননী  
কালিন্দী আনন্দময়ী, য়ার চারু কুলে  
রাধাপ্রেম-ডোরে-বাঁধা রাধানাথ, সদা  
ভ্রমেন, মরাল যথা নলিনীকাননে।<sup>৩৩</sup>

৩২. যষ্ঠী, শীতলা, মনসা, সুবচনী—বঙ্গদেশের একান্ত লৌকিক দেবী। কবি পৌরাণিক দেবদেবীদের সঙ্গে  
ও সমান শ্রদ্ধার সঙ্গে উল্লেখ করেছেন। ৩৩. পদ্মবনে—রাধাকৃষ্ণের ব্রজলীলা প্রসঙ্গ।



আইলা মুরলা সহ তমসা বিমলা—  
 বৈদেহীর সখী দোঁহে ;—আর কব কত ?  
 অগণ্য সুরসুন্দরী, ক্ষণপ্রভা-সম<sup>৩৪</sup>  
 প্রভায়, সতত কিস্ত অচপলা যেন  
 রত্নকান্তিছটা, আসি বসিলা চৌদিকে ;  
 যথা তারাবলী বসে নীলাশ্বরতলে  
 শশী সহ, ভরি ভব কাঞ্চন-বিভাসে !  
 বসিলেন দেবীকুল শচীদেবী সহ  
 রতন-আসনে ; হায়, নীরব গো আজি  
 বিষাদে ! আইলা এবে বিদ্যাধরী দল ।  
 আইলা উর্কশী দেবী,—ত্রিদিবের শোভা,  
 ভব-ললাটের শোভা শশিকলা যথা  
 আভাময়ী । কেমনে বর্ণিব রূপ তব,  
 হে ললনে, বাসবের প্রহরণ তুমি  
 অব্যর্থ ! আইলা চারু চিত্রলেখা সখী,  
 বিশালাক্ষী যথা লক্ষ্মী—মাধব-রমণী ।  
 আইলেন মিশ্রকেশী,—যাঁর কেশ, তব,  
 হে মদন, নাগপাশ—অজেয় জগতে ।  
 আইলেন রত্না,—যাঁর উরুর বর্জুল

প্রতিকৃতি ধরি, বনবধু বিধুমুখী  
 কদলীর নাম রত্না, বিদিত ভুবনে ।  
 আইলেন অলম্বুশা,—মহা লঙ্কাবতী  
 যথা লতা লঙ্কাবতী, কিস্ত (কে না জানে ?)  
 অপাঙ্গে গরল,—বিশ্ব দহে গো যাহাতে !  
 আইলেন মেনকা ; হে গাধির নন্দন<sup>৩৫</sup>  
 অভিমানি, যার প্রেমরস-বরিষণে  
 নিবারিলা পুরন্দর তপ-অগ্নি তব,  
 নিবারয়ে মেঘ যথা আসার বরষি  
 দাবানল ।<sup>৩৬</sup> শত শত আসিয়া অঙ্গরী,  
 নতভাবে ইন্দ্রাণীরে নমি, দাঁড়াইলা  
 চারি দিকে ; যথা যবে,—হায় রে স্মরিলে  
 ফাটে বুক !—ত্যজি ব্রজ ব্রজকুলপতি  
 অক্রুরের সহ চলি গেলা মধুপুরে,—  
 শোকিনী গোপিনীদল, যমুনা-পুলিনে,  
 বেড়িল নীরবে সবে রাখা বিলাপিনী ।<sup>৩৭</sup>

ইতি শ্রীতিলোত্তমাসম্ভবে কাব্যে ব্রহ্মপুরীতোরণ  
 নাম দ্বিতীয় সর্গ ।

## তৃতীয় সর্গ

হেথা তুরাসাহ' সহ ভীম প্রভঞ্জন—  
 বায়ুকুল-ঈশ্বর,—প্রচেতাঃ পরসুতপ,  
 দণ্ডধর মহারথী—তপন-তনয়—  
 যক্ষদল-পতি দেব অলকার নাথ,  
 সুরসেনানী শুরেন্দ্র,—প্রবেশ করিলা  
 ব্রহ্মপুরী । এড়াইয়া কাঞ্চন-তোরণ  
 হিরন্ময়, মৃদগতি চলিলা সকলে,  
 পদ্মাসনে পদ্মযোনি বিরাজেন যথা  
 পিতাময় । সুপ্রশস্ত স্বর্ণ-পথ দিয়া  
 চলিলা দিকপাল-দল পরম হরষে ।  
 দুই পাশে শোভে হৈম তরুরাজী, তাহে  
 মরকতময় পাতা, ফুল রত্ন-মালা,  
 ফল,—হায়, কেমনে বর্ণিব ফল-ছটা ?  
 সে সকল তরুশাখা-উপরে বসিয়া  
 কলস্বরে গান করে পিকবরকুল  
 বিনোদি বিধির হিয়া ! তরুরাজী-মাঝে

শোভে পদ্মরাগমণি-উৎস শত শত  
 বরষি অমৃত, যথা রতির অধর  
 বিশ্বময়, বর্ষে, মরি, বাক্য-সুধা, তুমি  
 কামের কর্ণকুহর ! সুমন্দ সমীর—  
 সহ গন্ধ,—বিরিঞ্চির চরণ-যুগল-  
 অরবিন্দে জন্ম যার—বহে অনুক্ষণ  
 আমোদে পুরিয়া পুরী ! কি ছার ইহার  
 কাছে বনস্থলীর নিশ্বাস, যবে আসি  
 বসন্তবিলাসী আলিঙ্গয়ে কামে মাতি  
 সে বনসুন্দরী, সাজাইয়া তার তনু  
 ফুল-আভরণে ! চারি দিকে দেবগণ  
 হেরিলা অযুত হর্ম্য রম্য, প্রভাকর,  
 সুমেরু নগেন্দ্রে যথা—অতুল জগতে !  
 সে সদনে করে বাস ব্রহ্মপুরবাসী,  
 রমার রম-উরসে যথা শ্রীনিবাস  
 মাধব ! কোথায় কেহ কুসুম-কাননে,

৩৪. বিদ্যুতালোক । ৩৫. মহর্ষি গাধির পুত্র বিশ্বামিত্র মুনি । ৩৬. ইন্দ্রের প্ররোচনায় মেনকা কর্তৃক বিশ্বামিত্রের  
 তপোভঙ্গের প্রসঙ্গ । ৩৭. রাখাক্ষের ব্রজলীলা প্রসঙ্গ ।

১. দেবরাজ ইন্দ্র ।

কুসুম-আসনে বসি, স্বর্ণবীণা করে,  
 গাইছে মধুর গীত ; কোথায় বা কেহ  
 ভ্রমে, সদানন্দ সম সদানন্দ মনে  
 মঞ্জু কুঞ্জে, বহে যথা পীযুষ-সলিলা<sup>(১)</sup>  
 নদী, কল কল রব করি নিরবধি,  
 পরি বক্ষস্থলে হেম-কমলের দাম ;—  
 নাচে সে কনকদাম মলয়-হিম্মোলে,  
 উর্ধ্বশীর বক্ষে যথা মন্দারের মালা,  
 যবে নৃত্য-পরিশ্রমে ক্লান্তা সীমন্তিনী  
 ছাড়েন নিশ্বাস ঘন, পুরি সুসৌরভে  
 দেব-সভা ! কাম—হায়, বিষম অনল  
 অন্তরিত !—হৃদয় যে দহে, যথা দহে  
 সাগর বাড়বানল ! ক্রোধ বাতময়,  
 উথলে যে শোণিত-তরঙ্গ ডুবাইয়া  
 বিবেক ! দুরন্ত লোভ—বিরাম-নাশক,  
 হায় রে, গ্রাসক যথা কাল, তবু সদা  
 অশনায় পীড়িত ! মোহ—কুসুমডোর,  
 কিন্তু তোর শৃঙ্খল, রে ভব-কারাগার,  
 দৃঢ়তর ! মায়ার অজেয় নাগপাশ !  
 মদ—পরমন্তকারী, হায়, মায়্যা-বায়ু,  
 ফাঁপায় যে হৃদয়, কুরস যথা দেহ  
 রোগীর ! মাৎসর্য—যার সুখ, পরদুখে,  
 গরলকণ্ঠ !—এ সব দুষ্ট রিপু, যারা  
 প্রবেশি জীবনফুলে, কীট যেন, নাশে  
 সে ফুলের অপরূপ রূপ, এ নগরে  
 নারে প্রবেশিতে, যথা বিবাক্ত ভুজগ  
 মহৌষধাগারে । হেথা জিতেন্দ্রিয় সবে,  
 ব্রহ্মার নিসর্গধারী, নদচয় যথা  
 লভয়ে ক্ষীরতা বহি ক্ষীরোদ সাগরে !

হেরি সুনগর-কান্তি, শ্রান্তিমদে মাতি,  
 ভুলিলা দেবেশ-দল মনের বেদনা  
 মহানন্দে ! ফুলবনে প্রবেশিয়া, কেহ  
 তুলিলা সুবর্ণপুল ; কেহ, ক্ষুধাতুর,  
 পাড়িয়া অমৃতফল ক্ষুধা নিবারিলা ;  
 কেহ পান করিলা পীযুষ-মধু সুখে ;  
 সঙ্গীত-তরঙ্গে কেহ কেহ রঙ্গে ঢালি  
 মনঃ হৈম তরুমূলে নাচিলা কৌতুকে ।

এইরূপে দেবগণ ভ্রমিতে ভ্রমিতে  
 উতরিলা বিরিঞ্চির মন্দির-সমীপে  
 স্বর্ণময় ; হীরকের স্তম্ভ সারি সারি

শোভিছে সম্মুখে, দেবচক্ষু যার আভা  
 ক্ষণ সহিতে অক্ষম ! কে পারে বর্ণিতে  
 তাহার সদন বিশ্বন্তর সনাতন  
 যিনি ? কিম্বা কি আছে গো এ ভবমণ্ডলে  
 যার সহ তাহার তুলনা করি আমি ?  
 মানব-কল্পনা কভু পারে কি কল্পিতে  
 ধাতার বৈভব—যিনি বৈভবের নিধি ?

দেখিলেন দেবগণ মন্দির-দুয়ারে  
 বসি সুকনকাসনে বিশদবসনা  
 ভক্তি—শক্তি-কুলেশ্বরী, পতিতপাবনী,  
 মহাদেবী । অমনি দিকপাল-দল নমি  
 সাষ্টাঙ্গে, পূজিলা মার রাঙা পা দুখানি !  
 “হে মাতঃ”—কহিলা ইন্দ্র কৃতাঞ্জলিপুটে—  
 “হে মাতঃ, তিমিরে যথা বিনাশেন উষা,  
 কলুষনাশিনী তুমি ! এ ভবসাগরে  
 তুমি না রাখিলে, হায়, ডুবে গো সকলে  
 অসহায় । হে জননি, কৈবল্যদায়িনি,<sup>২</sup>  
 কৃপা কর আমা সবা প্রতি—দাস তব ।”—

শুনি বাসরের স্তুতি, ভক্তি শক্তীশ্বরী  
 আশীষ করিলা দেবী যত দেবগণে  
 মুদু হাসি ; পাইলেন দিব্য চক্ষু সবে ।  
 অপর আসনে পরে দেখিলা সকলে  
 দেবী আরাধনা,—ভক্তিদেবীর স্বজনী,  
 একপ্রাণা দোঁহে । পুনঃ সাষ্টাঙ্গে প্রণমি,  
 কহিতে লাগিলা শচীকান্ত কৃতাঞ্জলি-  
 পুটে,—“হে জননি, যথা আকাশমণ্ডলী  
 নিনাদবাহিনী, তথা তুমি, শক্তীশ্বরী,  
 বিধাতার কর্ণমূলে বহ গো সতত  
 সেবক-হৃদয়-বাণী । আমা সবা প্রতি  
 দয়া কর, দয়াময়ি, সদয় হইয়া ।”

শুনিয়া ইন্দ্রের বাণী, দেবী আরাধনা—  
 প্রসন্নবদনা মাতা—ভক্তিপানে চাহি,  
 —চাহে যথা সূর্য্যমুখী রবিচ্ছবি পানে—  
 কহিলা,—“আইস, ওগো সখি বিধুমুখি  
 চল যাই লইয়া দিকপাল-দলে যথা  
 পদ্মাসনে বিরাজেন ধাতা ; তোমা বিনা  
 এ হৈম কপাট, সখি, কে পারে খুলিতে ?”  
 “খুলি এ কপাট আমি বটে ; কিন্তু, সখি,”  
 (উত্তর করিলা ভক্তি) “তোমা বিনা বাণী  
 কার শুনি, কর্ণদান করেন বিধাতা ।

০৭ যাই, হে স্বজন, মধুর-ভাষিণি,—  
খুশি ব দুয়ার আমি ; সদয় হৃদয়ে,  
অবগত করাও খাতারে, কি কারণে  
আসি উপস্থিত হেথা দেবদল, তুমি।”

তবে ভক্তি দেবীশ্বরী সহ আরাধনা  
অমৃত-ভাষিণী, লয়ে দেবপতিদলে  
প্রবেশিলা মন্দগতি খাতার মন্দিরে  
নতভাবে। কনক-কমলাসনে তথা  
দেখিলেন দেবগণ স্বয়ম্ভু লোকেশে !  
শত শত ব্রহ্ম-ঋষি বসেন চৌদিকে,  
মহাতেজা, তেজোশুণে জিনি দিননাথে,  
কাঞ্চন-কিরীট শিরে ! প্রভা আভাময়ী,—  
মহারূপবতী সতী,—দাঁড়ান সম্মুখে—  
যেন বিখাতার হাস্যাবলী মূর্তিমতী !  
ঠার সহ দাঁড়ান সুবর্ণবীণা করে,  
বীণাপাণি, স্বরসুধা-বর্ষণে বিনোদি  
খাতার হৃদয়, যথা দেবী মন্দাকিনী  
কলকল-রবে সদা তুযেন অচল-  
কুল-ইন্দ্র হিমাচলে—মহানন্দময়ী !

শ্বেতভূজা, শ্বেতাঙ্কে<sup>৩</sup> বিরাজে পা দুখানি,  
রক্তোৎপল-দল যেন মহেশ-উরসে ;—  
জগৎ-পূজিতা দেবী—কবিকুল-মাতা !

হেরি বিরিঞ্চির পাদ-পদ্ম, সুরদল,  
অমনি শচী-রমণ সহ পঞ্চ জন—  
নমিলা সাষ্টাঙ্গে । তবে দেবী আরাধনা  
যুড়ি কর কলস্বরে কহিতে লাগিলা ;—

“হে খাতঃ জগত-পিতঃ, দেব সনাতন  
দয়াসিদ্ধ ! সুন্দ উপসুন্দাসুর বলী,  
দলি আদিতেয়-দলে বিষম সংগ্রামে,  
বসিয়াছে দেবাসনে পামর দেবারি,  
লগুভগু করি স্বর্গ—দাবানল যথা  
বিনাশে কুসুমে পশি কুসুমকাননে  
সর্বভুক ! রাজ্যচ্যুত, পরাভূত রণে,  
তোমার আশ্রয় চায় নিরাশ্রয় এবে  
দেবদল,—নিদাঘার্শ্ব পথিক যেমতি  
তরুণ-পাশে আসে আশ্রম-আশায় ।—  
হে বিভো জগৎযোনি,<sup>৪</sup> অযোনি আপনি,  
জগদন্ত<sup>৫</sup> নিরন্তক,<sup>৬</sup> জগতের আদি  
অনাদি ! হে সর্বব্যাপি, সর্বস্ব, কে জানে

মহিমা তোমার ? হায়, কাহার রসনা,—  
দেব কি মানব,—গুণকীর্তনে তোমার  
পারক ? হে বিশ্বপতি, বিপদের জালে  
বদ্ধ দেবকূলে, দেব, উদ্ধার গো আজি !”

এতেক নিবেদি তবে দেবী আরাধনা  
নীরব হইলা, নমি খাতার চরণে  
কৃতাজলিপুটে । শুনি দেবীর বচন—  
কি ছার তাহার কাছে কাকলী-লহরী  
মধুকালে ?—উত্তর করিলা সনাতন-  
খাতা ; “এ বারতা, বৎসে, অবিদিত নহে ।  
সুন্দ উপসুন্দাসুর দৈব-বলে বলী ;  
কঠোর তপস্যাকলে অজেয় জগতে ।  
কি অমর কিবা নর সমরে দুর্কার  
দৌহে ! প্রাতুভেদ ভিন্ন অন্য পথ নাহি  
নিবারিতে এ দানবদ্বয়ে । বায়ু-সখা  
সহ বায়ু আক্রমিলে কানন, তাহারে  
কে পারে রোধিতে,—কার পরাক্রম হেন ?”

এতেক কহিলা দেব দেব-প্রজাপতি ।  
অমনি করিয়া পান খাতার বচন-  
মধু, ব্রহ্ম-পুরী সুখতরঙ্গে ভাসিল !  
শোভিলা উজ্জ্বলতরে প্রভা আভাময়ী,  
বিশাল-নয়না দেবী । অখিল জগত  
পুরিল সুপরিমলে, কমল-কাননে  
অযুত কমল যেন সহসা ফুটিয়া  
দিল পরিমল-সুধা সুমন্দ অনিলে !  
যথায় সাগর-মাঝে প্রবল পবন  
বলে ধরি পোত, হায়, ডুবাইতেছিল  
তারে, শান্তি-দেবী তথা উতরি সত্বরে,  
প্রবোধি মধুর ভাবে, শান্তিলা মারুতে ।  
কালের নশ্বর শ্বাস-অনলে যেখানে  
ভস্মময় জীবকুল (ফুলকুল যথা  
নিদাঘে) জীবনামৃত-প্রবাহ সেখানে  
বহিল, জীবন দান করি জীবকূলে,—  
নিশির শিশির-বিন্দু সরসে যেমতি  
প্রসূন, নীরস, মরি, নিদাঘ-জ্বলনে !  
প্রবেশিলা প্রতি গৃহে মঙ্গল-দায়িনী  
মঙ্গলা ! সুশাসো পূর্ণা হাসিলা বসুধা ;—  
প্রমোদে মোদিল<sup>৭</sup> বিশ্ব বিশ্বয় মানিয়া !

তবে ভক্তি শক্তীশ্বরী, সহ আরাধনা,

৩. শ্বেতপদ্ম । ৪. বিশ্বস্রষ্টা প্রজাপতি ব্রহ্মা । ৫. সৃজনকর্তা হিসেবে বিশ্বের অন্ত ও ব্রহ্মার মধ্যে । ৬. যার শেষ নেই  
বা বিনাশ নেই—ব্রহ্মা । ৭. আনন্দে প্রকৃত্তিত ।

প্রফুল্লবদনা যথা কমলিনী, যবে  
ত্ৰিবাংস্পতি দিননাথ তাড়াই তিমিরে,  
কনক-উদয়াচলে আসি দেন দেখা ;—  
লইয়া দিক্‌পালদলে, যথা বিধি পূজি  
পিতামহে; বাহিরিলা ব্রহ্মালায় হতে।

“হে বাসব,” কহিলেন ভক্তি মহাদেবী,  
“সুরেন্দ্র, সতত রত থাক ধর্মপথে।  
তোমার হৃদয়ে, যথা রাজেন্দ্র-মন্দিরে  
রাজলক্ষ্মী, বিরাজিবে আমি হে সতত।”

“বিধুমুখী সখী মম ভক্তি শক্তীশ্বরী,”—  
কহিলেন আরাধনা মৃদুমন্দ হাসি—  
“বিরাজেন যদি সদা তোমার হৃদয়ে,  
শচীকান্ত, নিতান্ত জানিও আমি তব  
বশীভূতা! শশী যথা কৌমুদী সেখানে।  
মণি, আভা, একপ্রাণা ; লভ এ রতনে,  
অযতনে আভা লাভ করিবে, দেবেশ!  
কালিন্দীরে পান সিদ্ধ গঙ্গার সঙ্গমে!”

বিদায় হইলা তবে সুরদল, সেবি  
দেবীদ্বয়ে। পরে সবে ভ্রমিতে ভ্রমিতে,  
উতরিলা পুনঃ যথা পীযুষ-সলিলা  
বহে নিরবধি নদী কলকল কলে—  
সুবর্ণ-তটিনী ; যথা অমরী ব্রততী,  
অমর সূতরকুল ; স্বর্ণকান্তি ধরি  
ফুলকুল ফোটে নিত্য সুনিকুঞ্জবনে,  
ভরি সুসৌরভে দেশ। হৈম বৃক্ষমূলে,—  
রঞ্জিত কুসুম-রাগে,—বসিলেন সবে।

কহিলা বাসব তবে ঈষৎ হাসিয়া,—  
“দিতিজ-ভূজ-প্রতাপে, রণ পরিহারি,  
আইলাম আমি সবে ধাতার সমীপে  
ধায়ে রড়ে,—বিধির বিধান বোধাগম!  
স্রাত্তভেদ ভিন্ন অন্য নাহি পথ ; কহ,  
কি বুঝ সঙ্কেত-বাক্যে, কহ, দেবগণ?  
বিচার করহ সবে ; সাবধানে দেখ  
কি মর্ম ইহার। দুখে জল যদি থাকে,  
তবু রাজহংসপতি পান করে তারে,  
তোয়াগিয়া তোয়ঃ কে কি বুঝ, কহ, শুনি।”

উত্তর করিলা যম ;—“এ বিষয়ে, দেব  
দেবেন্দ্র, স্বীকারি আমি নিজ অক্ষমতা।  
বাহু-পরাক্রমে কর্ম-নির্বাহী যেখানে,  
দেবনাথ, সেথা আমি। তোমার প্রসাদে

এই যে প্রচণ্ড দণ্ড, ব্রহ্মাওনাশক,  
শিখেছি ধরিতে এরে ; কিন্তু নাহি জানি  
চালাইতে লেখনী, পশিতে শব্দগর্বে  
অর্থরত্ন-লোভে—যেন বিদ্যার ধীবর।”

“আমিও অক্ষম যম-সম”—উত্তরিলা  
প্রভঞ্জন—“সাধিবারে তোমার এ কাজ,  
বাসব! করীর কর যথা, পারি আমি  
উপাড়িতে তরুন্দর, পাষাণ চূর্ণিতে,  
চিরধীর শৃঙ্গধরে বজ্রসম চোটে  
অধীরিতে ; কিন্তু নারি তুলিতে বাছিয়া  
এ সূচি, হে নমুচ্চিসূদন” শচীপতি।”

উত্তর করিলা তবে স্বন্দ তারকারি  
মৃদু স্বরে ;—“দেহ, ওহে দেবকুলপতি,  
দেহ অনুমতি মোরে, যাই আমি যথা  
বসে সুন্দ উপসুন্দ,—দুরন্ত অসুর।  
যুদ্ধার্থে আহানি গিয়া ভাই দুই জনে।  
শুনি মোর শঙ্কধ্বনি রুধিবে অমনি  
উভয় ; কহিব আমি—‘তোমাদের মাঝে  
বীরশ্রেষ্ঠ বীর যে, বিগ্রহ দেহ আসি।’  
ভাই ভাই বিরোধ হইবে এ হইলে।  
সুন্দ কহিবেক আমি বীর-চূড়ামণি ;  
উপসুন্দ এ কথায় সায় নাহি দিবে  
অভিমনে। কে আছে গো, কহ, দেবপতি  
রথীকূলে, স্বীকারে যে আপন নুনতা?  
ভাই ভাই বিবাদ হইলে, একে একে  
বধিব উভয়ে আমি বিধির প্রসাদে—  
বধে যথা বারণারি বারণ-ঈশ্বরে।”

শুনি সেনানীর বাণী, ঈষৎ হাসিয়া  
কহিতে লাগিলা দেব যক্ষকুল-রাজা  
ধনেশ ;—“যা কহিলেন হৈমবতীসুত,  
কৃত্তিকাকুলবল্লভ, মনে নাহি লাগে।  
কে না জানে ফণী সহ বিষ চিরবাসী?  
দংশিলে ভুজঙ্গ, বিষ-অশনি অমনি  
বায়ুগতি পশে অঙ্গে—দুর্বীর অনল।  
যথায় যুঝিবে সুন্দাসুর দুষ্টমতি,  
নিষ্কোষিবে অসি তথা উপসুন্দ বলী  
সহকারী ; উভয়ের বিক্রম উভয়।  
বিশেষতঃ কুট-যুদ্ধে দৈত্যদল রত।  
পাইলে একাকী তোমা, হে উমাকুমার,  
অবশ্য অন্যাযযুদ্ধ করিবে দানব

পাশাচার। বৃথা তুমি পড়িবে সঙ্কটে,  
 ধীরগর। মোর বাণী শুন, দেবপতি  
 ধোহে; আদেশ মোরে, ধনজালে বেড়ি  
 নদী আমি—যথা ব্যাধ বধয়ে শাদ্দুল,  
 আনায়-মাব্বারে তারে আনিয়া কৌশলে—  
 এ দুষ্ট দনুজ পৌঁছে। অবিদিত নহে,  
 বসুমতী সতী মম বসু-পূর্ণাগার,  
 যথা পঙ্কজিনী ধনী ধরয়ে যতনে  
 কেশর,—মদন অর্থ। বিবিধ রতন—  
 তেজঃপুঞ্জ, নয়নরঞ্জন, রাশি রাশি,  
 দেহ আঞ্জা, দেব, দান করি দানবেরে।  
 কার দান সুবর্ণ—উজ্জ্বল বর্ণ, সহ  
 রজত, সুশ্বেত যথা দেবী শ্বেতভুজা।  
 ধনলোভে উন্মত্ত উভয় দৈত্যপতি,  
 অদণ্য বিবাদ করি মরিবে অকালে—  
 মরণ যেমতি ছন্দি, হায়, মন্দমতি!  
 দেহ সুপ্রতীক ভ্রাতা লোভী বিভাবসু!”—  
 উত্তর করিলা তবে জলেশ বরণ  
 পাশী ;—“যা कहিলে সত্য, যক্ষকুলপতি,  
 অর্থে লোভ ; লোভে পাপ ; পাপ-নাশকারী।  
 কিন্তু ধন কোথা এবে পাবে, ধনপতি ?  
 কোথা সে বসুধা শ্যামা, সুবসুধারিণী  
 তোমার ? ভুলিলে কি গো, আমরা সকলে  
 পীন, পত্রহীন তরু হিমাদীতে যথা,  
 আজি। আর আছে কি গো সে সব বিভব ?  
 আর কি—কি কাজ কিন্তু এ মিছা বিলাপে ?  
 কহ, দেবকুলনিধি, কি বিধি তোমার ?”  
 कहিতে লাগিলা তবে দেব পুরন্দর  
 অসুরারি ;—“ভাসি আমি অজ্ঞাত সলিলে  
 কর্ণধার, ভাবনায় চিন্তায় আকুল,  
 মাছি দেখি অনুকূল কুল কোন দিকে !  
 কেমনে চালাব তরী বুঝিতে না পারি ?  
 কেমনে হইব পার অপার সাগর ?  
 শূন্যতূণ আমি আজি এ ঘোর সমরে।  
 গজাপেক্ষা তীক্ষ্ণ মম প্রহরণ যত,  
 তা সকলে নিবারিল এ কাল সংগ্রামে  
 অসুর। যখন দুষ্ট ভাই দুই জন  
 আরজিলা তপঃ, আমি পাঠানু যতনে  
 সুকেশিনী উর্কশীরে ; কিন্তু দৈববলে  
 বিফলবিভ্রমা বামা লজ্জায় ফিরিল,—

গিরিদেহে বাজি যথা রাজীব। সতত  
 অধীর সুধীর ঋষি যে মধুর হাসে,  
 শোভিল সে বৃথা, হায়, সৌদামিনী যথা  
 অন্ধজন প্রতি শোভে বৃথা প্রজ্বলনে !  
 যে কেশে নিগড় সদা গড়ে রতিপতি ;  
 যে অপান্ধবিষানলে জ্বলে দেব-হিয়া ;—  
 নারিল সে কেশপাশ বাঁধিতে দানবে !  
 বিফল সে বিষানল, হলহল যথা  
 নীলকণ্ঠ-কণ্ঠদেশে ! কি আর कहিব,—  
 বৃথা মোরে জিহ্বাসহ, জলদলপতি।”

এতেক कहিয়া দেব দেবেন্দ্র বাসব  
 নীরবিলা, আহা, মরি, নিশ্বাসি বিষাদে !  
 বিষাদে নীরব দেখি পৌলোমীরঞ্জে,  
 মৌনভাবে বসিলেন পঞ্চদেব রথী।

হেন কালে—বিধির অদ্ভুত লীলাখেলা  
 কে পারে বুঝিতে গো এ ব্রহ্মাণ্ডমণ্ডলে ?  
 হেন কালে অকস্মাৎ হইল দৈববাণী।  
 “আনি বিশ্বকর্মায়া, হে দেবগণ, গড়  
 বামায়,—অঙ্গনাকুলে অতুলা জগতে।  
 ত্রিলোকে আছে যত স্থাবর, জঙ্গম,  
 ভূত, তিল তিল সব হইতে লইয়া,  
 সৃজ এক প্রমদারে—ভব-প্রমোদিনী।  
 তা হতে হইবে নষ্ট দুষ্ট অমরারি।”—

তবে দেবপতি, শুনি আকাশ-সম্ভবা-  
 ভারতী, পবন পানে চাহিয়া कहিলা,—  
 “যাও তুমি, আন হেথা, বায়ুকুল-রাজা,  
 অবিলম্বে বিশ্বকর্মা, শিল্পীকুলরাজে।”

শুনি দেবেন্দ্রের বাণী, অমনি তখনি  
 প্রভঞ্জন শূন্যপথে উড়িলা সুমতি  
 আশুগ ;<sup>১০</sup>—কাঁপিল বিশ্ব ধর ধর করি  
 আতঙ্কে, প্রমাদ গণি অস্থির হইলা  
 জীবকুল, যথা যবে প্রলয়ের কালে,  
 টঙ্কারি পিনাক<sup>১১</sup> রোবে পিনাকী ধূর্জটি<sup>১২</sup>  
 বিশ্বনাশী পাশুপত<sup>১৩</sup> ছাড়েন হুকুরে।

চলি গেলা পবন, পবনবেগে দেব  
 শূন্যপথে। হেথা ব্রহ্মপুত্র পঞ্চজন  
 ভাসিলা—মানস-সরে রাজহংস যথা—  
 আনন্দ-সলিলে সদানন্দের সদনে !  
 যে যাহা ইচ্ছিল তাহা পাইলা তখনি।  
 যে আশা, এ ভবমরুদেশে মরীচিকা,

১০. রথ ধারণকারিণী। ১০. অতি দ্রুত যার গতি। ১১. শিবের ধনুক। ১২. মহাদেব।

১৩. বিশ্বসংহারকারী অস্ত্র পাশুপত যিনি ধারণ করেন তিনি পশুপতি—শিব।

ফলবতী নিরবধি বিধির আলয়ে ।  
 মাগিলেন সুধা শচীকান্ত শান্তমতি ;  
 অমনি সুধালহরী বহিল সম্মুখে  
 কলরবে । চাহিলেন ফল জলপতি ;  
 রাশি রাশি ফল আসি সুবর্ণ-বরণ—  
 পড়িল চৌদিকে । যাচিলেন ফুল দেব-  
 সেনানী ; অযুত ফুল, স্তবকে স্তবকে  
 বেড়িল শূরেস্ত্রে যথা চক্ষ্রে তারাবলী ।  
 রত্নাসন মাগি তাহে বসিলা কুবের—  
 মণিময় শেষের অশেষ দেহোপরি  
 শোভিলেন যেন পীতাম্বর চিন্তামণি ।  
 অমিতে লাগিলা যম মহাহাষ্টমতি,  
 যথা শরদের কালে গগনমণ্ডলে,  
 পবন-বাহনারোহী, ভ্রমে কুতূহলী  
 মেঘেস্ত্রে, রজনীকান্ত-রজঃকান্তি হেরি,—  
 হেরি রত্নাকারা তারা,—সুখে মন্দগতি !  
 এড়াইয়া ব্রহ্মপুরী, বায়ুকুল-রাজা  
 প্রভঞ্জন,<sup>১৪</sup> বায়ুবেগে চলিলেন বলী  
 যথায় বসেন বিশ্বোপান্তে মহামতি  
 বিশ্বকর্মা । বাতাকায়ে উড়িলা সুরথী  
 শূন্যপথে, উথলিয়া নীলাম্বর যেন  
 নীল অম্বরশি । কত দূরে ত্রিষাম্পতি  
 দিনকান্ত রবিলোকে অস্থির হইলা  
 ভাবি দুষ্ট রাহু বুঝি আইল অকালে  
 মুখ মেলি । চন্দ্রলোকে রোহিণীবিলাসী<sup>১৫</sup>  
 সুধানিধি, পাণ্ডুবর্ণ আতঙ্কে স্মরিয়া  
 দুরন্ত বিনতাসুতে,<sup>১৬</sup>—সুধা-অভিলাষী !  
 মুদীলা নয়ন হৈম তারাগুল ভয়ে,  
 ভৈরব দানবে হেরি যথা বিদ্যাধরী,  
 পঙ্কজিনী তমঃপুঞ্জ ; বাসুকির শিরে  
 কাঁপিলা ভীরু বসুধা ; উঠিলা গর্জিয়া  
 সিদ্ধ, দ্বন্দ্বের রত সদা, চির-বৈরি হেরি ;<sup>১৭</sup>—  
 সাজিল তরঙ্গ-দল রণ-রঙ্গে মাতি ।  
 এ সবে পশ্চাতে রাখি আঁখির নিমিষে  
 চলি গেলা আশুগতি । ঘন ঘনাবলী  
 ধায় আগে রড়ে ঝড়ে ভূত-দল যথা  
 ভূত-নাথ সহ । একে একে পার হয়ে

সপ্ত অঙ্গি,<sup>১৮</sup> চলিলা মরুৎকুলনিধি  
 অবিশ্রান্ত, ক্রান্তি, শান্তি, সবে অবহেলি  
 চলে যথা কাল । কত দূরে যমপুরী  
 ভয়ঙ্করী দেখিলেন ভীম সদাগতি ।<sup>১৯</sup>  
 কোন স্থলে হিমাতীতে কাঁপে থরথরি  
 পাপি-প্রাণ, উচ্চৈঃস্বরে বিলাপি দুর্ন্যতি ;—  
 কোন স্থলে কালাগ্নেয়-প্রাচীর-বেষ্টিত  
 কারাগারে ছলে কেহ হাহাকার রবে  
 নিরবধি ; কোথাও বা ভীম-মূর্তি-ধারী  
 যমদূত প্রহারয়ে চণ্ড দণ্ড শিরে  
 অদয় ; কোথাও শত শকুনি-মণ্ডলী  
 বজ্রনখা, বিদরিয়া বক্ষঃ মহাবলে,  
 ছিন্ন ভিন্ন করে অস্ত্র ; কোথাও বা কেহ,  
 তৃষায় আকুল, কাঁদে বসি নদী-তীরে,  
 করিয়া শত মিনতি বৈতরণী-পদে  
 বৃথা,—না চাহেন দেবী দুরাচার পানে,  
 তপস্বিনী ধনী যথা—নয়নরমণী—  
 কভু নাহি কর্ণদান করে কামাতুরে—  
 জিতেজিয়া ! কোথাও বা হেরি লক্ষ লক্ষ  
 উপাদেয় ভক্ষ্যদ্রব্য, ক্ষুধাতুর প্রাণী  
 মাগে ভিক্ষা ভক্ষণ—রাজেস্ত্র-স্বারে যথা  
 দরিদ্র,—প্রহরী-বেত্র-আঘাতে শরীর  
 জরজর । সতত অগণ্য প্রাণিগণ  
 আসিতেছে দ্রুতগতি চারি দিক্ হতে,  
 ঝাঁকে ঝাঁকে আসে যথা পতঙ্গের দল  
 দেখি অগ্নিশিখা,—হায়, পুড়িয়া মরিতে !  
 নিম্পূহ এ লোকে বাস করে লোক যত ।  
 হায় রে, যে আশা আসি তোবে সর্ব্বজনে  
 জগতে, এ দুরন্ত অন্তকপুরে গতি-  
 রোধ তার ! বিধাতার এই যে বিধান ।  
 মরুস্থলে প্রবাহিণী কভু নাহি বহে ।  
 অবিরামে কাটে কীট ; পাবক না নিবে ।  
 শত-সিদ্ধু-কোলাহল জিনি, দিবানিশি,  
 উঠয়ে ক্রন্দনধ্বনি—কর্ণ বিদরিয়া ।  
 হেরি শমনের পুরী, বিস্ময় মানিয়া  
 চলিলা জগৎপ্রাণ পুনঃ দ্রুতগতি  
 যথায় বসেন দেব-শিল্পী । কতক্ষণে

১৪. পকনদেব । ১৫. রোহিণীর (নক্ষত্র) স্বামী চন্দ্র । ১৬. গরুড়পক্ষী । ১৭. কবি এখানে বায়ু ও সমুদ্রের মধ্যে শক্রসম্বন্ধ  
 কল্পনা করেছেন । ১৮. পুরাণে উল্লিখিত সপ্ত সমুদ্র প্রসঙ্গ । ১৯. যমপুরীর বর্ণনা প্রসঙ্গে বেগবান বায়ুর উল্লেখ ।

ঊষণমেক্রতে বীর উতরিল। আসি।  
 স্বপ্নে শোভিল বিশ্বকর্মার সদন।  
 কল ঘনাকার ধুম উড়ে হস্ম্যাগরি,  
 কাচার মাঝারে হৈম গৃহগ্র অযুত  
 শোভে, বিদ্যুতের রেখা অচঞ্চল যেন  
 অশাণ্ড আকাশে, বা বাসবের ধনু  
 ধারণময়। প্রবেশিয়া পুরী বায়ুপতি  
 দেখিলেন চারি দিকে ধাতু রাশি রাশি  
 শেলাকার; মুক্তিমান দেব বৈশ্বানরে।<sup>১০</sup>  
 পশ্চি সোহাগায় সোণা গলিছে সোহাগে  
 শোম রসে; বাহিরিছে রজত গলিয়া  
 পুটে, বাহিরায় যথা বিমল-সলিল-  
 লগ্নাৎ, পর্বত-সানু-উপরি যাহারে  
 পালে কাদম্বিনী ধনী; লৌহ, যার তনু  
 অক্ষয়, তাপিলে অগ্নি, মহারাগে ধাতু  
 স্থলে অগ্নিসম তেজ,—অগ্নিকুণ্ডে পড়ি  
 পুড়িছে,—বিষম ছালা যেন ঘৃণা করি,—  
 গীণবে শোকাগ্নি যথা সহে বীর-হিয়া।

কাঞ্চন-আসনে বসি বিশ্বকর্মা দেব,  
 শ্রেণ শিল্পী, গড়িছেন অপূর্ব গড়ন,  
 কোন কালে তথায় আইলা সদাগতি।  
 তোর প্রভঞ্নে দেব অমনি উঠিয়া  
 মমঙ্কারি বসাইলা রত্ন-সিংহাসনে।

“আপন কুশল কহ, বায়ুকুলেশ্বর,”—  
 কহিতে লাগিলা বিশ্বকর্মা—“কহ, বলি,  
 স্বর্গের বারতা। কোথা দেবেস্ত্র কুলিশী?  
 কি কারণে, সদাগতি, গতি হে তোমার  
 এ বিজন দেশে? কহ, কোন্ বরাজনা—  
 দেবী কি মানবী—এবে ধরিয়াছে, তোমা  
 পাতি পীরিতের ফাঁদ? কহ, যত চাহ,  
 দেব আমি অলঙ্কার,—অতুল জগতে!  
 এই দেখ নুপুর; ইহার বোল শুনি  
 ষীণাপাণি-বীণা দেব, ছিন্ন-তার, খেদে!  
 এই দেখ সুমেখলা<sup>১১</sup> দেখি ভাব মনে,  
 বিশাল নিতম্ববিধে কি শোভা ইহার!  
 এই দেখ মুক্তাহার; হেরিলে ইহারে  
 উরজ<sup>১২</sup>—কমলযুগ-মাঝারে, মনোজ<sup>১৩</sup>  
 মজে গো আপনি! এই দেখ, দেব, সিঁথি;  
 কি ছার ইহার কাছে, ওরে নিশীথিনি,  
 তোর তারাময় সিঁথি! এই যে কঙ্কণ

খচিত রতনবৃন্দে, দেখ, গন্ধবহ।  
 প্রবাল-কুণ্ডল এই দেখ, বীরমণি;—  
 কি ছার ইহার কাছে বনস্থলী-কাণে  
 পলাশ,—রমণী-মনোরমণ ভূষণ!  
 আর আর আছে যত, কি কব তোমারে?”

হাসিয়া হাসিয়া যদি এতেক কহিলা,  
 বিশ্বকর্মা, উত্তর করিলা মহামতি  
 স্বসন, নিশ্বাস বীর ছাড়িয়া বিধাদে;—  
 “আর কি আছে গো, দেব, সে কাল এখন?  
 বিশ্বোপান্তে তিমির-সাগর-তীরে সদা  
 বস তুমি, নাহি জান স্বর্গের দুর্দর্শা!  
 হায়, দৈত্যকুল এবে, প্রবল সমরে,  
 লুটিছে ত্রিদশালয় লণ্ডভণ্ড করি,  
 পামর! স্মরেন তোমা দেব অসুরারি,  
 শিল্পিবর; তেই আমি আইনু সঙ্ঘরে।  
 চল, দেব, অবিলম্বে; বিলম্ব না সহে।  
 মহা ব্যগ্র ইন্দ্র আজি তব দরশনে।”

শুনি পবনের বাণী, কহিতে লাগিলা  
 দেব-শিল্পী—“হায়, দেব, এ কি পরমাদ<sup>১৪</sup>—!  
 দিতিজকুল উজ্জ্বলি, কোন্ মহারথী  
 বিমুখিলা দেবরাজে সম্মুখ-সমরে  
 বলে? কহ, কার অস্ত্রে রোধ গতি তব,  
 সদাগতি? কে ব্যথিল তীক্ষ্ণ প্রহরণে  
 যমে? নিরস্ত্রিল কেবা জলেশ পাশীরে?  
 অলকানাথের গদা—শৈল-চূর্ণ-কারী?  
 কে বিধিল, কহ, হায়, খরতর শরে  
 ময়ুর-বাহনে? এ কি অদ্ভুত কাহিনী!  
 কোথায় হইল রণ? কিসের কারণে?  
 মরে যবে সমরে তারক মন্দমতি,  
 তদবধি দৈত্যদল নিস্তেজ-পাবক,—  
 বিষহীন ফণী; এবে প্রবল কেমনে?  
 বিশেষ করিয়া কহ, শুনি, শূরমণি।  
 উত্তরমেক্রতে সদা বসতি আমার  
 বিশ্বোপান্তে। ওই দেখ তিমির-সাগর  
 অকুল, পর্বতাকার যাহার লহরী  
 উথলিছে নিরবধি মহা কোলাহলে।  
 কে জানে জল কি স্থল? বৃষ্টি দুই হবে।

লিখিলা এ মেরু খাতা জগত্তের সীমা  
 সৃষ্টিকালে; বসে তমঃ, দেখ ওই পাশে।  
 নাহি যান প্রভাদেবী তাহার সদনে,

১০. বিশ্বকর্মার কর্মশালায় অগ্নি। ১১. মনোরম কটিভূষণে সজ্জিত। ১২. স্তন। ১৩. বামদেব। ১৪. বিপদ অর্থে  
 ১৫. মাদ শব্দের কাব্যরূপ।

পাপীর সদনে যথা মঙ্গল-দায়িনী  
লক্ষ্মী। এত দূরে আমি কিছু নাহি জানি;  
বিশেষ করিয়া কহ সকল বারতা।”

উত্তর করিলা তবে বায়ু-কুলপতি—  
“না সহে বিলম্ব হেথা, কহিনু তোমাতে,  
শিল্পিবর, চল যথা বিরাজেন এবে  
দেবরাজ ; শুনিবে গো সকল বারতা  
তাঁর মুখে। কোন সুখে কব, হায়, আমি,  
সিংহদল-অপমান শৃগালের হাতে ?  
স্মরিলে ও কথা দেহ জ্বলে কোপানলে !  
বিধির এ বিধি তেঁই সহি মোরা সবে  
এ লাঞ্ছনা। চল দেব, চল শীঘ্রগতি।  
আজি হে তোমার ভার উদ্ধার করিতে  
দেব-বংশ,—দেবরিপু ধ্বংসি স্বকৌশলে।”

এতেক কহিয়া দেব বায়ু-কুলপতি  
দেব দেব-শিল্পী সহ উঠিলা আকাশে  
বায়ুবেগে। ছাড়াইয়া কৃতাস্ত-নগরী,  
বসুধা বাসুকি-প্রিয়া, চন্দ্র সুধানিধি,  
সূর্যলোক, চলিলেন মনোরথগতি  
দুই জন ; কত দূরে শোভিল অশ্বরে  
স্বর্ণময়ী ব্রহ্মপূরী, শোভেন যেমতি  
উমাপতি-কোলে উমা হৈমকিরীটিনী।  
শত শত গৃহচূড়া হীরক-মণ্ডিত  
শত শত সৌধশিরে ভাতে সারি সারি  
কাঞ্চন-নির্মিত। হেরি ধাতার সদন  
আনন্দে কহিলা বায়ু দেব-শিল্পী প্রতি ;—

“ধন্য তুমি দেবকূলে, দেব-শিল্পী গুণি।  
তোমা বিনা আর কার সাধ্য নিস্মাইতে  
এ হেন সুন্দরী পুরী—নয়ন-রঞ্জিনী।”  
“ধাতার প্রসাদে, দেব, এ শক্তি আমার”—  
উত্তরিলা বিশ্বকর্মা—“তাঁর গুণে গুণী,  
গড়ি এ নগর আমি তাঁহার আদেশে।  
যথা সরোবর-জল, বিমল, তরল,  
প্রতিবিশ্বে নীলাম্বর তারাময় শোভা  
নিশাকালে, এই রমা প্রতিমা প্রথমে  
উদয়ে ধাতার মনে,—তবে পাই আমি।”

এইরূপ কথোপকথনে দেবদ্বয়  
প্রবেশিলা ব্রহ্মপূরী—মন্দগতি এবে।  
কত দূরে হেরি দেব জীমূতবাহন  
বজ্রপাণি, সহ কার্তিকৈয় মহারথী,  
পাশী, তপনতনয়, মুরজা-বল্লভ  
যক্ষরাজ, শীঘ্রগামী দেব-শিল্পী দেব

নিকটিয়া, করপুটে প্রণাম করিলা  
যথা বিধি। দেখি বিশ্বকর্মায় বাসব  
মহোদয় আশীষিয়া কহিতে লাগিলা,—  
“স্বাগত, হে দেব-শিল্পী ! মরুভূমে যথা  
তৃষাকুল জন সুখী সলিল পাইলে,  
তব দরশনে আজি আনন্দ আমার  
অসীম ! স্বাগত, দেব, শিল্পি-চূড়ামণি !  
দৈববলে বলী দুই দানব, দুর্জয়  
সমরে, অমরপূরী গ্রাসিয়াছে আসি,  
হায়, গ্রাসে রাহ যথা সুধাংশু-মণ্ডলী !  
ধাতার আদেশ এই শুন মহামতি।  
‘আনি বিশ্বকর্মায়, হে দেবগণ, গড়  
বামায়, অঙ্গনাকূলে অতুলা জগতে।  
ত্রিলোকে আঁছয়ে যত স্থাবর, জঙ্গম,  
ভূত, সবা হইতে লইয়া তিল তিল,  
সৃজ এক প্রমদারে—ভবপ্রমোদিনী।  
তাহা হতে হবে নষ্ট দৃষ্ট অমরারি’।”

শুনি দেবেশ্বের বাণী শিল্পীন্দ্র অমনি  
নমিয়া দিকপালদলে বসিলেন ধ্যানে ;  
নীর্বে বেড়িলা দেবে যত দেবপতি।

আরন্তিয়া মহাতপঃ, মহামন্ত্রবলে  
আকর্বিলা স্থাবর, জঙ্গম, ভূত যত  
ব্রহ্মপূরে শিল্পিবর। যাহারে স্মরিলা  
পাইলা তখনি তারে। পদ্মদ্বয় লয়ে  
গড়িলেন বিশ্বকর্মা রাক্ষা পা দুখানি।  
বিদ্যুতের রেখা দেব লিখিলা তাহাতে  
যেন লাক্ষারস-রাগ। বনস্থল-বধু  
রম্ভা উরুদেশে আসি করিলা বসতি ;  
সুমধ্যম মৃগরাজ দিলা নিজ মাঝা ;  
খগোল নিতম্ব-বিশ্ব ; শোভিল তাহাতে  
মেখলা, গগনে, মরি, ছায়াপথ যথা !  
গড়িলেন বাহু-যুগ লইয়া মৃগালে।  
দাড়িষে কদম্বে হৈল বিষম বিবাদ ;  
উভয়ে চাহিল আসি বাস করিবারে  
উরস-আনন্দ-বনে ; সে বিবাদ দেখি  
দেব-শিল্পী গড়িলেন মেরু-শৃঙ্গাকারে  
কুচযুগ। তপোবলে শশাঙ্ক সুমতি  
হইলা বদন দেব অকলঙ্ক ভাবে ;  
ধরিলা কবরীরূপ কাদম্বিনী ধনী,  
ইন্দ্রচাপে বানাইয়া মনোহর সিঁথি।  
জ্বলে যে তারা-রতন উবার ললাটে,  
তেজঃপুঞ্জ, দুইখান করিয়া তাহারে



গাড়াইলা চক্ষুদ্বয়, যদিও হরিণী  
 গাখিলেক দেবপদে আনি নিজ আঁখি ।  
 গাড়িলা অধর দেব বিশ্বফল দিয়া,  
 মাথিয়া অমৃতরসে ; গজ-মুক্তাবলী  
 শোভিল রে দস্তরূপে বিশ্ব বিমোহিয়া !  
 আপনি রতি-রঞ্জন নিজ ধনু ধরি  
 ঙ্করুছলে বসাইলা নয়ন উপরে ;  
 তা দেখিয়া বিশ্বকর্মা হাসি কাড়ি নিলা  
 তুণ তাঁর; বাছি বাছি সে তুণ হইতে  
 খরতর ফুল-শর, নয়নে অপিলা  
 দেব-শিল্পী । বসুন্ধরা নানা রত্ন-সাজে  
 সাজাইলা বরবপু, পুষ্পলাবী যথা  
 সাজায় রাজেন্দ্রবালা কুসুমভূষণে ।  
 চম্পক, পঙ্কজপর্ণ, সুবর্ণ চাহিল  
 দিতে বর্ণ বরাক্ষনে ; এ সবারে ত্যজি,—  
 হরিতালে শিল্পীবর রাগিলা সূতনু !  
 কলরবে মধুদূত কোকিল সাখিল  
 দিতে নিজ মধু-রব ; কিন্তু বীণাপাণি,  
 আনি সঙ্গে সঙ্গে রাগ-রাগিণীর কুল,  
 রসনায় আসন পাতিলা বাগীশ্বরী !  
 অমৃত সঞ্চারি তবে দেব-শিল্পী-পতি  
 জীবাইলা কামিনীরে ;—সুমোহিনী-বেশে  
 দাঁড়াইলা প্রভা যেন, আহা, মূর্তিমতী !  
 হেরি অপরূপ কান্তি আনন্দ-সলিলে  
 ভাসিলেন শচীকান্ত ; পবন অমনি,  
 প্রফুল্ল কমলে যেন পাইয়া, স্বনিলা  
 সুস্বনে ! মোহিত কামে মুরজামোহন,  
 মনে মনে ধন-প্রাণ সঁপিলা বামারে !  
 শাস্ত জলনাথ যেন শাস্তি-সমাগমে !  
 মহাসুখী শিখিধ্বজ, শিখিবর যথা

হেরি তোরে, কাদশিনি, অনস্বরতলে !  
 তিমির-বিলাসী যম হাসিয়া উঠিলা,  
 কৌমুদিনী-প্রমদায় হেরি মেঘ যথা  
 শরদে ! সাবাসি, ওহে দেব-শিল্পী গুণি !  
 ধাতাবরে, দেববর, সাবাসি তোমারে !  
 হেন কালে,—বিধির অদ্ভুত লীলাখেলা  
 কে পারে বুঝিতে গো এ ব্রহ্মাণ্ড-মণ্ডলে ;—  
 হেন কালে পুনর্বার হৈল দৈববাণী;—  
 “পাঠাও, হে দেবপতি, এ রমা বামারে,  
 (অনুপমা বামাকুলে)—যথা অমরারি  
 সুন্দ উপসুন্দাসুর ; আদেশ অনঙ্গে  
 যাইতে এ বরাক্ষনা সহ সঙ্গে মধু,  
 ঋতুরাজ । এ রূপের মাধুরী হেরিয়া  
 কাম-মদে মাতি দৈত্য মরিবে সংগ্রামে !  
 তিল তিল লইয়া গাড়িলা সুন্দরীরে  
 দেব-শিল্পী, তেঁই নাম রাখ তিলোত্তমা ।”—

শুনিয়া দেবেন্দ্রগণ আকাশ-সম্ভবা  
 সরস্বতী-ভারতী, নমিলা ভক্তিভাবে  
 সাষ্টাঙ্গে । তৎপরে সবে প্রশংসা করিয়া  
 বিদায় করিলা বিশ্বকর্মা শিল্পী-দেবে ।  
 প্রণমি দিক্‌পাল-দলে বিশ্বকর্মা দেব  
 চলি গেলা নিজ দেশে । সুখে শচীপতি  
 বাহিরিলা, সঙ্গে ধনী অতুলা জগতে,—  
 যথা সুরাসুর যবে অমৃত বিলাসে  
 মথিলা সাগরজল, জলদলপতি  
 ভুবন-আনন্দময়ী ইন্দিরার সাথে !<sup>২৫</sup>

ইতি শ্রীতিলোত্তমাসম্ভবে কাব্যে সম্ভবো নাম  
 তৃতীয় সর্গ ।

### চতুর্থ সর্গ

সুর্বণ বিহঙ্গী যথা, আদরে বিস্তারি  
 পাখা,—শক্র-ধনু-কান্তি আভায় যাহার  
 মলিন,—যতনে ধনী শিখায় শাবকে ।  
 উড়িতে, হে জগদম্বে, অস্বর-প্রদেশে ;—  
 দাসের করিয়া সঙ্গে সঙ্গে আজি তুমি  
 ভ্রমিয়াছ নানা স্থানে ; কাতর সে এবে,

কুলায়ে লয়ে তাহারে চল, গো জননি !  
 সফল জনম মম ও পদ-প্রসাদে,  
 দয়াময়ি ! যথা কুন্তী-নন্দন-পৌরব,  
 ধীর যুধিষ্ঠির, সশরীরে মহাবলী  
 ধর্মবলে প্রবেশিলা স্বর্গ,<sup>২</sup> তব বরে  
 দীন আমি দেখিনু, মানব-আঁখি কভু

২৫. দেবাসুর কর্তৃক সমুদ্রমহত্বের পৌরাণিক প্রসঙ্গ । ১. মহাভারতে বর্ণিত যুধিষ্ঠিরের সশরীরে স্বর্গগমন প্রসঙ্গ ।

নাহি দেখিয়াছে যাহা ; শুনিবু ভারতী,  
 তব বীণা-ধ্বনি বিনা অতুলা জগতে !  
 চল ফিরে যাই যথা কুসুম-কুন্তলা  
 বসুধা। কল্পনা,—তব হেমাঙ্গী সঙ্গিনী,—  
 দান করিয়াছে যারে তোমার আদেশে  
 দিব্য-চক্ষু, ভুল না, হে কমল-বাসিনি,  
 রসিতে রসনা তার তব সুধা-রসে !  
 বরষি সঙ্গীতামৃত মনীষী তুষিবে,—  
 এই ভিক্ষা করে দাস, এই দীক্ষা মাগে।  
 যদি গুণগ্রাহী যে, নিদাঘ-রূপ ধরি,  
 আশার মুকুল নাশে এ চিন্তকাননে,  
 সেও ভাল ; অধমে, মা, অধমের গতি !—  
 ধিক্ সে যাজ্ঞা,—ফলবতী নীচ কাছে !

মহানন্দে মহেন্দ্রে সসৈন্যে মহামতি  
 উতরিলা যথা বসে বিদ্যা গিরিবর  
 কামরূপী,—হে অগস্ত্য, তব অনুরোধে  
 অদ্যাপি অচল !<sup>২</sup> শত শত শৃঙ্গ শিরে,  
 বীর বীরভদ্র-শিরে জটাজট যথা  
 বিকট: অশেষ দেহ শেষের যেমনি !  
 দ্রুতগতি শূন্যপথে দেবরথ, রথী,  
 মাতঙ্গ, তুরঙ্গ, যত চতুরঙ্গ-দল  
 আইলা, কঙ্কুক<sup>৩</sup> তেজঃপুঞ্জ উজ্জ্বলিয়া  
 চারি দিক্ ! কাম্য নামে নিবিড় কানন—  
 খাণ্ডব-সম, (পাণ্ডব ফাঙ্কুরির গুণে  
 দহি হবির্বহ<sup>৪</sup> যাহে নীরোগী হইলা)<sup>৫</sup>—  
 সে কাননে দেবসেনা প্রবেশিল বলে  
 প্রবল। আতঙ্কে পশু, বিহঙ্গম আদি  
 আশু পলাইল সবে ঘোরতর রবে,  
 যেন দাবানল আসি, গ্রাসিবার আশে  
 বনরাজী, প্রবেশিলা সে গহন বনে !—  
 কাতারে কাতারে সেনা প্রবেশিল আসি  
 অরণ্যে, উপাড়ি তরু, উপাড়ি ব্রততী,  
 ঝড় যথা, কিম্বা করিযুথ, মত্ত মদে।  
 অধীর সত্রাসে ধীর বিদ্যা মহীধর,  
 শীঘ্র আসি শচীকান্ত-নমুচিসুদন-  
 পদতলে নিবেদিলা কৃতাজ্জলিপুটে,—  
 “কি কারণে, দেবরাজ, কোন্ অপরাধে  
 অপরাধী তব পদে কিঙ্কর ? কেমনে

এ অসহ ভার, প্রভু, সহিবে এ দাস ?  
 পাঞ্চজন্য<sup>৬</sup>-নিদাদক প্রবঞ্চি বলিরে  
 বামনরূপে যেরূপ, হায়, পাঠাইলা  
 অতল পাতালে তারে,<sup>৭</sup> সেই রূপ বুঝি  
 ইচ্ছা তব, সুরনাথ, মজাইতে দাসে  
 রসাতলে !” উত্তরিলা হাসি দেবপতি  
 অসুরারি :—“যাও, বিদ্যা, চলি নিজ স্থানে  
 অভয়ে ; কি অপকার তোমার সম্ভবে  
 মোর হাতে ? ভুজবলে নাশিয়া দিতিজে  
 আজি, উপকার, গিরি, তোমার করিব,  
 আপনি হইব মুক্ত বিপদ হইতে ;—  
 তেঁই হে আইনু মোরা তোমার সদনে।

হেন মতে বিদাইয়া বিদ্যা মহাচলে,  
 দেব-সৈন্য-পানে চাহি কহিলা গম্ভীরে  
 বাসব ; “হে সুরদল. ত্রিদিব-নিবাসি,  
 অমর ! হে দিতিসুত-গর্ভ-খর্বকারি !  
 বিধির নির্বন্ধে, হায়, নিরানন্দ আজি  
 তোমা সবে। রণ-স্থলে বিমুখ যে রথী,  
 কত যে ব্যথিত সে তা কে পারে বর্ণিতে ?  
 কিন্তু দুঃখ দূর এবে কর, বীরগণ !  
 পুনরায় জয় আসি আশু বিরাজিবে  
 এ দেব-কেতনোপরে। ঘোরতর রণে  
 অবশ্য হইবে ক্ষয় দৈত্যচয় আজি।  
 দিয়াছি মদনে আমি, বিধির প্রসাদে,  
 যে শর,—কে সম্বরিতে সে অব্যর্থ শরে ?  
 লয়ে তিলোত্তমায়—অতুলা ধনী রূপে—  
 ঋতুপতি সহ রতিপতি সর্ব-জয়ী  
 গেছে চলি যথায় নিবাসে দেব-অরি  
 দানব ! থাকহ সবে সুসজ্জ হইয়া।  
 সুন্দ উপসুন্দ যবে পড়িবে সমরে,  
 অমনি পশিব মোরা সবে দৈত্যদেশে  
 বায়ুগতি, পশে যথা মদকল করী  
 নলবনে, নলদলে দলি পদতলে।”

শুনি সুরেন্দ্রের বাণী, সুরসৈন্য যত  
 হুঙ্কারি নিষ্কোষিলা অগ্নিময় অসি  
 অযুত, আশ্রয়ে তেজে পুরি বনরাজী !  
 টঙ্কারিলা ধনু ধনুর্ধর-দল বলাী  
 রোষে : লোফে শূল শূলী,—হায়, ব্যগ্র সবে

২. অগস্ত্য মুনি ও বিদ্যাপর্বত সম্পর্কিত পৌরাণিক প্রসঙ্গ। ৩. বর্ম। ৪. যজ্ঞের হবিঃ বহন করেন যিনি — অগ্নিদেব। ৫. মহাভারতে বর্ণিত অর্জুন কর্তৃক ঋণ্ডববন দাহন প্রসঙ্গ। ৬. পাঞ্চজন্য নামক অসুরের অস্থিহারা নির্মিত শ্রীকৃষ্ণের শঙ্খ। ৭. নারায়ণের বামনাবতার সম্পর্কিত পৌরাণিক কাহিনী।

মরিতে মরিতে রণে—যা থাকে কপালে !  
খোর রবে গরজিলা গজ ; হয়ব্যুহঁ  
মিশাইলা হেয়ারব' সে রবের সহ ।  
ওন সে ভীষণ স্বন দনুজ দুশ্মতি  
হীনবীৰ্য্য হয়ে ভয়ে প্রমাদ গণিল  
অমরারি, যথা শুনি খগেন্দ্রের ধ্বনি,  
মিয়মাণ নাগকুল অতল পাতালে !

হেন কালে আচম্বিতে আসি উতরিলা  
কাম্যবনে নারদ, দীদিবি রবি যেন  
ঈতীয় । হরষে বন্দি দেব-ঋষিবরে,  
কহিলেন হাসি ইন্দ্র—দেবকুলপতি—  
“কি কারণে এ নিবিড় কাননে নারদ  
তপোধন, আগমন তোমার গো আজি ?  
দেখ চারি দিকে, দেব, নিরীক্ষণ করি  
ক্ষণকাল ; খরতর-করবাল”-আভা,  
হবির্বহ নহে যাহে উজ্জ্বল এ স্থলী ;—  
নহে যজ্ঞধুম ও,—ফলক সারি সারি  
সুবর্ণমণ্ডিত,—অগ্নিশিখাময় যেন  
ধূমপঞ্জ, কিম্বা মেঘ,—তড়িত-জড়িত !”

আশীষি দেবেশে, হাসি দেব-ঋষিবর  
নারদ, উত্তরছিলে কহিলা কৌতুকে ;—  
“তোমা সম, শচীপতি, কে আছে গো আজি  
তাপস ? সে কাল-অগ্নি জ্বালি চারি দিকে  
বসিয়াছ তপে, দেব, দেখি কাঁপি আমি  
চরতপোবনবাসী ! অবশ্য পাইবে  
মনোনীত বর তুমি ; রিপুদ্বয় তব  
ক্ষয় আজি, সহস্রাক্ষ, কহিনু তোমারে ।’

সুমিলা সুরসেনানী সুমধুর স্বরে  
অগ্রসরি ;—“কৃপা করি কহ, মুনিবর,  
ব্রাতৃভেদ ভিন্ন অন্য পথ কি কারণে  
রুদ্ধ শমনের পক্ষে নাশিতে দানব-  
দল-ইন্দ্র সুন্দ উপসুন্দ মন্দমতি ?  
যে দণ্ডোলি তুলি করে, নাশিলা সমরে  
বৃত্রাসুরে সুরপতি ; যে শরে তারকে  
সংহারিনু রণে আমি ;—কিসের কারণে  
নিরস্ত্র সে সব অস্ত্র এ দৌহার কাছে ?  
কার বরবলে, প্রভু, বলী দিতি-সুত ?”

উত্তর করিলা তবে দেবর্ষি নারদ ;—  
“ভকত-বৎসল যিনি, তাঁর বলে বলী

দ্বৈত্যদ্বয় । শুন দেব, অপূর্ব কাহিনী ।  
হিরণ্যকশিপু দৈত্য, যাহারে নাশিলা  
চক্রপাণি নরসিংহ-রূপে,” তার কুলে  
জন্মিল নিকুন্ত নামে সুরপুররিপু,  
কিন্তু, বজ্রি, তব বজ্র-ভয়ে সদা ভীত  
যথা গরুড়ান শৈল ।” তার পুত্র দৌহে  
সুন্দ উপসুন্দ—এবে ভুবন-বিজয়ী ।  
এই বিদ্যাচলে আসি ভাই দুই জন  
করিল কঠোর তপঃ ধাতার উদ্দেশে  
বহুকাল । তপে তুষ্ট সদা পিতামহ ;  
“বর মাগ” বলি আসি দরশন দিলা ।  
যথা সরঃসুপ্তপদ্ম রবি দরশনে  
প্রফুল্লিত, বিরিক্ষিরে হেরি দৈত্যদ্বয়  
করযোড়ে মৃদুস্বরে কহিতে লাগিল ;—  
“হে ধাতঃ, হে বরদ, অমর কর, দেব,  
আমা দৌহে । তব বর-সুধাপান করি,  
মৃত্যুঞ্জয় হব, প্রভু, এই ভিক্ষা মাগি ।”

হাসি কহিলেন তবে দেব সনাতন  
অজ,—“জন্মে মৃত্যু, দৈত্য । দিবস রজনী—  
এক যায় আর আসে,—সৃষ্টির বিধান ।  
অন্য বর মাগ, বীর, যাহা দিতে পারি ।”

“তবে যদি,”—উত্তর করিল দৈত্যদ্বয়—  
“তবে যদি অমর না কর, পিতামহ,  
আমা দৌহে, দেহ ভিক্ষা, তব বরে যেন  
ব্রাতৃভেদ ভিন্ন অন্য কারণে না মরি ।”  
“ওম্” বলি বর দিলা কমল-আসন ।  
একপ্রাণ দুই ভাই চলিল স্বদেশে  
মহানন্দে । যে যেখানে আছিল দানব,  
মিলিল আসিয়া সবে এ দৌহার সাথে,  
পর্বত-সদন ছাড়ি যথা নদ যবে  
বাহিরায় হৃৎকারি সিদ্ধু-অভিমুখে  
বীরদর্পে, শত শত জল-শ্রোত আসি  
মিশি তার সহ, বীৰ্য্য বৃদ্ধি তার করে ।—  
এইরূপে মহাবলী নিকুন্ত-নন্দন-  
যুগ, বাহু-পরাক্রমে লভিয়াছে এবে  
স্বর্গ ; কিন্তু ত্বর্য নষ্ট হবে দুষ্টমতি ।”

এতেক কহিয়া তবে দেবর্ষি নারদ  
আশীষিয়া দেবদলে, বিদায় মাগিয়া,  
চলি গেলা ব্রহ্মপুরে ধাতার সদনে ।

৮. অশ্বখারা নির্মিত ব্যুহ । ৯. অশ্বের রব । কবি হেয়ারবকে বরাকর হেয়ারব লিখেছেন । ১০. তরবারি ।

১১. বিকুর নরসিংহ অবতারে দানবরাজ হিরণ্যকশিপু কিনাশের পৌরাণিক প্রসঙ্গ । ১২. পক্ষযুক্ত পর্বত অর্থাৎ মৈনাক ।

কাম্যবনে সৈন সহ দেবেন্দ্র রহিলা,  
যথা সিংহ, হেরি দূরে বারণ-ঈশ্বরে,  
নিবিড় কানন মাঝে পশি সাবধানে,  
একদৃষ্টে চাহে বীর ব্যগ্রচিত্ত হয়ে  
তার পানে। এই মতে রহিলেন যত  
দেববৃন্দ কাম্যবনে বিষ্ণোর কন্দরে।

হেথা মীনধ্বজ<sup>১০</sup> সহ মীনধ্বজ রথে.

বসন্ত-সারথি—রঙ্গে চলিলা সুন্দরী  
দেবকুল-আশালতা। অতি-মন্দগতি,  
চলিল বিমান শূন্যপথে, যথা ভাসে  
স্বর্ণবর্ণ, মেঘবর, অম্বর-সাগরে  
যবে অন্তাচল-চূড়া উপরে দাঁড়ায়  
কমলিনী পানে ফিরে চাহেন ভাস্কর  
কমলিনী-সখা। যথা সে ঘনের সনে  
সৌদামিনী, মীনধ্বজে তেমনি বিরাজে  
অনুপমা রূপে বামা—ভুবন-মোহিনী।  
যথায় অচলদেশে দেব-উপবনে  
কেলি করে সুন্দ উপসুন্দ মহাবলী  
অমরারি, তিন জন তথায় চলিলা।

হেরি কামকেতু দূরে, বসুধা সুন্দরী,

আইলা বসন্ত জ্ঞানি, কুসুম-রতনে  
সাজিলা ; সুবৃক্ষশাখে সুখে পিকদল  
আরস্তিল কলস্বরে মদন-কীর্তন।  
মুঞ্জরিল কুঞ্জবন, গুঞ্জরিল অলি  
চারি দিকে ; স্বনস্বনে মন্দ সমীরণ,  
ফুলকুল-উপহার সৌরভ লইয়া,  
আসি সজ্জাবিল সুখে ঋতুবংশ-রাজে।  
“হে সুন্দরি”—মৃদু হাসি মদন কহিলা—  
“ভীকু, উন্মীলিয়া আঁখি,—নলিনী যেমনি  
নিশা অবসানে মিলে কমল-নয়ন—  
চেয়ে দেখ চারি দিকে ; তব আগমনে  
সুখে বসন্তের সখী বসুন্ধরা সতী  
নানা আভরণে সাজি হাসেন কামিনী,  
নববধু বরিবারে কুলনারী যথা।  
তাজি রথ চল এবে—ওই দৈত্যবন।  
যাও চলি, সুহাসিনি, অভয় হৃদয়ে।  
অস্তুরীক্ষে রক্ষা হেতু ঋতুরাজ সহ  
থাকিব তোমার সঙ্গে ; রঙ্গে যাও চলি,

যথায় বিরাজে দৈত্যদ্বয়, মধুমতি।”

প্রবেশিলা কুঞ্জবনে কুঞ্জর-গামিনী  
তিলোত্তমা, প্রবেশয়ে বাসরে যেমতি  
শরমে, ভয়ে কাতরা নবকুল-বধু  
লঙ্কাসীলা। মৃদুগতি চলিলা সুন্দরী  
মুহুমুহুঃ চাহি চারি দিকে, চাহে যথা  
অজানিত ফুলবনে কুরঙ্গিনী ; কভু  
চমকে রমণী শুনি নৃপুরের ধ্বনি ;  
কভু মরমর পাতাকুলের মর্ম্মরে ;  
মলয়-নিশ্বাসে কভু ; হায় রে, কভু বা  
কোকিলের কুহুরবে ! গুঞ্জরিলে অলি  
মধু-লোভী, কাঁপে বামা, কমলিনী যথা  
পবন-হিম্মোলে ! এইরূপে একাকিনী  
ভ্রমিতে লাগিলা ধনী গহন কাননে।  
সিহরিলা বিক্ষ্যাচল ও পদ-পরশে,  
সম্মোহন-বাণাঘাতে যোগীন্দ্র যেমতি  
চন্দ্রচূড় !<sup>১১</sup> বনদেবী—যথায় বসিয়া  
বিরলে, গাঁথিতেছিল ফুল-রত্ন-মালা,  
(বরগুঞ্জমালা যথা গাঁথে ব্রজাঙ্গনা  
দোলাইতে কুঞ্জবিহারীর বরগলে)—  
হেরি সুন্দরীয়ে, ত্বরা অলকাস্ত<sup>১২</sup> তুলি,  
রহিলেন একদৃষ্টে চাহি তার পানে  
তথায়, বিস্ময় সাধ্বী মানি মনে মনে।  
বনদেব—তপস্বী—মুদীলা আঁখি, যথা  
হেরি সৌদামিনী ঘনপ্রিয়ায় গগনে  
দিনমণি। মুগরাজ কেশরী সুন্দর  
নিজ পৃষ্ঠাসন বীর সঁপিলা প্রণমি—  
যেন জগদ্ধাত্রী আদ্যাশক্তি মহামায়ে !

ভ্রমিতে ভ্রমিতে দূতী—অতুলা জগতে  
রূপে—উতরিলা যথা বনরাজী মাঝে  
শোভে সর, নভস্তল বিমল যেমতি।  
কলকল স্বরে জল নিরন্তর ঝরি  
পর্বত-বিবর হতে সৃজে সে বিরলে  
জলাশয়। চারি দিকে শ্যাম তট তার  
শত-রঞ্জিত কুসুমে। উজ্জ্বল দর্পণ  
বনদেবীর সে সর—খচিত রতনে !  
হাসে তাহে কমলিনী, দর্পণে যেমনি  
বনদেবীর বদন ! মৃদু মন্দ রবে

পবন-হিল্লোলে বারি উছলিছে কূলে।  
এই সরোবর-তীরে আসি সীমন্তিনী  
(ক্রান্ত এবে) বসিলা বিরামলাভ-লোভে,  
রূপের আভায় আলো করি সে কানন।  
ক্ষণকাল বসি বামা চাহি সর পানে  
আপন প্রতিমা হেরি—স্রাস্তি-মদে মাতি,  
একদৃষ্টে তার দিকে চাহিতে লাগিলা  
বিবশে!।\* “এ হেন রূপ”—কহিলা রূপসী  
মৃদু স্বরে—“কারো আঁখি দেখেছে কি কভু ?  
ব্রহ্মপুরে দেখিয়াছি আমি দেবপতি  
বাসব ; দেবসেনানী ; আর দেব যত  
বীরশ্রেষ্ঠ ; দেখিয়াছি ইন্দ্রাণী সুন্দরী ;  
দেব-কুল-নারী-কুল ; বিদ্যাধরী-দলে ;  
কিন্তু কার তুলনা এ ললনার সহ  
সাজে ? ইচ্ছা করে, মরি, কায় মন দিয়া  
কিঙ্করী হইয়া ওঁর সেবি পা দুখানি!  
বুঝি এ বনের দেবী,—মোরে দয়া করি  
দয়াময়ী—জল-তলে দরশন দিলা।”

এতেক কহিয়া ধনী অমনি উঠিয়া  
নমাইলা শির—যেন পূজার বিধানে,  
প্রতিমূর্ত্তি প্রতি ; সেও শির নামাইল!  
বিস্ময় মানিয়া বামা কৃতাঞ্জলিপুটে  
মৃদু স্বরে সুধিলা—“কে তুমি, হে রমণি ?”  
আচম্বিতে “কে তুমি ? কে তুমি, হে রমণি—  
হে রমণি ?” এই ধ্বনি বাজিল কাননে!  
মহা ভয়ে ভীতা দৃতী চমকি চাহিলা  
চারি দিকে। হেন কালে হাসি সকৌতুকে,  
মধু সহ রতি-বঁধু আসি দেখা দিলা।

“কাহারে ডরাও তুমি, ভুবন-মোহিনি ?”  
(কহিলেন পুষ্পধনু) “এই দেখ আমি  
বসন্ত-সামন্ত সহ আছি, সীমন্তিনি,  
তব কাছে। দেখিছ যে বামা-মূর্ত্তি জলে,  
তোমারি প্রতিমা, ধনি ; ওই মধুধ্বনি,  
তব ধ্বনি প্রতিধ্বনি শিখি নিনাদিছে!  
ও রূপ-মাধুরী হেরি, নারী তুমি যদি  
বিবশা এত, রূপসি, ভেবে দেখ মনে  
পুরুষকুলের দশা। যাও ত্বরা করি ;—  
অদূরে পাইবে এবে দেবারি দানবে।”

ধীরে ধীরে পুনঃ ধনী মরালগামিনী  
চলিলা কানন-পথে। কত স্বর্ণ-লতা

সাধিল ধরিয়া, আহা, রাঙা পা দুখানি,  
থাকিতে তাদের সাথে ; কত মহীরুহ,  
মোহিত মদন-মদে, দিলা পুষ্পাঞ্জলি ;  
কত যে মিনতি স্তুতি করিলা কোকিল  
কপোতীর সহ ; কত গুণ গুণ করি  
আরাধিল অলি-দল,—কে পারে কহিতে ?  
আপনি ছায়া সুন্দরী—ভানুবিলাসিনী—  
তরুমূলে, ফুল ফল ডালায় সাজায়,  
দাঁড়াইলা—সখীভাবে বরিতে বামারে ;  
নীরবে চলিলা সাথে সাথে প্রতিধ্বনি ;  
কলরবে প্রবাহিণী—পর্বত-দুহিতা—  
সম্বোধিলা চন্দ্রাননে ; বনচর যত  
নাচিল হেরিয়া দূরে বন-শোভিনীরে,  
যথা, রে দণ্ডক, তোর নিবিড় কাননে,  
(কত যে তপস্যা তোর কে পারে বুঝিতে ?)  
হেরি বৈদেহীরে—রঘুরঞ্জন-রঞ্জিনী!।<sup>১</sup>  
সাহসে সুরভি বায়ু, ত্যজি কুবলয়ে,  
মুহূর্মুহুঃ অলকান্ত উড়াইয়া কামী  
চুম্বিলা বদন-শশী! তা দেখি কৌতুকে  
অন্তরীক্ষে মধু সহ বদন হাসিলা!—  
এইরূপে ধীরে ধীরে চলিলা রূপসী।

আনন্দ-সাগরে মগ্ন দিতিসুত আজি  
মহাবলী। দৈববলে দলি দেব-দলে—  
বিমুখি অমরনাথে সন্মুখ-সমরে,  
ভ্রমিতেছে দেববনে দৈত্যকুলপতি।  
কে পারে আঁটিতে দোঁহে এ তিন ভুবনে ?  
লক্ষ লক্ষ রথ, রথী, পদাতিক, গজ,  
অশ্ব ; শত শত নারী—বিশ্ব-বিনোদিনী,  
সঙ্গে সঙ্গে করে কেলি নিকুন্ত-নন্দন  
জয়ী। কোন স্থলে নাচে বীণা বাজাইয়া  
তরুমূলে বামাকুল, ব্রজবালা যথা  
শুনি মুরলীর ধ্বনি কদম্বের মূলে।<sup>২</sup>—  
কোথায় গাইছে কেহ মধুর সুস্বরে।  
কোথায় বা চব্বা, চোষ্য, লেহ্য পেয় রসে  
ভাসে কেহ। কোথায় বা বীরমদে মাতি,  
মগ্ন সহ যুঝে মগ্ন ক্ষিতি টলমলি।  
বারণে বারণে রণ—মহা ভয়ঙ্কর,  
কোন স্থলে। গিরিচূড়া কোথায় উপড়ি,  
হৃৎকারি নভস্তলে দানব উড়িছে  
বাড়ময়, উথলিয়া অম্বর-সাগর—

১৬. বিহ্বলভাবে। ১৭. রঘুপতি রামচন্দ্রকে যিনি আনন্দ দান করতেন—সীতা। রামায়ণে বর্ণিত সীতা রামের দণ্ডক কাননে বাস প্রসঙ্গ। ১৮. রাখাক্ষেত্র ব্রজলীলার প্রসঙ্গ।

যথা উথলয়ে সিদ্ধু দ্বন্দ্বি তিমিঙ্গিল<sup>১৯</sup>  
 মীনরাজ—কোলাহলে পুরিয়া গগন।  
 কোথায় বা কেহ পশি বিমল সলিলে,  
 প্রমদা সহিত কেলি করে নানা মতে  
 উন্মদ মদন-শরে। কেহ বা কুটীরে  
 কমল-আসনে বসে প্রাণসখী লয়ে,  
 অলঙ্কারি কর্ণমূল কুবলয়-দলে।  
 রাশি রাশি অসি শোভে, দিবাকর-করে  
 উদগীরি পাবক যেন। ঢাল সারি সারি—  
 যথা মেঘপুঞ্জ—ঢাকে সে নিকুঞ্জবন।  
 ধনু, তুণ অগণ্য; ত্রিশূলাকার শূল  
 সর্বভেদী। তা সবার নিকটে বসিয়া  
 কথোপকথনে রত যোধ শত শত।  
 যে যার সমরক্ষেত্রে প্রচণ্ড আঘাতে  
 বিমুখিল, তার কথা কহে সেই জন।  
 কেহ কহে—সেনানীর কাটিনু কবচ;  
 কেহ কহে—মারি গদা ভীম যমরাজে  
 খেদাইনু; কেহ কহে—ঐরাবত-গুঁড়ে  
 চোক্ চোক্ হানি শর অস্থিরিনু তারে।  
 কেহ বা দেখায় দেব-আভরণ; কেহ  
 দেব-অস্ত্র; দেব-বস্ত্র আর কোন জন।  
 কেহ দুষ্ট তুষ্ট হয়ে পরে নিজ শিরে  
 দেবরথী-শিরচূড়।—এইরূপে এবে  
 বিহরয়ে দৈত্য-দল—বিজয়ী সমরে।  
 হে বিভো, জগতযোনি, দয়াসিদ্ধু তুমি;  
 তেঁই ভবিতব্যে, দেব, রাখ গো গোপনে!

কনক-আসনে বসে নিকুন্ত-নন্দন  
 সুন্দ উপসুন্দাসুর। শিরোপরি শোভে  
 দেবরাজ-ছত্র, তেজে আদিত্য-আকৃতি।  
 বীতিহোত্র<sup>২০</sup>-মুর্তি বীর বেড়ে শত শত  
 দৈত্যদ্বয়ে, ঝকমকি বীর-আভরণে,  
 বীর-বীর্যে পূর্ণ সবে, কালকূটে যথা  
 মহোরগ! বসে দৌহে কনক-আসনে  
 পারিজাত-মালা গলে, অনুপম রূপে,  
 হায় রে, দেবেন্দ্রে যথা দেবকুল-মাঝে!  
 চারি দিকে শত শত দৈত্য-কুল-পতি  
 নানা উপহার সহ দাঁড়ায় বিনত-  
 ভাবে, সুপ্রসন্ন মুখে প্রশংসি দুজনে,  
 দৈত্য-কুল-অবতংস! দূরে নৃত্য-করী  
 নাচে, নাচে তারাবলী যথা নবস্তলে

স্বর্ণময়ী। বন্দে বন্দী মহানন্দ মনে,—  
 “জয়, জয়, অমরারি, যার ভূজ-বলে  
 পরাজিত আদিত্যেয় দিতিসূত-রিপু  
 বঙ্কী! জয়, জয়, বীর, বীর-চূড়ামণি,  
 দানব-কুল-শেখর! যার প্রহরণে,—  
 করী যথা কেশরীর প্রচণ্ড আঘাতে  
 ত্যজি বন যায় দূরে,—স্বরীশ্বর আজি,  
 ত্যজি স্বর<sup>২১</sup>, বিশ্বধামে ভ্রমিছে একাকী  
 অনাথ! হে দৈত্য-কুল, উজ্জ্বল গো এবে  
 তুমি! হে দানব-বালা, হে দানব-বধু,  
 কর গো মঙ্গল-ধ্বনি দানব-ভবনে!  
 হে মহি, হে মহীতল, তুমিও, হে দিব,  
 আনন্দ-সাগরে আজি মজ, ত্রিভুবন!  
 বাজাও মৃদঙ্গ রঙ্গে, বীণা, সপ্তস্বর—  
 দুন্দুভি, দামামা, শৃঙ্গ, ভেরী, তুরী বাঁশী  
 শঙ্খ, ঘণ্টা, ঝাঁঝরী। বরিষ ফুল-ধারা!  
 কঙ্করী, চন্দন আন, কেশর, কুমকুম!  
 কে না জানে দেব-বংশ পর-হিংসাকারী?  
 কে না জানে দুষ্টমতি ইন্দ্রে সুরপতি  
 অসুরারি? নাচ সবে তার পরাভবে,  
 মড়ক ছাড়িলে পুরী পৌরজন যথা।”

মহানন্দে সুন্দ উপসুন্দাসুর বলী  
 অমরারি, তুমি যত দৈত্যকুলেশ্বরে  
 মধুর সন্তাষে, এবে, সিংহাসন ত্যজি,  
 উঠিলা,—কুসুমবনে ভ্রমণ প্রয়াসে,  
 একপ্রাণ দুই ভাই—বাগর্থ যেমতি!  
 “হে দানব,” আরঙিলা নিকুন্ত-কুমার  
 সুন্দ,—“বীরদলশ্রেষ্ঠ, অমরমর্দন,<sup>২২</sup>  
 যার বাহু-পরাক্রমে লড়িয়াছি আমি  
 ত্রিদিব-বিভব; শুন, হে সুরারি রথী-  
 ব্যূহ, যার যাহা ইচ্ছা, সেই তাহা কর।  
 চিরবাদী রিপু এবে জিনিয়া বিবাদে  
 ঘোরতর পরিশ্রমে, আরাম সাধনে  
 মন রত কর সবে।” উল্লাসে দনুজ,<sup>২৩</sup>  
 শুনি দনুজেন্দ্র-বাণী, অমনি নাদিল।  
 সে ঠৈরব-রবে ভীত আকাশ-সম্ভবা  
 প্রতিধ্বনি পলাইলা রড়ে; মুচ্ছা পায়ে  
 খেচর, ভূচর সহ, পড়িল ভূতলে।  
 থরথরি গিরিবর বিদ্যুৎ মহামতি  
 কাঁপিলা, কাঁপিলা ভয়ে বসুধা সুন্দরী

১৯. পৌরাণিক বিশ্বাস মতে সুবৃহৎ সামুদ্রিক প্রাণী তিমিকোও যে প্রাণী গিলে যায়। ২০. অগ্নি অথবা সূর্য।

২১. স্বর্ণপূরী। ২২. দেবতাদের যারা মর্দন অর্থাৎ পরাজিত করেছে—দানব। ২৩. দনুর পুত্র—দৈত্য বা দানব।

দূর কাম্যবনে যথা বসেন বাসব,  
শুনি সে ঘোর ঘর্ষর, ব্রহ্ম হয়ে সবে,  
নীরবে এ ওঁর পানে লাগিলা চাহিতে।  
চারি দিকে দৈত্যদল চলিলা কৌতুকে,  
যথা শিলীমুখ-বৃন্দ, ছাড়ি মধুমতী-  
পুরী<sup>২৪</sup> উড়ে ঝাঁকে ঝাঁকে আনন্দে গুঞ্জরি  
মধুকালে, মধুতৃষা তুষিতে কুসুমে।

মঞ্জু কুঞ্জে বামাত্রজরঞ্জন দুজন  
ভ্রমিলা, অশ্বিনী-পুত্র-যুগ<sup>২৫</sup> সম রূপে  
অনুপম ; কিম্বা যথা পঞ্চবতী-বনে  
রাম রামানুজ,—যবে মোহিনী রাক্ষসী  
সূর্ণগথা হেরি দৌঁহে, মাতিল মদনে।<sup>২৬</sup>

ভ্রমিতে ভ্রমিতে দৈত্য আসি উতরিলা  
যেথায় ফুলের মাঝে বসি-একাকিনী  
তিলোত্তমা। সুন্দ পানে চাহিয়া সহসা  
কহে উপসুন্দাসুর,—“কি আশ্চর্য্য, দেখ—  
দেখ, ভাই, পূর্ণ আজি অপূর্ণ সৌরভে  
বনরাজী ! বসন্ত কি আবার আইল ?  
আইস দেখি কোন্ ফুল ফুটি আমোদিছে  
কানন ?” উত্তরে হাসি সুন্দাসুর বলী,—  
“রাজ-সুখে সুখী প্রজা ; তুমি আমি, রথি,  
সসাগরা বসুধারে দেবালয় সহ  
ভুজবলে জিনি, রাজা ; আমাদের সুখে  
কেন না সুখিনী হবে বনরাজী আজি ?”

এইরূপে দুই জন ভ্রমিলা কৌতুকে,  
না জানি কালরাপিণী ভুজঙ্গিনী রূপে  
ফুটিছে বনে সে ফুল, যার পরিমলে  
মত্ত এবে দুই ভাই, হয় রে, যেমতি  
বকুলের বাসে অলি মত্ত মধুলোভে।

বিরাজিছে ফুলকুল-মাঝে একাকিনী  
দেবদুতী, ফুলকুল-ইন্দ্রাণী যেমতি  
নলিনী ! কমল-করে আদরে রূপসী  
ধরে যে কুসুম, তার কমনীয় শোভা  
বাড়ে শতগুণ, যথা রবির কিরণে  
মণি-আভা ! একাকিনী বসিয়া ভাবিনী,  
হেন কালে উতরিলা দৈত্যদ্বয় তথা।

চমকিলা বিধুমুখী সম্মুখে

দৈত্যদ্বয়ে, যথা যবে ভোজরাজবালা  
কুস্তী, দুর্ভাসার মন্ত্র জপি সুবদনা,  
হেরিলা নিকটে হৈম-কিরীটী ভাস্করে।<sup>২৭</sup>  
বীরকুল-চূড়ামণি নিকুণ্ড-নন্দন  
উভে ; ইন্দ্রসম রূপ—অতুল ভুবনে।

হেরি বীরদ্বয়ে ধনী বিস্ময় মানিয়া  
একদৃষ্টে দৌঁহা পানে লাগিলা চাহিতে,  
চাহে যথা সূর্য্যমুখী সে সূর্য্যের পানে !

“কি আশ্চর্য্য ! দেখ, ভাই”, কহিল শুরেন্দ্র  
সুন্দ ; “দেখ চাহি, ওই নিকুঞ্জ-মাঝারে।  
উজ্জ্বল এ বন বুঝি দাবাগ্নিশিখাতে  
আজি ; কিম্বা ভগবতী আইলা আপনি  
গৌরী ! চল, যাই ত্বর, পূজি পদযুগ !  
দেবীর চরণ-পদ্ম-সঙ্গে<sup>২৮</sup> যে সৌরভ  
বিরাজে, তাহাতে পূর্ণ আজি বনরাজী।”

মহাবেগে দুই ভাই ধাইলা সকাশে  
বিবশ। অমনি মধু, মগ্নথে সন্তাষি,  
মুদু স্বরে ঋতুবর কহিলা সত্বরে ;—  
“হান তব ফুল-শর, ফুল-ধনু ধরি,  
ধনুর্ধর, যথা বনে নিষাদ, পাইলে  
মুগরাজে।” অন্তরীক্ষে থাকি রতিপতি,  
শরবৃষ্টি করি, দৌঁহে অস্থির করিলা,  
মেঘের আড়ালে পশি মেঘনাদ যথা  
প্রহারয়ে সীতাকান্ত উর্শ্চিলাবল্লভে।<sup>২৯</sup>

জর জর ফুলশরে, উভয়ে ধরিলা  
রূপসীরে। আচ্ছন্নিল গগন সহসা  
জীমূত ! শোণিতবিন্দু পড়িল চৌদিকে !  
ঘোষিল নির্যোবে ঘন কালমেঘ দুরে ;  
কাঁপিলা বসুধা ; দৈত-কুল-রাজলক্ষ্মী,  
হায় রে, পুরিলা দেশ হাহাকার রবে !

কামমদে মত্ত এবে উপসুন্দাসুর  
বলী, সুন্দাসুর পানে চাহিয়া কহিলা  
রোষে ; “কি কারণে তুমি স্পর্শ এ বামারে,  
ভ্রাতৃবধু তব, বীর ?” সুন্দ উত্তরিলা—  
“বরিনু কন্যায় আমি তোমার সম্মুখে  
এখনি ! আমার ভার্য্যা গুরুজন তব ;  
দেবর বামার তুমি ; দেহ হাত ছাড়ি।”

২৪. মৌচাক। ২৫. স্বর্গের চিকিৎসক অশ্বিনীকুমার যুগল। এঁরা যমজ দেবতা। ২৬. রামায়ণে বর্ণিত রাবণভগ্নী সূর্ণনখার রামলক্ষ্মণকে প্রণয় নিবেদন প্রসঙ্গ। ২৭. মহাভারতের মহাবীর কর্ণের জন্ম প্রসঙ্গ। ২৮. আবাস, গৃহ। পদ্যরূপ চরণের আশ্রয়ে। ২৯. উর্শ্চিলার পতি লক্ষ্মণ—রামায়ণের রামলক্ষ্মণের সঙ্গে মেঘনাদের যুদ্ধ প্রসঙ্গ।

যথা প্রজ্বলিত অগ্নি আস্থতি পাইলে  
আরো জ্বলে, উপসুন্দ—হায়, মন্দমতি—  
মহা কোপে কহিল—“রে অধর্ম-আচারি,  
কুলাঙ্গার, ভ্রাতৃবধু মাতৃসম মানি ;  
তার অঙ্গ পরশিস্ অনঙ্গ-পীড়নে ?”  
“কি কহিলি, পামর ?” অধর্মচারী আমি ?  
কুলাঙ্গার ? ধিক্ তোরে, ধিক্, দুষ্টমতি,  
পাপি ! শৃগালের আশা কেশরীকামিনী  
সহ কেলি করিবার,—ওরে রে বর্বর !”

এতক কহিয়া রোষে নিষ্কোষিলা অসি  
সুন্দাসুর, তা দেখিয়া বীরমদে মতি,  
হৃৎকারি নিজ অস্ত্র ধরিলা অমনি  
উপসুন্দ,—গ্রহ-দোষে বিগ্রহ-প্রয়াসী ।  
মাতঙ্গিনী-প্রেম-লোভে কামার্ঘ্য যেমতি  
মাতঙ্গ যুঝয়ে, হায়, গহন কাননে  
রোষাবেশে, ঘোর রণে কুক্ষণে রণিলা  
উভয়, ভুলিয়া, মরি, পূর্বকথা যত !  
তমঃসম জ্ঞান-রবি সতত আবরে  
বিপত্তি ! দৌহার অস্ত্রে ক্ষত দুই জন,  
তিতি ক্ষিতি রক্তস্রোতে, পড়িলা ভূতলে !

কতক্ষণে সুন্দাসুর চেতন পাইয়া  
কাতরে কহিল চাহি উপসুন্দ পানে ;  
“কি কর্ম করিনু, ভাই, পূর্বকথা ভুলি ?  
এত যে করিনু তপঃ ধাতায় তুষিতে ;  
এত যে যুবিনু দৌহে বাসবের সহ ;  
এই কি তাহার ফল ফলিল হে শেষে ?  
বালিবন্ধে সৌধ, হায়, কেন নির্মহিনু  
এত যত্নে ? কাম-মদে রত যে দুর্মতি,  
সতত এ গতি তার বিদিত জগতে ।  
কিন্তু এই দুঃখ, ভাই, রহিল এ মনে—  
রণক্ষেত্রে শক্র জিনি, মরিনু অকালে,  
মরে যথা মুগরাজ পড়ি ব্যাধ-ফাঁদে ।”

এতক কহিয়া, হায়, সুন্দাসুর বলী,  
বিষাদে নিশ্বাস ছাড়ি, শরীর তাজিলা  
অমরারি, যথা, মরি, গাঙ্গারীনন্দন,  
নরশ্রেষ্ঠ, কুরবংশ ধবংস গণি মনে,  
যবে ঘোর নিশাকালে অশ্বখামা রথী  
পাণ্ডব-শিশুর শির দিলা রাজহাতে !”

মহা শোকে শোকী তবে উপসুন্দ বলী  
কহিলা ; “হে দৈত্যপতি, কিসের কারণে

লুটায় শরীর তব ধরণীর তলে ?  
উঠ, বীর, চল, পুনঃ দলিগে সমরে  
অমর ! হে শুরমণি, কে রাখিবে আজি  
দানব-কুলের মান, তুমি না উঠিলে ?  
হে অগ্রজ, ডাকে দাস চির অনুগত  
উপসুন্দ ; অঙ্গ দোষে দোষী তব পদে  
কিঙ্কর ; ক্ষমিয়া তারে হে বাসবজয়ি,  
লয়ে এ বামারে, ভাই, কেলি কর উঠি !”

এইরূপে বিলাপিয়া উপসুন্দ রথী,  
অকালে কালের হস্তে প্রাণ সমর্পিলা  
কর্মদোষে । শৈলাকারে রহিলা দুজনে  
ভূমিতলে, যথা শৈল—নীরব, অচল ।

সমরে পড়িল দৈত্য । কন্দর্প অমনি  
দর্পে শঙ্খ ধরি ধীর নাদিলা গম্ভীরে ।  
বহি সে বিজয়নাদ আকাশ-সম্ভবা  
প্রতিধ্বনি, রড়ে ধনী ধাইলা আশুগা  
মহারঙ্গে । তুঙ্গ শৃঙ্গে, পর্বতকন্দরে,  
পশিল স্বর-তরঙ্গ । যথা কাম্যবনে  
দেব-দল, কতক্ষণে উতরিলা তথা  
নিরাকারা দূতী । “উঠ”, কহিলা সুন্দরী,  
“শীঘ্র করি উঠ, ওহে দেবকুলপতি !  
ভ্রাতৃভেদে ক্ষয় আজি দানব দুর্জয় ।”

যথা অগ্নি-কণা-স্পর্শে বারুদ-কণিক-  
রাশি, ইরম্মদরূপে, উঠয়ে নিমিষে  
গরজি পবন-মার্গে, উঠিলা তেমতি  
দেবসৈন্য শূন্যপথে । রতনে খচিত  
ধ্বজদণ্ড ধরি করে চিত্ররথ রথী  
উন্মীলিলা দেবকেতু কৌতুকে আকাশে ।  
শোভিল সে কেতু, শোভে ধুমকেতু যথা  
তারারি,—তেজে ভস্ম করি সুররিপু !  
বাজাইল রণবাদ্য বাদ্যকর-দল  
নিক্লে । চলিলা সবে জয়ধ্বনি করি ।  
চলিলেন বায়ুপতি, খগপতি যথা  
হেরি দূরে নাগবৃন্দ—ভয়ঙ্কর গতি ;  
সাপটি প্রচণ্ড দণ্ড চলিলা হরষে  
শমন ; চলিলা ধনুঃ টঙ্কারিয়া রথী  
সেনানী ; চলিলা পাশী ; অলকার পতি,  
গদা হস্তে ; স্বর্গরথে চলিলা বাসব,  
ত্বিষায় জিনিয়া ত্বিষাম্পতি দিনমণি ।  
চলে বাসবীয় চমু<sup>২</sup> জীমূত যেমতি

৩০. নরাধম, হীনজন । ৩১. মহাভারতে বর্ণিত দুর্খোধনের মৃত্যুকাহিনী প্রসঙ্গ । ৩২. সৈন্যবাহিনী—এক অশ্বোহিণীর  
ত্রিশভাগের এক ভাগ পরিমাণ । (এক অশ্বোহিণী = ১০৯৩৫০ পদাতি, ৬৫৬১০ অশ্ব, ২১৮৭০ হস্তী, ২১৮৭  
মোট ২১৮৭০০ চতুরঙ্গ সেনাবিশিষ্ট বাহিনী) ।



৭৬ সহ মহারড়ে ; কিম্বা চলে যথা  
৭৭ মথনাতের সাথে প্রমথের কুল  
৭৮ পাশতে প্রলয়কালে, ববস্বম রবে—  
৭৯ ৭ম রবে যবে রবে শিঙ্গাধ্বনি ১°

ঘোর নাদে দেবসৈন্য প্রবেশিল আসি  
১০০ দেশাদেশে। যে যেখানে আছিল দানব,  
১০১ ৩শ তরাসে কেহ, কেহ ঘোর রণে  
১০২ মরিল। মুহূর্তে, আহা, যত নদ নদী  
১০৩ লগণ, রক্তময় হইয়া বহিল !  
১০৪ শৈলাকার শবরাশি গগন পরশে।  
১০৫ লকুনি গৃধিনী যত—বিকট মুরতি—  
১০৬ গুড়িয়া আকাশদেশ, উড়ে ঝাঁকে ঝাঁকে  
১০৭ মাংসলোভে। বায়ুসখা সুখে বায়ু সহ  
১০৮ শত দৈতাপুরী লাগিলা দহিতে।  
১০৯ মরিল দানব-শিশু, দানব-বনিতা।

১১০ ঠায় রে, যে ঘোর বাত্যা দলে তরু-দলে  
১১১ ঠিপিনে, নাশে সে মুঢ় মুকুলিত লতা,  
১১২ কুসুম-কাঞ্চন-কান্তি ! বিধির এ লীলা।  
১১৩ বিলাপী বিলাপধ্বনি জয়নাদ সহ  
১১৪ মিশিয়া পুরিল বিশ্ব ভৈরব আরবে !

১১৫ কত যে মারিলা যম কে পারে বর্ণিতে ?  
১১৬ কত যে চূর্ণিলা, ভাস্তি তুঙ্গ শৃঙ্গ, বলী  
১১৭ প্রভঞ্জন ;—তীক্ষ্ণ শরে কত যে কাটিলা  
১১৮ সেনানী ; কত যে যুথনাথ গদাঘাতে  
১১৯ মাশিলা অলকানাথ ; কত যে প্রচেতা  
১২০ পাশী ; হায়, কে বর্ণিবে, কার সাধ্য এত ?

১২১ দানব-কুল-নিধনে, দেব-কুল-নিধি  
১২২ শটীকান্ত, নিতান্ত কাতর হয়ে মনে  
১২৩ দয়াময়, ঘোর রবে শঙ্খ নিনাদিলা  
১২৪ গণভূমে। দেবসেনা, স্কান্ত দিয়া রণে  
১২৫ অমনি, বিনতভাবে বেড়িলা বাসবে।

১২৬ কহিলেন সুনাসীর°—গস্তীর বচনে ;—  
১২৭ "সুন্দ-উপসুন্দাসুর, হে শুরেন্দ্র রথি,  
১২৮ অরি মম, যমালয়ে গেছে দৌহে চলি  
১২৯ অকালে কপালদোবে। আর কারে ডরি ?  
১৩০ তবে বৃথা প্রাণিহত্যা কর কি কারণে ?

১৩১ নীচের শরীরে বীর কভু কি প্রহারে  
১৩২ অস্ত্র ? উচ্চ তরু—সেই ভস্ম ইরস্মদে।  
১৩৩ যাক্ চলি নিজালয়ে দিতিসুত যত।  
১৩৪ বিষহীন ফণী দেখি কে মারে তাহারে ?  
১৩৫ আনহ চন্দনকাষ্ঠ কেহ, কেহ ঘৃত ;  
১৩৬ আইস সবে দানবের প্রেতকর্ষ করি  
১৩৭ যথা বিধি। বীর-কূলে সামান্য সে নহে,  
১৩৮ তোমা সবা যার শরে কাতর সমরে !  
১৩৯ বিশ্বনাশী বজ্রাগ্নিরে অবহেলা করি,  
১৪০ জিনিল যে বাহু-বলে দেবকুলরাজে,  
১৪১ কেমনে তাহার দেহ দিবে সবে আজি  
১৪২ খেচর ভূচর জীবে ? বীরশ্রেষ্ঠ যারা,  
১৪৩ বীরারি পুঞ্জিতে রত সতত জগতে !"

১৪৪ এতেক কহিলা যদি বাসব, অমনি  
১৪৫ সাজাইলা চিতা চিত্ররথ মহারথী।  
১৪৬ রাশি রাশি আনি কাষ্ঠ সুরভি, ঢালিলা  
১৪৭ ঘৃত তাহে। আসি শুচি—সর্বশুচিকারী—  
১৪৮ দহিলা দানব-দেহ। অনুমতা হয়ে,  
১৪৯ সুন্দ-উপসুন্দাসুর-মহিষী রূপসী  
১৫০ গেলা ব্রহ্মলোকে,—দৌহে পতিপরায়ণা।

১৫১ তবে তিলোত্তমা পানে চাহি সুরপতি  
১৫২ জিষ্ণু, কহিলেন দেব মুদু মন্দস্বরে ;—  
১৫৩ "তারিলে দেবতাকূলে অকুল পাথারে  
১৫৪ তুমি ; দলি দানবেশ্রে তোমার কল্যাণে,  
১৫৫ হে কল্যাণি, স্বর্গলাভ আবার করিনু।  
১৫৬ এ সুখ্যাতি তব, সতি, ঘৃষিবে জগতে  
১৫৭ চিরদিন। যাও এবে (বিধির এ বিধি)  
১৫৮ সূর্যালোকে ; সুখে পশি আলোক-সাগরে,  
১৫৯ কর বাস, যথা দেবী কেশব-বাসনা,  
১৬০ ইন্দুবদনা ইন্দ্রিা—জলধির তলে।"

১৬১ চলি গেলা তিলোত্তমা—তারকারা ধনী—  
১৬২ সূর্যালোকে। সুরসৈন্য সহ সুরপতি  
১৬৩ অমরাপুরীতে হর্ষে পুনঃ প্রবেশিলা।

১৬৪ ইতি শ্রীতিলোত্তমাসম্ভবে কাব্যে বাসব-বিজয়ো  
নাম চতুর্থ সর্গ।